

A LE KE LESWAO LA BOFELO, MOHLOMPHEGI?



Ke a go leboga, kudu, Ngwanešu Neville.

Mantšiboa a mabotse, bagwera ba ka ba bohlokwa. Ke thabile kudu go ba morago gape, bošegong bjo, ka tirelong ya Morena, Modimo wa rena.

² [Ngwanešu Neville o re go Ngwanešu Branham, “Wo ke wona wa go phela, *mo.*”—Mor.] Wo ke wona o . . . Wo ke wona. Oo, ee. Go kaone.

³ Ke le swareletše botelele bjalo, mosong wo, go fihla ke ikwela ke swanetše go potlaka ka kgonthe bošegong bjo. Um-hum, uh-huh, uh-huh. Nna, go be go befile, gomme go ema godimo, gomme go gobe bošegong bjo. Kafao, e ka se be botelele go fihla re tla ba le sekgoba tsoko sa lena, le a bona, ka pela ge kereke e fedile. Aowa, eupša ga re beakanye go dula botelele kudu bošegong bjo.

⁴ Eupša, gosasa bošego, re nepile go dula lebakana gannyane. Gosasa bošego, ge ba bangwe ba lena ba kgona go tla ka gare, gosasa bošego, gobaneng, re letetše go ba le nako ye botse ka Moreneng. Go tla ba banna ba bakaone mo gosasa bošego. Re tla, bohle ba rena re nale . . .

⁵ [Ngwanabo Ngwanešu Branham, Edgar Branham, o re, “Oo, hani, ema! Ke bile le kgopelo go go kgopela. Ke lebetše go go botša. Eupša, batho ba bantši mo ba boletše gore ka mehla o a itlhaganela, go tšwa ka tirelong. Eupša gosasa bošego o ka kgona go ba le nako yohle ye o bego o e nyaka, go tloga go šupa go fihla go lesomepedi, ge o ka no e tšea. Bjale, seo ke se batheeletši mo ba nkgopetšego go go kgopela. Kafao bjale e hlalose go bona, ge o sa nagane bjalo.”—Mor.]

⁶ Re ya go fa selalelo gare ga bošego, gosasa bošego. Ke na le nnete le tla—le tla rata go ba . . . ka gare le seo. Ge bohle ba bona ba duduetša le go goeela, le go thunya, le go nwa, le go ya pele, re tla no inama ka tlhomphokgolo pele ga Modimo [Ga go selo godimo ga theipi—Mor.] le go tšea selalelo, gomme re thoma ngwaga ntle le kenotshepišo ya rena, dipelo go Modimo, ka go ikgafela go Yena.

⁷ Gomme go tla ba diboledi dingwe tše kaone mo gosasa bošego, nnete go lekanela. Go na le bangwe ba bakaone . . . Ngwanešu go tšwa Georgia o godimo mo, Ngwanešu Palmer, seboledi sa go makatša. Ngwanešu Junior Jackson o tla ba mo gosasa bošego; Ngwanešu Beeler, Ngwanešu Neville. Oo,

na, nna! Gomme go no ya pele le pele, banna ba bakaone go Modimo ba tla ba mo, Ngwanešu Willard Collins, le bona bohle baena ba ba bego ba re fa melaetša ye bjalo ye megolo. Gomme mohlomongwe ba bangwe ba tla be ba rothela ka gare, kafafo re letela nako ye kgolo gosasa bošego.

⁸ Bjale, mosadi wa ka o rile, “O se ke wa bolela se,” eupša ke swanetše go se bolela gole bjalo. Ke manyami ke rile *mmušo*, [Ka Seisimane: “empire.”—Mof.] mosong wo, bakeng sa *malokwane*. [“umpire.”] [Ngwanešu Branham le phuthego ba a sega—Mor.]

Billy, a dutše morago kua, o rile, “Šole o a ya.”

⁹ Ke rile, “Mmušo; o swanetše go ba le mmušo.” Ke be ke era, malokwane.

¹⁰ Ke bjalo ka mo ba boletšego ka Modutch, le a tseba. “Gomme se ntšeng ka se ke se bolelago, eupša se ke se rago.”

¹¹ Ke rile, “Ke a nagana ba a nkwešiša, ka morago ga mengwaga yohle ye.” Le a tseba, se ke ka . . .

¹² Ye ke mengwaga ye masometharo e sa le ke le ka morago ga phuluphithi ye mo. Mengwaga ye masometharo ka tabarenekeleng ye! Le swanešte go be le ntseba ka nako ye, a ga le? Oo, nna! Thuto ya ka ke ye nnyane ka nnete. Eupša ke—ke a tseba ga ke kgone go bolela, eupša ke dira lešata la go tlala therešo go Morena.

¹³ Gomme, ngwanešu, ke a dumela e be e le Ngak. Lamsa, wa Beibele ya Lamsa, ye e bego e le ka phetolelong, o rile . . .

¹⁴ Nako ye nngwe ke be ke bolela, gomme ke sa tsebe o be a le fao. Gomme a tla morago gomme o be a bolela ka Urim Thummim, gomme ka gona o be a bolela ka Seetša sela. Gomme o rile, “Bothata ke eng ka batho ba lehono?” Gomme ke rile . . . O rile, “Lebaka batho bao, bafetoledi, ba sa kgone go fetolela Beibele ka go nepagala, gore bafetoledi ba lekile go fetolela ka Yiddish ya godimo. Gomme Jesu, a bolela, o boletše ka go legoro la go tlwaelega, go no swana le batho ba mokgotheng ba boletše.”

¹⁵ Gomme, le a tseba, go na le Lengwalo godimo ka go Luka, le rile, “Batho ba go tlwaelega ba Mo kwele ka lethabo.” O boletše ka leleme la bona. Ke a holofela go bjalo, gape.

¹⁶ Re thabetše Morena. Bjale, ke a tseba, ke bona bona bahumagadi ba eme go dikologa. Go befile go lekanela go bona banna ba eme, ga ke sa bolela ka bona basetsana le bašemane, le bahumagadi, le go ya pele, ba eme go dikologa maboto, le bana ba bannyane. Eupša, re no hloka sekgoba sa go lekanela sa go dula. Kafafo, re rapela gore, nako ya go latela re na le dikopano, morago ga beke ye, morago ga nako ye . . .

¹⁷ Le a tseba, selo sa go latela godimo, bokgole bjo re tsebago, ke Mahuto a le a Šupa. Gomme, Morena ge a rata, re thoma ka wona feela ka pela ka pejana ge kereke e fedile, e agilwe, gore re kgone go tsena ka mo. Re tla ka gare go kgafelogaape.

Gomme mohlomong e ka ba kae go tloga go e tee go ya go tše pedi, gomme mohlomongwe dibeke tše tharo, go otloga, kopano bjale, go tla godimo bakeng sa—sa Mahuto a Šupa. Kafao, re letetše nako ye kgolo ka Moreneng, lebakeng la nako yeo. Gomme re tla . . . Lena bohle batho ba ka ntle ga toropo, re tla le romela dikarata le se sengwe le se sengwe, le go le dira le tsebe nako tlwa, mohlomongwe beke, goba tše pedi, pele ga nako.

¹⁸ Rakonteraka, ge ke kwešišitše Billy go bolela bošegong bjo, o tla be a feditše letšatši la lesome la Febereware. Gabotse, ge a feditše la lesome, re tla thoma e ka ba la lesometlhano, nako yeo. Kafao, ka pejana ge ba feditše, re tla thoma thwi ka gare ka ao.

¹⁹ Mokgekolo Kgaetšedi Kidd o mpiditše, lebakana la go feta, gomme gabotse o be a le ka megokgong. O rile, “Ngwanešu Branham, re lekile thata kudu go dumiša koloi yela ya kgale, gomme ga se ya duma. Kafao,” o rile, “rapela e tla duma, gomme ke tla tla gosasa.” Gomme o rile, “Ke a makala ge eba ke tla hwetša lefelo la go dula?”

²⁰ Ke rile, “Se tshwenyega, re tla go fa kamora, Kgaetšedi Kidd, ka pejana ge o hwetša . . .”

²¹ O rile, “Šegofatša pelo ya gago.” O rile, “O a tseba, ge o eya go ba le ditirelo go fihla ka iri ya lesomepedi,” o rile, “ga ke nyake go tšwela ntle ka iri ya lesomepedi.”

²² Le a tseba, yena le Ngwanešu Kidd o e ka ba masomeseswai a mengwaga bogolo, ka motho, gomme ba sa le ka bodireding. A le tseba se ba se dirago? Ba na le theipi ya go gatiša, gomme ba tšea Melaetša ya ka gomme ba ya go tloga sepetlele go ya sepetlele, go tloga ntlong go ya ntlong, ba bapala ditheipi. Bjale, ge seo e se, go se ineele! Ga se go ikhutša. Seo ke go swara Tumelo, go fihla bofelong, go hwa ka Tšhoša ka seatleng. Yeo ke tsela ya go ya. Yeo ke tsela ye ke nyakago go dira. Uh-huh.

²³ Gomme ka gona, gomme o rile, “O a tseba, ge nka tšwela ntle, moeleng wa tselalephefo, ka iri ya lesomepedi,” o rile, “gomme morago ga iri ya lesomepedi bošego, ke leka go ya gae, gomme bona bohle bodiabolo ba go tagwa,” o rile, “ba otlela,” o rile, “ba kitima ka go tsela ye nngwe le ye nngwe, ba enwa.” O rile, “Wona matimone a kitima go dikologa,” o rile, “ke tla tšhoga go iša lehung.”

²⁴ Ngwanešu Pat, ka nnete ke selo se sennyane sa go tšofala. Ke ba bakae ba tsebago Kgaetšedi Kidd? [Phuthego e re, “Amene.”—Mor.] O dula mo, yoo, e no ba selo se sennyane sa go lebeba bokgethwa.

²⁵ Gomme, ge, e no nagana, mengwaga pele ke belegwa (gomme ke nna mokgalabje), o be a le godimo kua ka dithabeng, yena le Ngwanešu Kidd. O be a hlatswa, letšatši lohle botelele, godimo ga pota ya go hlatswetša, go hwetša disente tše lesometlhano goba masomepedi ka go hlatswa, go mo roma ntle felotsoko, bošego bjoo, go rera. Ka go yona meepo ya malahla godimo kua

ka Kentucky, moo o . . . yo mongwe o swanetše go go hlapetša ka raborolo, go fihla godimo ga thaba, go ya fao o bego o eya go rera. Oo, nna! Ka gona, ke a nagana:

A ke swanetše go rwalelwa gae Legodimong,
godimo ga malao a bonolo a matšoba,
Mola ba bangwe ba lwela go thopa sefoka le go
sesa go kgabola mawatle a madi?
Ke swanetše go lwa ge ke swanetše go rena;
oketša mafolofolo a ka, Morena!

²⁶ Seo, gomme ke nyaka thekgo ya Gagwe, ka Lentšu la Gagwe. Yeo ke ye ke e nyakago bošegong bjo. Bjale, ke a nagana bagatiši ba ya pele bjale.

²⁷ [Ngwanešu o re, “O se lebale go gafela lesea”—Mor.] Oo, ee. Ke na le . . . Ke maswabi.

²⁸ Kgaetšedi yo monnyane o bile le lesea mo, mosong wo, o nyakile le gafelwe. Gomme ke mmoditše ka nnete re be re tla e dira bošegong bjo, gomme bjale. Gomme, gosasa bošego, re tla ba le go gafela masea, ditirelo tša phodišo, se sengwe le se sengwe seo ka go kgonega re ka fetago ka sona. Re na le nako ye ntši. Kafao, ge kgaetšedi yo monnyane a le mo, gomme a na le yo monnyane wa gagwe.

²⁹ Gomme ke swanetše go ba le batho tsoko go tšwa kgolekgole, gomme ba be ba le mo mosong wo bakeng sa poledišanonyakišašo ya sephri, le se sengwe. Gomme ba be ba swanetše go kopana ka kua mosong wo, gomme Billy o ba dirile go leta go fihla bošegong bjo. Gomme ga se a kgone go ba hwetša e ka ba kae, le a bona, bošegong bjo. Ge eba o mo, kgaetšedi, ke be ke le morago kua nako ye nnyane boteletšana, ke letile, le go bona ge a be a ka kgona go hwetša mohumagadi. E be e le ba babedi ba bona, ke a nagana, ba ba bego ba le go poledišanonyakišašo go tšwa tsela ka ntle ga naga. Kafao, re—re a tshepa, ge ke le foša, ke tla kgona go le hwetša ka pejana ka mo nka kgonago, mohlomongwe gosasa bošego, ge ke etla ka gare.

³⁰ Bjale, ke a dumela, a yo ke mohumagadi, a tlogo, le lesea le lennyane ka patšana ye—ye bolou?

³¹ “Patšana”? Meda, ke—ke—ke be ke sa re yeo, hani, e ka ba eng e lego. E lebega boka roko ye nnyane ya mohuta . . . Patšana, ke ba bakae ba tsebago se pa—pa patšana e lego sona? Gobaneng, nnete. Paki ya oborolo ya kgale, go nna. Kafao—kafao . . .

³² Gobaneng, ke lesea le lennyane la Dallas. Nna, seo se kaone. Ngwanešu, a o ka sepelela godimo mo. Ntshwareleng. [Ngwanešu Branham o tlogela segodišantšu gomme a ya ka thoko e tee ya phuluphithi—Mor.]

³³ Gabotse, gabotse, ke mohuta wa go rata ripone ye nnyane yeo fao, yeo o e beilego. Leina la lona ke mang? [Tate o re, “Rebekah Lynn.”—Mor.] Rebekah Lynn, L-y-n-n. Gomme ke eng—eng leina

la gago la mafelelo bjale? Stayton. Rebekah Lynn Stayton. A ke nnete? Nka mo kuka? [“Nnete.”] Ke a tseba seo ke mohuta wa bothata, go neelana ka yena yo bjalo ka yoo. Bose bjoo? Rebekah Lynn Stayton.

³⁴ Lapa le le tllile go kgabola bontši. Yo monnyane, mohumagadi yo moswa mo, le monna wa gagwe, kgauswana feela bobedi ba sa tšo phološwa le go tlišwa ka tsepong ya Morena. Gomme bjale, ka kopanong ya bona, Modimo o file yo mobotse yo, Rebeka yo monnyane, gomme ba le tliša go Morena.

³⁵ Bjale, batho ba bantši, ba bitša go hloka magomo... kolobetšo ya masea, ka go kereke ya Methodist le tše ntši tša tše dingwe, gomme ba ba fafatša ka meetse ge ba le masea. Bjale, go lokile, bokgole bjo ke amegago. Eupša ka mehla re leka go dula feela le se Beibele e rego dirang. Gomme ka Beibeleng, fao (aowa) ga gwa tsoge gwa ba le selo se sebjalo ka go kolobetša masea; ga go felo go theoga histori, go fihla go kereke ya Katoliki ya pelepele, bokgole bjo re tsebago ka yona, e bilego bokgole bjalo go Khansela ya Nicaea.

³⁶ [Lesea le a lla, “Ba!”—Mor.] Kafao yeo e no ba tsela ya go re, “Amene.” Yeo, le a bona, o swanetše. . . Le a bona, o swanetše go ba le tlhathollo.

³⁷ Kafao, eupša, ka Beibeleng, ba tlišitše bana ba bannyane go Jesu, gore A ba šegofatše. Gomme O beile diatla tša Gagwe godimo ga bona le go ba šegofatša. Gomme, seo, re se tšwelapele ka seo.

Bjale a re inamišeng hlogo ya rena.

³⁸ Tate wa rena wa Magodimong, mosadi yo moswa yo le monna yo moswana ba tla bošegong bjo le Rebeka yo monnyane yo wa go ratega yo a filwego bona, ka tlhokomelong ya bona, go godiša tšhabong ya Modimo. Gomme ba a le tliša bošegong bjo go neelwa go Morena. Gomme ge mme a neetše go tšwa matsogong a gagwe go a a ka, gona ke neela go tšwa matsogong a ka go Wena, Rebekah yo monnyane yo. Modimo, eba le yena le go mo šegofatša. Šegofatša tatagwe le mmagwe. A nke bohle ba phele go botega, maphelo a matelele, gomme, ge go kgonega, ba bone go Tla ga Morena Jesu. A nke ngwana yo a gole ka tsepong ya Morena. Gomme a nke, ge eba go ne gosasa, a nke a be hlatse ye kgolo ya Gago. E fe, Morena. Bjale, ge O ka be o be o le mo lefaseng, basadi le banna ba ba be ba tla tliša bana ba bona go Wena. Eupša rena, badiredi ba Ebangedi, re baemedi ba Gago. Kafao, re Go neela lesele le, bakeng sa bophelo bja tirelo ka Mmušong wa Gago, Leineng la Morwa wa Gago, Morena Jesu Kriste. Amene.

³⁹ Šegofala, Rebekah yo monnyane! A selo se sennyane se sebose! A nke Modimo a le šegofatše lena bobedi, le lesele, a le fe a matelele, maphelo a lethabo, ka go tirelo ya Modimo.

⁴⁰ Ga ke tsebe ge eba ke kgwahlile go lekanela, goba aowa. Wo ke mošemane gohle. Leina la gagwe ke mang? [Mme o re, “Stanley Victor Cleveland.”—Mor.] Stanley... [“Stanley.”] Stanley Victor... [“Cleveland.”] Clayland? Clay-... [“Cleveland.”] Cleveland. Stanley yo monnyane, a leina le lennyane le lebose, gomme a mošemanyane yo mobose yo monnyane! Gabotse, ke a thanka, e ka ba... A re lebeleleleng godimo mo, Stan. A ke mošemane yo mokaone? Oo, le a tseba. Ga re itlwaetše se. Re no dira se, le a tseba, ga go selo sa tatelano ka sona. Yeo ke nnete. Ka nnete ke moisa yo mobose yo monnyane. Ke lebetše leina la mafelelo. Ga ke nagane ke le bitša gabotse. [“Cleveland.”] Cleveland. Go lokile.

A re inamišeng dihlogo tša rena bjale.

⁴¹ Tate wa Magodimong, banyalani ba ba tliša lesea le, Stanley Cleveland yo monnyane, go gafelwa go Morena Jesu. Gomme bjalo ka modiša mo, wa kereke, le nna, re ema mmogo ka kopano ka medirong ya Morena, re neela go Wena ngwana yo bakeng sa bophelo bja tirelo. O mo file go mme le tate; gomme bjale ba mo fa go nna, go matsogo a ka; gomme ke mmea go tloga go matsogo a ka go ya go a Gago. Modimo, šegofatša tatagwe le mme. Šegofatša mošemane yo monnyane, gomme a nke bohle ba phele a matelele, maphelo a lethabo a tirelo go Wena. A nke ngwana a godišetšwe tšhabong ya Modimo, go Mo direla, le go Mmoifa, le go Mo rata, matšatši ohle a bophelo bja gagwe. Bjale, ba tlišitše bana go Wena, gore O ba šegofatše; gomme rena, ka diatla tša rena godimo ga ngwana, re mo šegofatše Leineng la Morena. Gomme a nke a phele bjo botelele, bophelo bja lethabo bja go phelega le maatla, go tirelo ya Gago. Leineng la Jesu. Amene.

Modimo a go šegofatše, Stanley yo monnyane. Le na le mošemane yo mokaone.

⁴² Bjale ke ya go kgopela kgaogelo ye nnyane, bakeng sa setšhaba se sennyane se sa ba mahlalagading. Gomme ke a tseba go bothata. O ka se kgone go ema go šišimala botelele kudu, gobane maoto a gago a ba le kerempe. Eupša ke batamelea se sengwe bošegong bjo seo ke sego ka ke ka tsoge ka se dira pele. Gomme fao go se sengwe seo ke yago go bolela ka sona, seo ke sego ka tsoge ka nagana go bolela ka selo se sebjalo.

⁴³ Ke ka baka leo, mosong wo, ga se ka nyaka go bea nako yela pele ga Molaetša, gomme ga se ka tsoge ka fetša go bolela ka Gomangkanna ya ka, gomme ga ke nagane ke tla tsoge ka dira. Ke a holofela ga ke tsoge ka dira. Yena o a makatša.

⁴⁴ Eupša, bošegong bjo, ke ya go bolela ka se sengwe se ke sa se tsebego. Gomme bjale, seo ke selo ka nnete, go modiredi go bolela gore o ya go bolela ka se sengwe se a sa tsebego ka sona. Eupša ke a iteka ntle, go bokaonekaone bja tsebo ya ka, le nna,

gore kereke ye e kwešiše. Gomme nka se ke, le ka mokgwa ofe, ka le fihlela le ge e ka ba eng, seo se holago.

45 Gomme ka gona, theipi ye, ke a nagana bašemane ba dira theipi. Gomme ge o ka direga go hwetša theipi, mang kapa mang a theetšago theipi, eelwa, ge se sengwe se gakantšha, go wena, se se bolele ntle le ge se le godimo ga theipi. O se ke wa bolela se sengwe go fapana le se se lego godimo ga theipi.

46 Kafao ba bantši ba ngwalela ka gare, ka *Peu Ya Sephente*, gomme ba bolela gore ke boletše bjalo le bjalo. Ke na le theipi, e bapale gape. Ga se ka e bolela ka tsela yeo. Le a bona, batho ba ahlola dilo ka go fošagala.

47 Le a tseba, Jesu, nako ye nngwe ka morago ga tsogo ya Gagwe, o be a sepela go theoga leši, le baapostola, gomme Johane o be a itshamile sefegeng sa Gagwe. Gomme ba rile, “Go tla direga eng go monna yo?”

Jesu o rile, “Ke eng go lena ge a leta go fihla Ke etla?”

48 “Gomme fao go tšwele polelo, gore, ‘Johane o be a eya go phela go bona Jesu a etla.’”

49 Gomme Lengwalo le re, “Go tla ba bjang, Yena ga se a e bolela ka tsela yeo.” Le a bona, Yena—Yena ga se a tsoge a bolela seo. Yena o nno re, “Ke eng go lena ge a ka leta go fihla Ke etla?” Yena ga se a ke a re o tla leta. Eupša, le a bona, go se kwešiše, go bonolo kudu.

50 Gomme, bjale, ga se—ga se gore ke ahlola yo mongwe go e direng. Gobane, ke a e dira, nna mong. Gomme batho bohle ba a e dira; ge baapostola, bao ba sepetšego le Morena wa rena, ba se ba Mo kwešiša. Gomme ga se ba ke ba tsoge ba Mo kwešiša ka go hlaka.

51 Thwi mafelelong, ba rile, “Bonang, bjale re a kwešiša. Bjale re a dumela. Gomme re na le nnete gore ga go motho a ka Go botšago e ka ba eng, gobane O tseba dilo tšohle.”

52 Gomme Jesu o rile, “Le a dumela bjale?” Le a bona? “Morago ga nako yeo yohle, a mafe- . . . A mafelelong e fihlile go lena, le a bona, gore le a dumela?”

53 Gomme bao e no ba batho. Gomme bohle re batho, kafao re ya go se kwešiše.

54 Eupša ge e le mohuta wa go gakantšha go wena, bapala theipi morago. Theetša sekgauswi nako yeo. Ke na le nnete Moya wo Mokgethwa o tla utollwa go wena.

55 Ka gona, baisa ba bannyane, ge le ka no swara “diamene” tša lena, bana. E nong go leta lebakana le lennyane, gobane ke—ke nyaka se se hwetšwa ka nnete, gobane bontši bo ka se be le theipi. Kafao, ke le nyaka go ba le nnete go e hwetša. Gomme a re e batameleng, sebaka, ke tla re metsotso ye masometharo tlhano,

goba masomenne, feela ka tlhomphokgolo ka fao re tsebago mokgwa wa go e dira.

⁵⁶ Gobane, ye ke nako ye kgolo go nna. Ke moo se sengwe se diregilego, se ke sa tsebego ke dire eng. Le a bona? Gomme ke eme ka go kgakanego ye ye šoro nkilego ka ema ka go yona, ka matšatšing a bodiredi bja ka, ka mo ke tsebago.

Kafao, a re inamišeng dihlogo tša rena bjale, pele re batamela Lentšu.

⁵⁷ Tate wa Magodimong, ka gona, nako ye nngwe ya go feta, ke rerile ka thuto ya *Go tšea gore*. Gomme *go tšea gore* ke “go leka ntle le maatlataolo.” Gomme mohlomongwe, bošegong bjo, Morena, ke tšere godimo ga ka mong go hlatholla se sengwe go batho, ntle le go ba le pono ya sona. Kagona, Morena, ntlhodišiše, moo dintlha di swanetšego go hlodišišwa; tswalela molomo wa ka, Morena. O ile wa tswalela molomo wa ditau, ka legolong le Daniele, gore ga se ya kgona go mo gobatša. Morena, ke a rapela, gore, ge nka leka go hlatholla se sengwe ka phošo, O sa na le maatla go tswalela molomo. Eupša ge e le Therešo, gona, Morena, E šegofatše, le go E romela pele. Gomme O tseba maemo le se e lego nnete seatleng. Gomme ke ka baka leo ke tlogo, ebile le go nakwana ye ya mafelelo, mo phuluphithing, go leka go hlatholla dilo tše. Gomme ke rapela Wena go re thuša.

⁵⁸ Šegofatša kereke ye nnyane ye. Sehlopha se seo se tlogo mo ka fase ga hlaka, ba ba diilelago le rena mo ka toropongkgolo, go tšwa go dinageng tše ntši. Oo, ge merithi ya mantšiboa e wela, re thabile go ba le lefelo mo re tlogo. Ge lefase le gakanegile bjalo le go se tsebe mo ba emego, re thabile, gore, “Leina la Morena ke tora ye meetla, gomme baloki ba tšhabela go Lona gomme ba bolokega.” E sego feela Mantšu a mantši, eupša kutollo!

⁵⁹ Kafao, re a rapela, Tate, ge Dietša tša mantšiboa di tla tla, mo go dikeleng ga letšatši. Gomme re a dumela yeo ke nako ye re phelago ka go yona, ka go dikeleng ga letšatši. Gomme ka tlhompho kudukudu re leboga Wena, Morena, go tšwa go dipelo tšohle tša rena, bakeng sa dilo tše O re diretšego. Gomme, Morena, tlase go kgabola mabaka, ke leboga Wena go direng dipono tše O di filego, ye nngwe le ye nngwe ya tšona feela ka go phethagala, le tlhathollo ye nngwe le ye nngwe ya toro e bile feela ka tsela yeo. Kafao, re a tseba go ka kgona feela go ba Wena, Morena; kagore rena re ba go hwa, bohle re tswetšwe ka sebeng, gomme ga go selo sa go loka ka go rena. Eupša, go nagana gore O ka kgona go tšea selo se se bjalo, bjalo ka motho, gomme o ba hlatswe ka meetse a Lentšu le ka Madi a Kriste; le go otlolla seatla ka tsela ye bjalo, go fihla motho a sa šomiše go nagana ga bonabeng, eupša ba dumelela monagano wa Kriste, Yo a tsebago dilo tšohle, go O dumelela go tla gare le go bolela le go šomiša tabarenekele. Ke leboga Wena, Tate.

⁶⁰ Bjale re šegofatše Leina la Gago le Lekgethwa. Gomme re šegofatša sehlopha se sennyane se, bošegong bjo, Leineng la Gago. Re šegofatša modiša, Ngwanešu Neville, mohlanka yo bogale wa Modimo. Re šegofatša matikone, bahlokomelaphahlo, le moleloko yo mongwe le yo mongwe wa Mmele wa Kriste, bobedi mo le go dikologa lefase, Leineng la Morena Jesu.

⁶¹ Oo, ge re bona wo moso wo, wa tšhila, morithi wa go šiiša o wela go kgabaganya sefahlego sa Bokriste, re a tseba nako e batamela kgauswi. Go tla ba le Tlhatlogo, gomme Kereke e tla tšeelwa godimo. Morena, a nke re matšhe go ya pele, re lebelele go Mothomi le Mofetiši, Kriste. E fe, Morena. Gomme ge re eya pele bjale, Leineng la Morena Jesu, go tšeelapele dilo tše tšeo di beilwego godimo ga dipelo tša rena, re a rapela gore O tla ba le rena le go re thuša. Gomme hwetša letago go tšwa go yona, Morena, gobane re neela renabeng go Wena, le Lentšu la Gago, Leineng la Jesu Kriste. Amene.

⁶² Bjale, ge o na le phensele le pampiri, ke tla rata o ngwale dilo tše dingwe fase, bjalo ka . . . goba e ka ba eng se o ratago go se dira. E no ba le yona komana. Gomme ka gona, godimo ga theipi, gape, ge o rata go ngwala Mangwalo fase, e ka ba nako efe, gobane ke a dumela ke Lengwalo leo le bolelago.

⁶³ Bjale re nyaka go bala tema, goba go bala go palo ya Lengwalo, go tšwa go Puku ya Kutollo ya Jesu Kriste. Gomme ke a dumela gore ye ke Kutollo ya Jesu Kriste, bjalo ka ge e ngwadilwe ka Pukung. Gomme kutollo e ka ba efe ye e ka fapanago le Kutollo ye, e tla ba ya phošo. Ke a dumela e tla rwala setsopolwa . . . go tsopola—go tsopola gape. Kutollo e ka ba efe ye e ka se lekanelago le Kutollo ye, le go tliša Kutollo ye go seetša, ke kutollo ya go fošagala. E swanetše go ba ya Lengwalo.

⁶⁴ Bjale, ka go tema ya 10 ya Puku ya Kutollo ya Jesu Kriste, ke rata go bala ditemana di se kae tša mathomo, ditemana tše šupa tša mathomo, 1 go fihla 7. Gomme theetšang sekgauswi bjale, gomme nthapeleleng.

Ke bone yo mongwe yo maatla—morongwa yo mongwe yo maatla a etla fase go tšwa legodimong, a apere leru: gomme hlogong ya gagwe go le molalatladi, gomme sefahlego sa gagwe . . . bjalo ka letšatši, gomme maoto a gagwe a le bjalo ka dipilara tša mollo:

Gomme ka seatleng sa gagwe o be a swere puku ye nnyane e bulegile: gomme a gata godimo ga lewatle ka leoto la gagwe le letona, gomme ka leoto la gagwe la ngele godimo ga lefase,

Gomme a goeletša ka lentšu le legolo, bjalo ka tau ge e rora: gomme ge a goleditše, medumo ye šupa ya kwatša mantšu a yona.

Gomme ge medumo ye šupa e kwaditše mantšu a yona, ke be ke le kgauswi le go ngwala: gomme ka kwa lentšu

le etšwa legodimong le re go nna, Tswalela dilo tšeo medumo ye šupa e di boletšego, gomme o se ke wa di ngwala.

Gomme morongwa yo ke mmonego a eme godimo ga lewatle le godimo ga lefase a phagamišetša diatla tša gagwe godimo legodimong,

Gomme a ena ka yena yo a phelago go ya go ile le go ya go ile, yo a hlotšego magodimo, le selo seo se lego ka go wona, le lefase, le dilo tše di lego ka go lona, le lewatle, le dilo tšeo . . . di lego ka gona, gore go ka se sa ba nako gape:

Eupša ka matsatšing a lentšu la morongwa wa bošupa, ge a tla thoma go galagatša, sephiri sa Modimo se tla be se fedile, bjalo ka ge a boditše baprofeta bahlanka ba gagwe.

⁶⁵ Gomme hlogotaba ya ka, ge nka e bitša yeo, bošegong bjo, ke ye: *A Le Ke Leswao La Bofelo, Mohlomphegi?*

⁶⁶ Gomme re a tseba gore re phela ka go—ka go nako ya letago go Kereke, eupša nako ya go šiiša go mosedumele. Gomme re phela ka go ye nngwe ya dinako tše kotsikotsi go tšohle, tšohle di kilego tša ba, ge e sa le lefase le thomile. Ga go moprofeta, ga go moapostola, ga se go tsoge, ga go ka go nako, a kilego a phela ka go nako ye bjalo bjalo ka ge re phela bjale. Bjo ke bofelo.

⁶⁷ Go ngwadilwe ka mafaufaung. Go ngwadilwe godimo ga sefahlego sa lefase. Go ngwadilwe ka gare ga kuranta ye nngwe le ye nngwe. Bjo ke bofelo, ge le ka kgona go bala mongwalo wa seatla. Baprofeta ba phetše mo nakong ge mongwalo o be o le lebotong bakeng sa setšhaba, eupša re phela ge mongwalo wa seatla o le lebotong la nako. Ditšhaba tšohle, lefase, se sengwe le sengwe, nako e mo bofelong. Kafao, re swanetše go puruputša Mangwalo, go hwetša nako ye re e phelago.

⁶⁸ Ka mehla, moprofeta wa therešo wa Modimo o tla ya Mangwalong. Kagona ke gomangkanna gore go ya go ba ka tsela yeo. Ka go Testamenta ya Kgale, ge baprofeta ba boletše e ka ba eng, fao ka mehla, felotsoko, go be go le moprofeta ka Lentšu, yo a bego a dula le Lentšu. O be a šetša Modimo bakeng sa dipono. Gomme ge pono ya gagwe e be e fapana le Lentšu, gona pono ya gagwe e be e fošagetše. Yeo ke tsela ya Modimo ya go iša Lentšu la Gagwe go batho ba Gagwe.

⁶⁹ A le kgona go nkwa, gabotse? [Ngwanešu Branham o a khutša—Mor.] Ke no se tsebe ke thome kae.

⁷⁰ Bjale, e bile monyetla wo mogolo go nna, go tseba tabarenekele ye e bile kereke ya ka ya pele. Ke selo sa letago. Gomme nka se tsoge ka lebala, le ge ke . . . Jesu a ka diega gomme ka phela go ba mengwaga ye lekgolo bogolo. Ke elelwa letšatši le ke beilego letlapa la sekhutlo, mola sekhutlong; le pono ye A

mphilego mosong woo, ya tabarenekele ye. Gomme lena bohle le a elelwa. E ngwadilwe ka dipukung. Gomme e phethagaditšwe ka go felela, go ya tlhakeng, ga go nthathana e tee ya yona e fošitšego.

⁷¹ Gomme, bjale, ga ke dumele gore go na le e ka ba eng A se boletšego, mengwageng yohle ye ya bophelo bja ka, se ke se boletšego go batho, eupša se se phethagetšego. Gomme batho ba bantši ba tlile le ditoro, tšeo A ntumeletšego, ka mogau wa Gagwe, go di hlathollera batho. Gomme ba bantši ba tlile le ditoro le mathata ao ke bego ke sa kgone go a hlatholla.

⁷² Eupša ga se ke leke go le tsebiša lena batho nyepo yeo e nago le dikarabo tšohle. Ke lekile go botega le go le botša se e bego e le Therešo, gomme ke kgonne go le botša feela ge A mpoeditše. Gomme ka ge e tlile go nna, gona ke be ke kgona go le botša.

⁷³ Gomme ke nyaka go le sebotša. Ka go letšatši le re phelago ka go lona, go na le bontši. . . E sego—e sego go bolela e ka ba eng kgahlanong le batho. Eupša ge o bona motho yo a nago karogo go se sengwe le se sengwe, seo se kgahlanong le Lentšu.

⁷⁴ Jesu o rile, “Go bile balephera ba bantši ka matšatšing a Eliya, eupša go fodišitšwe yo motee feela.” Ka go mengwaga ye mentši, masomeseswai goba go feta, yeo Eliya a phetšego, gomme molephera yo motee o fodišitšwe. Bahlologadi ba bantši ka matšatšing a Elisa, eupša o rometšwe go yo motee feela. Gomme re hwetša ntle gore go dilo tše ntši tšeo Modimo a di dirago, gomme tšeo A sa di utollego go bahlanka ba Gagwe. Gomme ga go mohlanka yo mogologolo go feta Morena wa gagwe.

⁷⁵ Gomme, ka gona, Modimo a ka se abelane letago la Gagwe le motho. Yena ke Modimo. Gomme ge modiredi a eba lefelong mo a lekago go tšea lefelo la Modimo, nako yeo Modimo o tšea bophelo bja gagwe gomme a mo šuthišetša kgole felotsoko, goba se sengwe. Re swanetše go elelwa seo.

⁷⁶ Bjale, ka go dipono le ditlhathollo tšeo, ga ke kgone go bolela tlhathollo ya toro go fihla ke bona tlwa, ka pono, se toro e bego e le sona. Gomme ba bantši ba lena le a tseba gore le mpoeditše toro ya lena, gomme ebile le sa mpoitše yona yohle. Gomme ge ke bone toro e etla morago go nna, ke retologile go dikologa le go go botša gore go ne bontši bja yona o bo tlogetšego ntle, nako yeo le go go botša se o se tlogetšego go tšwa go yona. Le a tsebe yeo ke nnete. Ge yeo e le nnete, e re, “Amene.” Amene. [Phuthego e re, “Amene.”—Mor.] Dilo tše o sego wa mpoitša. Kagona, le a bona, ge e. . . Go swana Nebukadinetsara o rile, “Ge le sa kgone go mpoitša se ke se lorilego, gona ke tla kgona go tseba bjang le na le tlhathollo ya yona?”

⁷⁷ Eupša dikgopolo tšohle tše, ga ra swanela go di tšea le go re, “GO RIALO MORENA.” Ga ra swanela go dira seo. Re swanetše go ba le lentšu la thwi, karabo go tšwa go Modimo, pele re ka re

ke Modimo. E sego kgopolo, e sego maikutlo, go sa kgathale ka fao e rethethago.

O ka no re, “Ke a dumela e ka kgona go ba ka tsela ye.”

⁷⁸ Eupša ge o bolela, “GO RIALO MORENA,” ga se wena. Šetša sefaleng. A o kile wa e bona e šitwa? GO RIALO MORENA e phethagetše, ga se ya ke ya tsoge ya šitwa. Gomme ge feela e le GO RIALO MORENA, e ka se kgone go šitwa.

⁷⁹ Eupša, bokgole bjo, O ntšhireleditše, gobane ke Mo letetše. Ga se ke leke go nyaka go tuma, goba letago la lefeela la batho. Ke lekile bokaonekaone bja ka go phela go kokobela, le go phela mohuta wa bophelo bjo ke naganago Mokriste o swanetše go bo phela. Gomme ga se ka kgona go dira seo bokagare bjaka mong, eupša O se dirile go fihla letšatši le. Bjalo ka ge ke bolela, gore Ke yo Motee yo a nketilegopele.

⁸⁰ Dilo tše ntši di ka bolelwa ka tsela ye, eupša go tla tšea nako e telele kudu. Eupša lena bohle le lemoga dilo tše. Gomme lebaka le nnoši ke le dirilego le re “amene,” lebakana la go feta, lena batho le mpoditšego ditoro, nako yeo ke tlile ka le botša se le se tlogetšego ntle, ka gobane Molaetša wo o a gatišwa. Batho ba ditšhaba tšohle ba tla kwa wo. Gomme ge ba ekwa “amene” yela, nako yeo ba a tseba go ne mantšu fao, ba ba dutšego ka tlase ga bodiredi bjo, ba ba tsebago bokaonekaone go feta go dira e ka ba eng e fošagetšego, goba go re “amene” go se sengwe se fošagetšego. *Amene* ke “a go be bjalo.” Ke go e dumelela.

⁸¹ Bjale, bophelo bjohle bja ka, ge e sa le go tloga ke le mošemane yo monnyane, go be go le se sengwe se bego se ntshwenya. Gomme ke bile le bophelo bja learogi kudu, bothata go bo kwešiša. Ebile le mosadi wa ka a ngapa hlogo ya gagwe le go e bolela. “Bill, ga ke dumele go na le e ka ba mang a ka kgonago go go kwešiša.”

⁸² Gomme ke rile, “Ga ke ikwešiše nnamong.” Gobane, ke a neela, ikgafela nnamong go Kriste, mengwaga ye mentši ya go feta. Yena o dira go eta pelo. Ga ke leke go bo kwešiša. Ke no ya mo A hlahlelago, bokaonekaone bja tsebo ya ka.

⁸³ Ke leboga kudu ka mosadi wa go makatša le bana, gomme go mosadi wa ka le bana ba ba nago le boitshepo gore nka se ba botše e ka ba eng ya go fošagala. Go re, ba a dumela. Nako ye nngwe le ye nngwe ge o ba botša e ka ba eng, ba swara thwi le yona. Ba a tseba gore nka se ba botše e ka ba eng ya go fošagala.

⁸⁴ Gomme a nka botša yo mongwe wa bana ba Modimo e ka ba eng ya go fošagala, gona? E sego ka boomo. Aowa, mohlomphegi. Modimo o nyaka bana ba Gagwe ka go mohuta wa nnete wa tlhahlo. Gomme ba botagalele, le go ba therešo le bona, gomme O tla e šegofatša, ke a dumela.

⁸⁵ Bjale, gohle go bapela, go theoga go kgabola leeto, go bile dilo tše di diregilego, tše ke bego ke sa kgone go di kwešiša.

Gomme setee sa dilo tše ke bego ke sa di kwešiše, e bile ge ke be ke le mošemane yo monnyane gomme tšona dipono di be di etla godimo ga ka. Gomme ke be ke di bona le go botša batswadi ba ka dilo tše di bego di eya go direga. Ba be ba nagana ke be ke no tšhoga. Eupša, selo sa go makatša, e diregile feela ka tsela E boletšego bjalo.

Le re, “A e be e le pele ga go fetoga ga gago?” Ee.

⁸⁶ “Dimpho le dipitšo di ntle le tshokologo,” Beibele e boletše. O tswetšwe mo lefaseng bakeng sa morero tsoko. Gomme ga o . . . Tshologo ya gago ga e tliše dimpho; di kgethetšwepele go wena.

⁸⁷ Bjale, go bapela le tsela, gomme ge ke be ke le mošemane yo monnyane, tlhologelo ya ka e be e le . . . Ke be ke sa kgotsofale ka nageng ye ke bego ke phela ka go yona. Ka hlologelwa, go le bjalo, go ya Bodikela.

⁸⁸ Gomme ke ile ka dirwa karo, ge ke be ke thuntšwe, ge ke be ke le mošemane yo monnyane. Gomme ge ke etla, go tšwa ka tlase ga seedibatši sa pele, ke naganeng ke be ke le ka tlaišegong, ke eya fase. Ethere e be e ntimile. Gomme ke be ke timile lebaka la diiri tše seswai, ke a nagana. Ba be ba tshwenyega ka go mpušetša go dikologa go bonnamong gape. Ba bile le karo ye kgolo ntle le phenisilini. Madi; maoto a mabedi a nyakile go thunywa go tloga, ka sethunyakopana. Mošemane mogwera o ragotše sethunya sa gagwe.

⁸⁹ Gomme ka gona e ka ba dikgwedi tše senyane moragorago, ke tšere seedibatši se sengwe. Gomme ge ke etšwa ka tlase ga seedibatši sela, ke naganeng ke be ke eme ntle ka mašišing a bodikela. Gomme sefapano se segolo sa gauta ka lefaufang, gomme letago la Modimo le phadima fase go tšwa go sona. Nna ke be ke eme kua ka mokgwa *wo*.

⁹⁰ Ge Seetša, se le se bonago godimo ga seswantšho bošegong bjo, seo se netefaditšego go ba Sephedi sa ka godimo ga tlhago, ke diphatišišo tša sesaense; go nna, E be e le Seetša sa go swana se sa go rathela Mokgethwa Paulo fase. E be e le Seetša sa go swana se sa go etapele bana ba Israele, bošego. A le hlokometše mo, Morongwa yo? “O be a apere Leru.” Le a bona, O be a le “Leru mosegare.” Bjale, Seetša sela sa go swana.

⁹¹ Bjalo go batho ba ba sa kwešišego, la mathomo ba naganeng e be e le phošo, gore ke be ke no bolela seo. Eupša Moya wo Mokgethwa o diregile go uta didirišwa tša sesaense, gomme batho fao, bakeng sa bohlatse, gomme ba tšea seswantšho sa Sona, makga a mmalwa.

⁹² Ke rile, “Ke bona motho a okametšwe ke morithi go iša lehung,” morithi wo moso godimo ga bona. Dibeke di se kae tša go feta ge ke be ke le ka toropongkgolo. Gomme ge re be re rera, ga wa—ga wa swanela go tšea diswantšho, le a tseba, ge fao go le thero. Gomme ge . . . Selo sa go swana se bile ge seo se tšewa; eupša yo mongwe o be a ne khamera. Gomme ke

rile go mohumagadi a dutšego ntle fao, mosetsebeje. . . Ke be ke le ka—ka Southern Pines. Ke rile, “Morithi šole ka godimo ga Mohumagatšana *Semangmang* yo.” Mohumagadi yo ke sego ka ke ka tsoge ka mmona ka bophelong bjaka. “O sa tšwa go ngaka; gomme dikankere tše pedi, e tee ka go letswele le lengwe le le lengwe, gomme o hlobogilwe. O okametšwe ke morithi boka khupahete, go iša lehung.”

⁹³ Gomme Sengwe se rile go kgaetšedi a bego a dutše kgauswi, yo a bego a swere khamera ya lebone, se rile, “Tšea seswantšho.” Gomme o be a sa nyake go e dira. Efela, “Tšea seswantšho,” gomme o be no fele a tlogetše. Gomme ka gona gape se tlile, gomme a swara seswantšho. . . gomme a tšea seswantšho. Gomme se sele fale, ka sesaense. Še godimo ga poto ya ditaba; morithi wa khupahete ye ntsho.

⁹⁴ Morago, ge mosadi a dumetše gomme thapelo ya dirwa, seswantšho sa tšea thwi go otlologa morago morago ga sona, sa go hlweka. Ke rile, “Morithi o sepetše.” Le a bona? Mohumagadi o a phela, ka mogau wa Modimo.

⁹⁵ A le bona se ke se rago? [Phuthego e re, “Amene.”—Mor.] Ge o ka bolela therešo, o ka no segwa lebakana, o ka no se kwešišwe lebakana. Eupša, Modimo o tla hlatsetša seo, gore ke therešo, ge o ka no dula le yona. Le a bona? E no swarelela. Go ka no tšea mengwaga, eupša, boka Abraham le ba bangwe, eupša ka mehla O tla e dira therešo.

⁹⁶ Ge Morongwa yola kua. . . Gomme ke a nagana, ntle le mosadi wa ka, go ne batho mo bošegong bjo, go tloga go mengwaga ye masometharo ya go feta, ba ba bego ba eme kgauswi ge Yoo a etla fase. A go ne e ka ba mang ka batheeletšing bjale yo a bego a le kua ge Morongwa wa Morena, yo a tlilego fase nokeng lekga la pele, pele ga batho? Phagamišetšang diatla tša lena godimo. Ee, šebale. Le a bona? Bjale, ke bona Mdi. Wilson o phagamišetša seatla sa gagwe godimo. O be a eme kua. Mosadi wa ka, kua, o be a le kua. Gomme ga ke tsebe ba bangwe ke bomang ba bona ka moka, ba bego ba eme lešing mo, pele ga ba bantši, batho ba bantši, ge ke be ke kolobetša ka iri ya bobedi ka morago ga sekgalela.

⁹⁷ Gomme thwi go tšwa go lefaufau la mphiri, fao go bego go se gwa ba pula lebaka la dibeke, šo O tlile ka mororo, le go re, “Bjalo ka ge Johane Mokolobetši a romilwe pele, go bula madibogo a go Tla ga Kriste la pele, o romilwe pele ka Molaetša, go bula madibogo go Tla la bobedi ga Kriste.”

⁹⁸ Banna ba bantši, go tšwa go borakgwebo, toropokgolo, ba be ba eme lešing, ba mpošišitše se Le bego le se era. Ke rile, “Seo e be e se sa ka. E be e le sa lena. Ke a dumela.” Uh-huh. Le ile pele. Gomme ge Morongwa yola a sepetše, ge le ka elelwa, O ile thoko ya bodikela ge A be a eya godimo; thwi ntle, godimo, bokagadimo ga leporogo, le go leba bodikela.

⁹⁹ Moragorago, ke kopane le moithutadinaledi, e lego Sehlalefi. Gomme ba mpoditše ka sehlopha sa dinaledi tše di tlilego mmogo ka go sehlopha se se itšego.

¹⁰⁰ Ge, banna ba bohlale ka Babilonia ba bone tlase thoko ya Palestina, dinaledi tše tharo tše ka sehlopha. Le nkwele ke e bolela, makga a mantši. A le a tseba e netefaditšwe, dibeke tše mmalwa tše tša go feta, go ba therešo? Ngwanešu Sothmann, o na le lephephe lela le wena bošegong bjo, e ka ba kae mo o lego? E ka lephepheng, letlakala la lephephe la Lamorena, Desemere la senyane. Gore, mmegi o ile godimo kua, gomme ba epolotše dilo tšohle tše. Gomme ka nnete re a phela bjale, go netefatšwa, gore re. . . Ngwaga wo o tlogo wo ke 1970. Mengwaga ye šupa go tšwa nakong, ka maswika a a epilwego godimo, gomme go netefaditšwe gore e fošagatše. Go tharithari go feta ka mo re naganago. Ga se ka bona Ngwanešu Fred, go le bjalo. Ngwanešu Sothmann, a o mo? A o na le lephephe le wena, Ngwanešu Sothmann? O nalo. O na le lephephe. Mohlomongwe gosasa bošego ke tla le dira le le bale. Ga re ne nako, bošegong bjo. Kafao, le kgona go bona.

¹⁰¹ Gomme, šetšang, tšwa. Dihlalefi tšela, Dihlalefi tša Bajuda godimo ka Babilonia, ba ithuta dinaledi, ba bone dinaledi tšeo di wela ka go sehlopha sa tšona. Gomme ge a dirile, ba tsebile gore Mesia o be a le lefaseng. Gomme šeba ba a tla, ka Jerusalema, ba opela. Leeto la mengwaga ye mebedi! “O kae Yo a tswetšwego Kgoši ya Bajuda?” Ba ile godimo le fase go mekgotha. Gomme, gobaneng Is- . . .

Israele e ba segile, “Sohlopha se sa mahlanya!” Ga se ba tsoge ba tseba selo ka yona, eupša Mesia o be a le lefaseng. Gomme bjale le tseba kanegelo ka moka, se ba se boletšego.

Bjale, re tla bala leo, gosasa bošego.

¹⁰² Bjale, go tla go se, gore dipono ga di šitwe, gobane di tšwa go Modimo. Gomme gohle go bapa le leeto, go bile se sengwe se nkgoga, se nkgwathago.

¹⁰³ Ka gona, ge Sehlalefi se mpoditše dilo tše, ge ke be ke sa le mošemane, mohlapetši wa diphoofolo tša lešoka; goba pele ga fao, ke a dumela e be e le, ka dilo tše. Gomme go be go ntšhoša, ka gobane ke be ke boifa se Sehlalefi se bego se le sona. Eupša moragorago ka hwetša gore Dihlalefi tša Beibele di be di rereša, gobane Modimo o e begile legodimong pele A e bega mo lefaseng, a šeditše mebele yeo ya legodimo.

¹⁰⁴ “Modimo ga se mohlomphi wa motho, go ditšhaba tšohle,” go boletše Petro. Bjale, eupša bao ba Mmoifago, ka go ditšhaba tšohle, Modimo o ba amogela. [Ga go selo godimo ga theipi—Mor.]

¹⁰⁵ Gomme re a hwetša, nako yeo, ke lekile go tlogela kgopolo. Eupša, oo, go tla tšea diiri, go ya ka gare, ka fao e bego e sepelela

ka go tsela yeo kgafetšakgafetša, e sepelela ka go tsela yeo. Eupša ke be ke e boifa.

¹⁰⁶ Sehlalefi se se rile go nna, “O ka se tsoge wa atlega ka Bohlabela.” O rile, “O tswetšwe ka tlase ga leswao.” Gomme o rile, “Wena . . . Leswao leo, sehlopha seo, ge di kgabagantše, tsela ntle kua, letšatši la matswalo a gago, di be di lekeletše go leba bodikela. Gomme o swanetše go ya go leba bodikela.”

Ke rile, “E lebale.”

¹⁰⁷ Ga—ga ke ne selo go dira le yona. Gomme gohle go bapela, go le bjale, efela, seo ga se sa ke sa e tloša pelong ya ka.

¹⁰⁸ Ka gona, ge ke be ke le godimo kua bošego bjoo, ka dipono tše. Ke be ke sa di kwešiše. Baena ba ka ba Baptist ba mpoditše e be e le ya diabololo. Gomme morago ge Morongwa yola a tšwelela, O e lahletše ka Lengwalong ka go felela, le go re, “Bjalo ka ge go bile nako yela!”

¹⁰⁹ Ge baprista ba be ba ngangišana ka dilo, ba sa tsebe mohuta wa dijase tše ba bego ba swanetše go di apara, le diaparo le se sengwe le se sengwe, le go ngangišana ka diphapano tša bona, Dihlalefi ke ge di latela naledi go ya go Kriste.

¹¹⁰ Ge bareri ba rile Jesu e be e le moitiriši, Beletsebubu, diabololo o phagametše godimo le go re, “Re a tseba O mang, Mokgethwa yo Motee wa Modimo. Gobaneng O etla go re tlaiša pele ga nako?”

¹¹¹ Ge Paulo le Silase ba tlile tlase, ba rera Ebangedi, mmolellamahlatse yo monnyane o be a dutše mokgotheng. . . Gomme bareri ba naga yeo ba rile, “Banna ba ke baitiriši. Ba thuba dikereke tša rena, le go ya pele, go phekgola lefase ka godimo go ya ka fase, ka bosenyi bja bona.”

¹¹² Eupša go diregile eng? Sehlalefi se sennyane sela, mmolellamahlatse yo monnyane, yola, o rile, “Ba ke banna ba Modimo, ba ba re botšago tsela ya Bophelo.” Gomme Paulo a kgalemela moya woo ka go yena. O be a sa hloke thušo e ka ba efe go paka gore o be a le mang.

¹¹³ Ka mehla Jesu o be a ba botša go swara khutšo ya bona. Eupša go ya go laetša gore, dinako tše dingwe, bodiabololo ba tseba kudu ka dilo tša Modimo go feta ka mo bareri ba dirago; ba tlangwa ke bokereki kudu. Go be go le bjalo, ka Beibeleng, gomme Modimo ga a fetoge.

¹¹⁴ Letšatši le lengwe, ke etla tlase, mengwaga ye mehlano ya go feta, go tšwa go Ngwanešu Norman, ke be ke otlela go theoga tsela. Gomme ke be sa tšo ba le kopano godimo kua, gomme Morena Modimo a tšwelela go nna ka ponong. Gomme ke be ke dutše pele ga kgoro ya ka, godimo mo ntlong ya ka. Gomme go be go bonagala e le boso bja go befa.

115 Ba bantši ba lena batho le tla elelwa pono. E ngwadilwe ka pukung ya ka ya dipono. Ke di bea fase gore ke be le nnete ga ke di lebale.

116 Gomme ka ponong ye ke bone, go be go le se sengwe se bego se etla ka tsejaneng, gomme go be go le matlapa a robetše gohle ka jarateng ya ka. Gomme go be go le dikgolatsela le mekhatapase, godimo le tlase tsejaneng, gomme mehlare e be e ripetšwe fase le go tomolwa ka medu. Gomme ke thoma go retologela ka kgorong, gomme e be e thibilwe yohle ka matlapa. Gomme ke tšwetše ntle, go re go monna, “Gobaneng se?”

Gomme a galefa kudu, a nkgoromeletša morago, le go re, “Ye ke tselo ka lena bareri!”

117 Ke rile, “Ke no go botšiša, ‘Gobaneng o dira se?’ O—o tla godimo ka lehlakoreng la ka la mokgotha, mo. Gobaneng o dirile se?” Gomme o nno nyaka go mphasola, le go nkgoromeletša morago.

118 Gomme ka nagana, “Ke ya go no mmotša gore ga a tsebe se a bolelago ka sona.”

119 Gomme Lentšu la bolela, la re, “O se ke wa dira seo. O Modiredi.”

Gomme ke rile, “Gabotse kudu.”

120 Gomme ka retologa go dikologa, gomme, go la ka le letona, go be go dutše pele ga kgoro, go be go le koloi ya diseila ya kgale ya lešišing. Le a tseba eng, koloi ya go apešwa, le dipere di tlemeletšwe go yona. Gomme ka thoko ga mootledi go be go dutše mosadi wa ka. Ke lebeletše morago ka morago, gomme bana ba ka ba be ba dutše morago kua. Ke nametše godimo ga koloi. Ke rile go mosadi wa ka, “Hani, ke emelane le tšohle ke kgona go emelana.” Gomme ka topa marala gomme ka goga pere ya go etapele, gomme ka thoma go lebanya bodikela.

121 Gomme Lentšu le rile go nna, “Ge se se etla go phethega, gona eya go leba bodikela.”

122 Ngwanešu Wood, rakonteraka mo ka kerekeng ya rena, le mohlokomelaphahlo. Ke ba bakae ba elelwago pono bjale, ba elelwago ke le botša? Nnete. E ngwadilwe fase godimo ga lephephe. Gomme ke rile go Ngwanešu Wood. . . O rekile, go tšwa go kereke, lefelwana le magareng kua. Gomme o be a eya go aga ntlo ya matlapa kua. Ke rile, “O se ke wa e dira, Ngwanešu Wood, gobane ba ka se tsoge ba go fa tšhelete ya gago go tšwa go yona. Mohlomongwe, mohlomongwe. . .” Yeo ke mengwaga ya go feta, mengwaga ye mehlano ya go feta. Ke rile, “Ba ya go, mohlomongwe, go tliša leporogo lela go kgabola mo, gomme ona matlapa ka kgonagalo ke mabato a ka a thubagantšwe, le ditsela tša go sepela tša ka le dilo, di robetšego ntle mo.” Go na le gore e be matlapa, e bile makoloboto a khonkhoriti. “Gomme ka gona ba ya go bea ao tlase mo, gobane ba e boletše ka lephepheng seo

ke se ba bego ba leka go se dira.” Gabotse, ga se a ke a e aga. Mafelelong ba tšere sephetho, e ka ba ngwaga moragorago, goba ye mebedi, ba be ba eya go le tliša go kgabola, go theoga tsela *ye*. Kafao seo se e rarolotše, kafao ke nno e lebala, le go e tlogela e ye.

¹²³ Bjale, selo sa go se tlwaelege se diregile e ka ba ngwaga wa go feta. Ke be ke ne ditirelo bošego bjo bongwe tlase ga Ngwanešu Junior Jackson. O dutše thwi mo, modiredi wa Methodist yo a amogetšego Moya wo Mokgethwa, gomme o kolobeditšwe ka go Leina la Jesu Kriste, gomme o diša ye nngwe ya dikereke kgaetšedi tša rena.

¹²⁴ Go no le laetša ka fao Modimo a šomago le motho yo, ke bolela se ka pelo yohle ya ka. Ga ke tsebe phuthego e ka ba efe ka go lefase lohle, phuthego mmogo gape, mo ke dumelago Moya wa Modimo o gona, go feta ka phuthegong ye. Ba na le diphapano tša bona. Ka nnete ga ba godimo moo ba swanetšego go ba, ga go le o tee wa rena, eupša ba kgauswi le e ka ba mang gape yo ke tsebago ka yena.

Ke tla le laetša, go tseba se se bego se eya go direga.

¹²⁵ Ngwanešu Jackson o lorile toro. Ga se a kgona go e tšhabela; gomme ke be ke tloga kerekeng ya gagwe, gomme o ile a no se kgone go e kgotlelela.

¹²⁶ E bile botelele bjo bokae bja go feta, Ngwanešu Jackson? [Ngwanešu Jackson o re, “Ke bile le toro ka Febereware ’61, Ngwanešu Branham”—Mor.] Febereware ’61, o bile le toro.

¹²⁷ Gomme o tllile go nna, gomme o rile, “Sengwe se pelong ya ka. Ke swanetše go go botša, Ngwanešu Branham.”

Ke rile, “Tšwelapele, Ngwanešu Jackson.”

¹²⁸ Gomme o rile, “Ke lorile toro.” Gomme be e le fao! Ke nno dula go šišimala, gomme ka theetša le go šetša. O rile, “Ke lorile gore go be go le thaba ye kgolo, boka ntle ka tšhemong, fao go bego go le bjang bjo bolou goba se sengwe.” Gomme o rile, “Godimo ntlhoreng ya thaba ye, fao meetse a bego a gogotše mobu, go be go le le leswika le la ntlhora, godimo ntlhoreng ya thaba, boka ntlhora ya thaba. E be e le leswika; go se bjang. Gomme fao meetse a bego a gogoletše fase, a be a ripile mohuta wa mengwalo godimo ga matlapa a. Gomme o be o eme kua, o hlatholla mongwalo wo godimo ga matlapa a.” Gomme a re, “Rena bohle,” gomme še tsela ye a e beilego, o rile, “baena go tšwa Georgia, le go tšwa gohle tikologong, bohle re be re eme mmogo, re go theeditše o hlatholla mongwalo wola wa sephiri godimo ga letlapa leo, thaba yela.”

¹²⁹ Gomme o rile, “Nako yeo o topile sengwe, boka go tšwa moyeng, sengwe boka tshipi ya go tlatlhamolla, goba—goba khoroupo.” A e be e se yona, ngwanešu? “Se sengwe sa go swana le seo, tshipi ya go tlatlhamolla, ya ntlha ka kgonthe.” Gomme o rile, “Yona, o e dirile bjang, ga ke tsebe.” Gomme o rile, “O rathile

ntlhora ya thaba yeo, wa e kgonola go dikologa, gomme wa phagamiša sekhurumelo go tloga go yona. E be e le ka sebopego sa phiramiti. Gomme wa kgonola ntlhora ya yona go tloga.” Bjale, e be e le dikgwedi le dikgwedi le dikgwedi pele Molaetša wa phiramiti o rerwa. Gomme o rile, “Bokafase ga fao go be go le letlapa le lešweu, granaete. Gomme o rile, ‘Letšatši, goba seetša, ga se sa ke sa tsoge sa phadima godimo ga Le pele. Lebelelang ka gare godimo ga Le! Šetšang Le.’”

¹³⁰ Gomme yeo ke nnete, ka gobane, ka go bopeng ga lefase, lefase le bopilwe pele go eba seetša kua. Bohle re tseba seo. Modimo o be a sepela godimo ga meetse. Gomme—gomme morago, ka mathomong, O boletše bakeng sa seetša. Gomme, ka tlhago, tlase ka fase kua, ka lebakeng le go bopša go bego go le, seetša sela ga se sa tsoge sa tla godimo ga letlapa lela.

¹³¹ Gomme o rile, “Lebelelang godimo ga Le. Seetša ga se se tsoge se tle godimo ga Lona pele.” Gomme ge bohle ba tsogela godimo, gomme ke ba boditše go šetša Leo, gomme bohle ba tliile godimo go lebelela ka gare.

¹³² Eupša o rile, ge ba be ba lebeletše ka gare, o lebeletše ntle ka khona ya leihlo la gagwe, ke a dumela e be e le, gomme a ntšhetša. Ke ile ka ngwega go ya lehlakoreng le tee, le go thoma go ya go leba Bodikela, go leba bosobelatšatši; go tla godimo ga thaba, go ya go theoga thaba; go tla godimo ga thaba, go ya go theoga thaba; ke eba yo monnyane le yo monnyane, le go ya tsela yohle go timelela.

¹³³ Gomme o rile, morago, ge ke dirile seo, o rile, “Morago baena ba retologa go dikologa, morago ga lebakana, ba re, ‘A o timeletše? O ile kae?’” Gomme o rile, “Ba bangwe ba tšwele ka tsela yeo; ba bangwe ba tšwele ka tsela e tee, gomme ba bangwe ye nngwe.” Eupša, ba ba sego nene kudu ba dutše gomme ba lebeletše go se ke ba boditšego.

¹³⁴ Bjale hlokomelang tlathollo ya toro. Yeo, ga se ka tsoge ka mmošša selo se tee, goba ga go setee sa tše ke mmoditšego, e ka ba efe ya tšona. Eupša, ke rile, “Ee.” Gomme pelo ya ka, e romela. Ke be ke šeditše. Bjale, mongwalo wa sephiri . . . Letang, ke tla no e tlogela nthathana ye nnyane.

¹³⁵ E sego telele go fetile, Ngwanešu Beeler . . . Ngwanešu Beeler ka mehla o na le rena. A o mo, Ngwanešu Beeler? Ee, morago mo. Billy o rile, “Ngwanešu Beeler o kgeretlane gohle. O bile le toro ya go se tlwaele.”

¹³⁶ Ke ile go Ngwanešu Beeler, gomme o rile, tlase ntlong ya gagwe bošego bjo bongwe, ge ke be ke eya go dipitšo tsoko. Gomme o rile, “Ngwanešu Branham, ke bile le toro ya go se tlwaele.” O rile, “Ke lorile gore ke be ke eya go theoga moela wa meetse, go leba bodikela. Gomme go be go le tsela ka lehlakoreng la ngele. Gomme ke be ke le ka lehlakoreng la ngele, ke eya thoko ya go leba bodikela tseleng, go bonala boka, ke be ke tsoma

dikgomo. Gomme ka lehlakoreng le letona, ke diregile go lemoga morago ga ge ke fihlile fase kua, o be o le fao. Gomme o be o kgobela sehlopha se segolo sa dikgomo, gomme go be go le dijo tše ntši godimo kua.” Gomme o rile, “Morago o hweditše dikgomo tšeo gomme wa thoma go boela morago go hlatloga noka.” Gomme, go bonagetše, o ka re ke swanetše go be ke mo laeditše ka hlogo go hlapetša dikgomo tšeo. Gomme o rile, “Bjale, go tla ba bonolo go dikgomo tšeo, ke a tseba di tla ya ka tsela ya go ngangabala bonnyanennyane. Eupša Ngwanešu Branham o di nyaka di dula ka lehlakoreng le letona la noka yela, kafao ke tla ya morago godimo ka tsela ye le go di thibela go tla go kgabaganya noka ka lehlakoreng le, le go di swara ka lehlakoreng lela.” Eupša, o lemogile, ga se ka tsoge ka latela dikgomo, eupša ke tšwetšepele, go leba bodikela. O rile, “O swanetše go be a tsoma tša go lahlega.”

¹³⁷ Go se fete ge a boletše toro, ke e bone. Gomme ka gona, ka lemoga, o rile o be a le maseme gannyane ka nna, kafao o ile morago go lebelela. Gomme o rile ke be ke etla go thaba ya go kgwahla, gomme gohle gatee ka timelela. Gomme o maketše phošo e be e le eng. O ile tlase. Gomme ka gona o bile le moela wo monnyane ka lehlakoreng la gagwe, wo o tšwelego lephakga go ya go la ngele. Gomme ke a nagana yeo ke nnete, Ngwanešu Beeler. Ya. Gomme a lemoga go tšwa. . . Gomme godimo ka lehlakoreng la ka go be go le diphororo tše šoro. Gomme a nagana nkabe ke tsene ka diphororong tšeo gomme—gomme ke senyegile. Morago a lemoga, gomme o rile o lebeletše go dikologa, o bone khuetšo ya diphororo tšeo, di ile tlase ka tsela *ye* le go hlola sediba sa mohlakamotala go pumpunyega godimo, eupša meetse a be a sa boele morago ka mobung. O lebeletše go kgabaganya lekala le lennyane, goba moela wo monnyane, gomme o bone diphoofolo tsoko tše nnyane ka ditsebe tša ntikodiko. Gomme o rile, “Ke a dumela ke tla tšea e tee.” Gomme a kgabaganya.

¹³⁸ Gomme a ya go nagana ka nna. Gomme a ya godimo ga thabana ye nnyane, go lebelela godimo le go bona ge eba go be go le wo monnyane, wa nthathana, mokgobana wa go pitlagana, le a tseba, mo ke bego nka kgona go sepela go dikologa. Eupša, o rile, “Go be go se selo kua.” Gomme a thoma go tshwenyega. O rile, “Go diregile eng go ngwanabo rena? Ke a makala go diregile eng go Ngwanešu Branham?” Gomme ge a thoma go tšhoga, o rile o nkwele ke bolela. Gomme ke be ke eme ntlhoreng ya thaba. Gomme ke boditše Ngwanešu Beeler tlhathollo ya toro ye ke mo filego e sego telele go fetile, le go mmotha go letela Morena, gore letšatši le lengwe ke tla kopana le yena godimo ga sehlakahlake. Gomme o be a le kua.

¹³⁹ Bjale, tlhathollo ya toro yeo ke ye: Bontši kudu ka fao moela wo o bego e le wo mogolo, e be e le moela wa bophelo. Ke be ke eya go leba bodikela godimo ga wona, gomme kafao le yena; gobane, o be a le tseleng, o be a kitima bonnyane. . . go theoga tsela ye.

Gomme ka lehlakoreng le lengwe go be go le bjang bjo bontši, eupša bontši bja dikgwa, le lešiši, le dithokgwa; eupša ka kua go be go le bjang bjo bontši. Gomme yeo ke tsela ye re tsomaga Morena, le Dijo tša Morena, ka bothata. Go kgobela dikgomo, e be e le kereke ye, go di boloka ka lehlakoreng lela. Dikgomo ka nnete di tla godimo ga tsela ya go thelela, kereke ya leina, ge di ka kgona; e lego, tsela e emela kereke ya leina. Ke thomile go mmušetša morago godimo ga tsela, go bona gore ba be ba sa ye go e ka ba efe kereke ye leina.

¹⁴⁰ Bontši ka fao a bonego leboto leo go bego go sa kgonege moka go le feta, leo le bego le nthibela go ya bodikela, e be e le molato wa motšhelo le mmušo. Ga go yo a kgonago go kwešiša ke kgonne go tšwa bjang go wona. E be e le leboto le nthibetše go tloga, eupša Morena o ntšere go le kgabola, gomme ke be ke le ka godimo ga lona. Ke tla kopana le wena, Ngwanešu Beeler, mo sehlakahlakeng.

¹⁴¹ Kafao bjale, ka gona, ka pela ka morago ga fao, Ngwanešu Roy Roberson. Ngwanešu Roy, a o mo bošegong bjo? Ee, ke—ke a dumela... Eng? [Ngwanešu o re, “Godimo ka lehlakoreng.”—Mor.] Godimo ka lehlakoreng. O nteleditše, gomme o bile le toro. Gomme o lorile gore re be re kgobela dikgomo. (Bjale, yeo ke ya boraro.) Go kgobela dikgomo. Gomme go be go le bjang, botebo bja mpa, dijo tše ntši. Rena bohle baena re be re le mmogo. Gomme re tlile lefelong bakeng sa matena, gomme Ngwanešu Fred Sothmann o phagametše godimo le go re, “Eliya, moprofeta yo mogolo, o tla bolela go tšwa mo lehono, ka sekgalela.” Gomme ge rena bohle re bile le matena, yo mongwe le yo mongwe o ile a tloga, gomme o ile a makala gobaneng ba se ba letela go kwa Le bolelwa.

¹⁴² Bjale, le bona ka fao tlwa le hlatsago Ngwanešu Jackson! Le a bona, yeo e itia tlwa, tlwa, le se Ngwanešu Beeler a se boletšego! Ga go yo motee a letilego, go hwetša ntle.

¹⁴³ Lemogang, ka pela ka morago ga fao. Kgaetšedi Collins, a o mo? Kgaetšedi Collins o lorile toro a le mo kerekeng, gomme go be go le lenyalo le lokela go direga. Gomme ge a dirile, o bone Monyadi a etla ka gare, a phethagetše; eupša Monyalwa o be a se a phethagala kudu, efela o be a le Monyalwa; bjale, yeo ke Kereke. Gomme fao go be go le boka selalelo, goba ti—ti tirelo e e kगतलपाना mo, boka matena a lokišitšwe. Gomme e bile mohuta wa go fihla kgauswi le yena gobane Ngwanešu Neville o be a efa matena ka kerekeng, eupša o rile e be e le Dijo tše kaonekaone tše a kilego a di bona. O be a swerwe ke tlala kudu. Eupša o naganne mohlomongwe gore, ka torong, gore o be a se a swanela go Di fa, gomme yena le Ngwanešu Willard ba be ba eya go thwi godimo Ntlong ya Polasakgolo le go ja. Gomme ge ba dirile, Seetša ka lehlakoreng le letona sa tima. Bjale, le a tseba Seo ke eng.

144 Bjale, Dijo. Monyalwa ga a phethagala, eupša Monyadi o phethagetše. Monyalwa ga se a phethagala le bjale, eupša Dijo tše di bego di fiwa e be e se dijo nnete, ke Dijo tša semoya tše le bilego natšo, gohle go bapela.

A ke eme mo ka toro ya bone, nakwana feela.

145 A ga le elelwe, Ngwanešu Fred Sothmann, Ngwanešu Banks Wood, ge re be re le ntle ka Arizona ngwaga wa go feta, ge re be re le ntle go tsoma dikolobe tša naga, gomme Morena a bolela? A ga le tsebe dilo tše A di dirilego ka go phethagala, go laetša se se bego se tla tla go phethagala, ge re be re eya go bapa le tsela? Ge yeo e le nnete, lena baena ba babedi e reng, “Amene.” [Baena ba babedi ba re, “Amene.”—Mor.] Ga se sa tsoge sa foša.

146 Gomme ke bone ka ponong ge re be re otlela, letšatši le lengwe, po—po pono ya Morena e tlile go nna, gomme ke be ke ipea komana go, ka nako yeo, ge ke boa morago gae, go ya mošwamawatle. Gomme ge ke ile mošwamawatle, gabotse, ke bone godimo ga sekepe. . . goba lehlakore la lewatle, moo dikepe di bego di tšwela ntle. Gomme fao go be go le yo monnyane, monna wa kgopana fao, gomme o rile, “Ke go lokišeditše seketswana, Ngwanešu Branham.” Gomme be e le khanue ye nnyane ya nthathana, e ka ba—e ka ba kgato botelele, eupša e be e le ye tšhweu leswele. Gomme o rile go nna, “Se ke sa gago go kgabaganya ka gare.”

“Oo,” ke rile, “ga—ga—ga se sa lekanela.”

147 O rile, “Se tla ya dimaele tše masomenne ka iri, godimo le fase ka tsela *ye*.” Fao, ke godimo le fase lebopong.

“Eupša,” ke rile, “seo se ka se ntšee go kgabaganya.”

148 Gomme ka gona a lebelela fase, le go re, “Eya boka ba eya.” Gomme ka lebelela, gomme fao go be go le Ngwanešu Fred Sothmann le Ngwanešu Banks Wood, ba dutše ka gare ga khanue e pentilwe botala, le ditulo tša dithapo tša kampa ka morago ga yona. Ngwanešu Banks ka kefa ya go menelwa godimo ka mokgwa *wo*; Ngwanešu Banks ka ya gagwe e sobilwe godimo ga pili. Gomme o rile, “Eya boka bona.”

Ke rile, “Aowa. Nka se ke.”

149 Gomme monna yo o rile go bona, monna yo monnyane, o rile, “A le banna ba seketswana?”

Ngwanešu Banks o rile, “Ee.” Ngwanešu Fred o rile, “Ee.”

150 Eupša ke rile, “Ga se bona. Ke nna monna wa seketswana, gomme ke a tseba ga ka swanela go no yela seo, gomme ke na le nnete nka se ye ka tsela yeo.”

O rile, “A o ka se ye le bona?”

Ke rile, “Aowa. Aowa.”

151 Go lokile, ke retologile. Gomme, ge ke dirile, gomme monna yo monnyane boemakepe o retologile ntle go ba ngwanešu wa ka wa go loka, Ngwanešu Arganbright.

152 Gomme ke ile morago ka go pono ye, gomme fao go be go le wo monnyane, wo motelele moago. Gomme ka gona Lentšu le rile go nna . . . Gomme lena bohle le elelwa ye, goba, ba bantši ba lena. Lentšu le rile go nna, “Tliša Dijo ka gare. Di boloke ka gare. Yeo ke tsela e nnoši go ba boloka mo, ke go ba fa Dijo.” Gomme ka tliša ka gare, ke tlišitše ka gare, mekgobo ye megolo ye metona e tletše dikherotse tše botsebotse le merogo ye mebotsebotse, le dilo, nkilego ka di bona. A le a elelwa bjale, pono? [Phuthego e re, “Amene.”—Mor.]

153 Bjale, gomme ke le boditše moragorago se tlhathollo e bego e le. Ke be ke swanetše go ya Zurich, Switzerland, le Ngwanešu Arganbright, bakeng sa kopano ya mašego a mahlano. Ke boditše baena pele e direga, “Nka se ye.” Gomme ke be ke le tlase le Ngwanešu Welch Evans tlase kua, ge O efa tlhathollo.

154 Bošego bjo bongwe, ke a dumela Ngwanešu Welch o tlike gomme a ntšea, re be re eya leeto la go thea dihlapu, gomme o rile Ngwanešu Arganbright o be a mpitša. Ke rile, “Go lokile, še yona. Ba ya go nthibela.” Gomme makga a mantši . . .

155 E sego ka Ngwanašu Miner; ke yo mongwe wa bagwera ba bakaonekaone. Eupša dinako tše dingwe, ge ba ka no kgona . . . Ge ba nagana o ya go rera se sengwe se se lego kgahlanong le thuto ya bona, ba no re o ya go ba kua, go hwetša bagwera ba gago kua. Gomme ba rile . . .

156 Ngwanešu Arganbright o mpiditše godimo gomme a re, “Ngwanešu Branham,” feela se Moya o se boletšego. O rile, “Wena etla godimo, o tle le mosadi wa gago le wena,” o rile, “gobane o ka se rere kudu,” o rile, “ka gobane ke a nagana ba na le wena feela bošego bjo botee.” Gomme o rile, “O ka no se swanele go rera e tee yela.”

Gomme ke rile, “Aowa.”

157 “Gabotse,” o rile, “etla godimo, wena le mosadi wa gago, lena bohle etlang godimo, le a bona, gomme ge le dira, ke tla le iša maeto. Oo, mosadi wa ka, mosadi wa gago, le bohle ba bona, re tla ya godimo go kgabola Switzerland, ka godimo go kgabola Palestina.”

Ke rile, “Aowa.”

158 Ke bile le tlhathollo. Ke boditše Ngwanešu Welch, goba Ngwanešu Fred le bona, “Ke tla le botša mosong, eupša pele mosadi wa ka o swanetše go bolela se sengwe.” Gomme ge ke mmiditše, nako yeo a gana go ya. Ke rile, “Še yona.” Le a bona?

159 Bjale, se sennyane sela, seketswana se sešweu e be e le kopano e tee yela. Go lokile go ya gohle mo, lebopong, ka kopano e tee,

eupša ga gwa lekanela, le ge e be e le ye tšhweu le bobotse, go mpitša go kgabaganya mawatle.

¹⁶⁰ Ngwanešu Fred, le ngwanešu kua, ba be ba emetšwe ka ponong, ba be ba emetše, “Eya bjalo ka moeti, go kgahlega.” Eupša ke be ke sa tshwenyega go dira seo. Gomme go ba gana go ba banna ba seketswana, e be e era gore ba be ba se bareri. Eupša, ke be ke le moreri.

¹⁶¹ Gomme ka gona Dijo ka go wo monnyane wola, moago wo motelele. Ga se ka ya mošwamawatle; gomme ke boile moagong wo wo monnyane, gomme re dirile ditasene tša ditheipi, tša diphiramiti le se sengwe le sengwe, go laetša batho iri ye re phelago ka go yona.

¹⁶² Bjale ebile bapetšang yeo le tše dingwe, ditoro. Ye e be e le pono. Dijo, mo ke Yona. Le ke lefelo.

¹⁶³ Lemogang nako yeo se se diregilego. Ka gona ka pela ka morago ga pono yela ya bone e tlile pele, goba toro ya bone e boletšwe, godimo go tlile Ngwanešu Parnell. O mo, felotsoko, thwi mo. Gomme Billy o be a se mo, gomme monna o be a tlaletšwe. O tšwa Bloomington, ke a dumela, goba Bedford? [Ngwanešu o re, “Lafayette.”—Mor.] Lafayette, o swere dikopano. Gomme o bile le toro, gomme a tla tlase go Ngwanešu Wood. Gomme o rile, “Ke no se kgone go tlogela ye e tloge. Ke swanetše go e bolela, ke swanetše go ya go botša Ngwanešu Branham. E a ntshwenya.”

¹⁶⁴ Gomme Modimo o a tseba, ga go toro e tee gare ga tšona. Di no tla, tee, pedi, tharo, nne, tlhano, tshela.

¹⁶⁵ Ngwanešu Parnell o rile, “Ke bile le toro ya go se tlwaelege. Ke lorile gore ke be ke eya go ba le kopano godimo kua. Gomme ka mokgwa wo mongwe mongwe, go ne kopano mo ka kerekeng ye mpsha, boka.” Gomme o rile, “Kereke ye mpsha ye,” ka fao e tlogo ntle, gore o be a makala gobaneng go se tirišano gare ga tše pedi goba se sengwe ka tsela yeo. Gomme o rile o be a eme mo, go fihla, “Gabotse, ke bile mo. Ke tla no leta, gomme ke tla emela tirelo.” Gomme o rile, “Monna o tlile go kgabola moago, a apere sutu ye tsothwa, le puku. Ke a nagana o be a ngwala.” Gomme o boditše Ngwanešu Parnell, o rile, “Ye ke kopano ye e tswaletšwego. Ke ya matikone le bahlokomelaphahlo feela.” Gabotse, o bile mohuta wa go ikwela go gatiwa gannyane. Kafao o ile ka ntle ga mojako wa kereke ye mpsha, kereke ye e bego e agilwe, goba e tee ye e lokišwa, e lokišwa godimo. Gomme ge a ile ka ntle, go be go ewa lehlwa, boso bjo bobo, nako ya marena.

Gomme ga go yo motee wa batho ba tsebilego selo ka yona.

¹⁶⁶ Gomme ge a ile ka ntle ga mojako, ke be ke eme kua, ke lebeletše go leba bodikela. Ke rile, “O se ikwele o gatiwa, Ngwanešu Parnell. Ke tla go hlahla, se o swanetšego go se dira.”

167 Gomme Ngwanešu Parnell, le e ka ba mang wa bona ka moka, ba tsebile ga se ka tsoge ka ba botša ye e sego tlhathollo. Ke yona thwi bjale; efela, go e bona ge ba tla e bolela. A le lemogile ka mo ke tšwetšego ntle ga fao ka pela bjang, Ngwanešu Parnell? Go thibela go le botša. Gomme ke ile godimo, ga se ka tsoge ka bolela selo go Ngwanešu Wood goba mang gape, e sego mang. Ke nno e tlogela, ka gobane ke be ke nyaka go bona mo e bego e iša gona. A le nkwele ke bolela moragorago. “Ke tshwenyegile”? Seo ke se e bego e le.

168 Gomme morago, Ngwanešu Parnell, o boletše gore ke rile go yena, “Ngwanešu Parnell, thoma. Gomme lefelo la pele o tla tlogo go loka ke Zipporah.” Zipporah, “Zipporah,” leo le rago leswaokobanya, goba go ema, goba se sengwe. Ke rile, “Se dule kua. Gona sepela, go latela, gomme o tla hwetša mokgekolo; gomme ka gona o se eme kua. Sepela gape, o tla hwetša mokgekolo wa kgonthe; o se eme kua.” Gomme nako yohle re be re le, ke be ke bolela, re be re sepela go kgabola lehlwa. Gomme ke rile, “Sepela go fihla o hwetša Mosadi wa ka. Gomme ge o hwetša Mosadi wa ka, ema kua!” Gomme o rile o lebeletše, gomme re be re tšwele ka lehlweng, leganateng. Gomme ke ile ka timelela. Gomme o ile a lebelela morago, gomme o bone mosadi wa gagwe a pompa meetse go tšwa sedibeng, gomme modiredi tsoko a mo goga, go mo goga go tloga pomping. Mosadi o be a mo šeditše. Gomme o ile a phafoga.

169 Tlhathollo ya toro ya gago še. Gomme nkabe ke kgonne go go botša, bošego bjola, eupša ke ile ka no retologa go tloga. Bontši bjalo ka ge Zipporah, le mokgekolo yo motee, le yo mongwe wa kgonthe, kgonthe mokgekolo, tšeo ke dikereke. Le a bona? Gomme Zipporah go beng ka kgonthe mo—mo mosadi wa Moshe, Zipporah, gomme re a lemoga gore ke mmoditše go se eme go bona, ga go kgathale ba be ba tšofetše bjang. Ba be ba le mekgatlo. Se eme go yona. E phetše nako ya yona. Eupša ge a etla go Mosadi wa ka, e lego Kereke ya ka ye Jesu Kriste a nthomile go yona, ye ka letšatšing le la mafelelo, gomme Yona še, “Ema mo!” Gomme ke be ke ile go leba bodikela.

170 Ka gona Kgaetšedi Steffy. A ka no ba a se mo, ka gobane o be a le ka sepetlele. Ga ke tsebe kae. . . A Kgaetšedi Ste- . . . ? Ee, šo yena. Kgaetšedi Steffy o tlile ntlong ya ka bakeng sa thapelo, pele a eya sepetlele bakeng sa karo, gore Modimo o tla mo thuša le go mo šegofatša. Gomme ka kgonthe O dirile.

Gomme o rile, “Ke bile le toro ya go se tlwaelege, Ngwanešu Branham.”

Ke rile, “Ee?”

171 Gomme o rile, “Ke lorile gore ke be ke le ntle Bodikela. Gomme ke. . .” Yeo ke ya boselela e tee. Gomme o rile, “Ke lorile ke le ntle Bodikela, le go ba le naga ya go pshikologo. Gomme ge ke lebeletše, go be go eme godimo ga thaba, go be

go le mokgalabje ka kgonthe ka a matelele, maledu a mašweu, gomme moriri wo a bego a na le wona o be o goletše fase go kgabaganya sefahlego sa gagwe. Gomme o be a na le setatetši go dikologa se sešweu, se sengwe, seaparo,” o rile, “phefo e be e se phepheola.” Ke a nagana ke nnete, Kgaetšedi Steffy, ka mokgwa woo. Gomme o rile, “Ke tšwetšepela ka batamela kgauswiuswi. O be a eme, godimo ga ntlhora ya thaba, a šeditše go leba bohlabela.” Gomme o rile, “Ke maketše, ‘Mokgalabje yo ke mang?’” Gomme o sepeletše kgauswiuswi, kgauswiuswi. Gomme ge a fihlile kgauswiuswi, o lemogile e be e le mang. E be e le Eliya mosehwe, moprofeta, a eme godimo kua a šeditše Bohlabela.

¹⁷² O rile, “Ke swanetše go mmona.” O be a ne tlhoko. Gomme o ile a kitima go phara thaba le go wela fase kua, go bolela le yena, ka leina la Eliya. Gomme o rile, ge a boletše . . . O kwele lentšu, le rile, “O nyaka eng, Kgaetšedi Steffy?” Gomme e be e le nna.

¹⁷³ Toro ya gago e phethagaditšwe thwi kua, Kgaetšedi Steffy. Ka gore, ka pela ka morago ga fao, ke ile Louisville. Se a bego a se hloka e be e le thapelo. Le a bona? Gomme a kgabotše gabotse, ka sepetlele; gomme leswao la ka ke eya go leba bodikela, ke šeditše go leba bohlabela, bakeng sa mohlapa wa ka. Lemogang. Ge . . .

¹⁷⁴ Ke ile Louisville. Gomme ge ke boa morago, ke bile mohuta wa go thoma kgorong, gomme fao go be go le maswao kota a kokotetšwe fao, godimo ga kgoro ya ka. Mna. Goynes, wa mokgotha wa toropokgolo mo, o be a rotoga ka tsejana. O rile, “Billy, etla mo.” O rile, “O swanetše go tloša difero tša gago le dilo, legora, legora la matlapa le difero.”

Ke rile, “Gabotse, go lokile, Bill.” Ke rile, “Ke tla—ke tla e dira. Neng?”

¹⁷⁵ O rile, “Ke tla go botša. Ke tla go dira o tsebe neng.” Oe rile . . . “Thwi la pele la ngwaga, ba ya go thoma go le dira.”

Ke rile, “Go lokile.”

¹⁷⁶ Kafao ka thoma go ya morago ka ntlong, gomme mosadi a re, “Ke swanetše go ya krosaring thwi ka bjako.” Gomme ke ile go theoga tsejana. Gomme mošemane, Raymond King, e lego raentšeneere wa toropokgolo. Ka mehla ke be ke mmitša “Tsebe ya Leraga.” Ka gobane, re be re le digotlane, re thutha mmogo, o ile a itia mothaka ka lekoloboto la leraga ka tsebenng. Gomme ka mehla re be re mmitša, “Tsebe ya Leraga.” O dula go theoga tsejana go tloga go nna, e ka ba—e ka ba mojako wa bobedi tlase ga Ngwanešu Wood.

Gomme kafao ke rile, “Leraga, etla mo motsotso.”

O rile, “Go lokile, Billy.” Gomme o tlile godimo kua.

Ke rile, “Kota yela o e kokotetšego fase?”

177 O rile, “Billy, ke, ba ya go tšeela selo sohle ka gare.” O rile, “Mehlare ye yohle, magora a, le se sengwe le se sengwe gape, se swanetše go tlošwa.”

178 Ke rile, “Gabotse, moentšeneere o mpoeditše gore phahlo ya ka e tla bogare bja mokgotha.”

179 O rile, “Ee, eupša ba ya go e ngangološa. O ya go e tšeela ka gare, go le bjalo.” O rile, “Ya ka le yona.”

180 Ke rile, “Gabotse, Ngwanešu Wood ke mo—ke mo moagi wa leswika, gomme,” ke rile, “ke tla—ke tla no mo dira go e šuthetša morago.”

181 O rile, “Bill, o se ke wa e kgwatha. Dira rakonteraka go dira seo. Yeo ke ntlo ya kereke, a ga se yona?”

Ke rile, “Ee, mohlomphegi.”

O rile, “A a e dire.” O rile, “O tseba se ke se rago.”

Ke rile, “Ee.”

182 Gomme ke retologile go tloga, gomme, ka potlako *bjalo*, se sengwe se e rathile. [Ngwanešu Branham o thwantšitše monwana wa gagwe—Mor.] Ke ile gae, ke ile ka kamoreng ya ka ya go khutša, ka topa puku yela, gomme ebe e le kua. E be e se dipoloko tša khonkhoriti; e be e le maswika. Ke rile, “Meda, eba komana.”

183 Ditoro tše tshela tša go otlologa, gomme morago pono e a di tswalela. “Ge dilo tše di etla go phethega, retologa go leba bodikela.”

184 Ke leleditše Tucson. Ngwanešu Norman o ne lefelo. Ga ke tsebe mo ke yago. Ga ke tsebe ke dire eng. Ke no ba ka go . . . Ke eme. Ga ke tsebe ke dire eng. Ke tlogela legae le ke sego ka swanela go lefa rente go lona. Megolo ya ka ke ditolara tše lekgolo ka beke. Gomme ke nyakega go lefa ditolara tše lekgolo ka kgwedi bakeng sa ntlo. Ke mo thwi le banešu ba ka le dikgaetšedi, moo ke ratwago. Gomme ke a tloga, gomme ga ke tsebe kae. Ga ke tsebe gobaneng. Nka se kgone go le botša gobaneng. Eupša go selo se tee ke se tsebago, ke go latela se A se bolelago go se dira. Ga ke tsebe, tsebe ke retologele ka tsela efe, ke dire eng. Yeo ga se ya ka . . .

185 Ke a thanka Abraham o ikwetše ka tsela yeo ge A mmoditše, “Eya godimo, mošwa noka.” O be a sa tsebe a dire eng eupša go diilela, go ikaroganya yenamong. Ke be ke sa tsebe ke dire eng.

186 Mokibelo wa go feta mosong, beke e tee go tloga maabane, go bapela e ka ba iri ya boraro mosong, ke tsogile le go swanela go nwa meetse, le go bea sa go khupetša godimo ga Joseph, ka kamoreng ya gagwe. Gomme ka gona ka tla morago, gomme ke be ke nno robala fase. Ke ile ka swarwa ke boroko. Gomme ge ke swerwe ke boroko . . . Ke hwetša ditoro tše nnyane tše le dilo go tloga, ka fao le tla bona motheo wa se ke lokišago go se bolela.

Ke—ke khupeditše Joseph, gomme ka ya morago le go robala fase, le go swarwa ke boroko. Gomme ka lora toro.

187 Gomme ke lorile gore ke bone monna yo a bego a swanetše go ba tate wa ka, le ge a be a le monna yo mogolo gagolo. Gomme ke bone mosadi yo a bego a swanetše go ba mme wa ka, feela o be a sa lebege bo ka mme wa ka. Gomme monna yo o be a le yo mošoro kudu go mosadi wa gagwe. Gomme o be a ne kgati ya khutlotharo, mo a bego a pharotše kota ye. Gomme e be e dira . . . Le a tseba, moremo wa kota, go kgabaganya kota, le a tseba, e dira kgati ya khutlotharo. Gomme nako ye nngwe le ye nngwe mosadi ge a thoma go emelela, o be a no mo swara ka molala le go mo itia hlogong, le go mo ušetša ntle. Gomme ka gona o be a tla robala kua, le go sehumula le go lla, gomme morago o be a tla thoma go tla morago godimo gape. O be a tla sepela go dikologa, ka go ikgogomoša, ka sefega sa gagwe se tekogetše ntle, moisa yo mogolo gagolo. Gomme ge a be a phagamela godimo gape, o be a tla mo topa ka molala, le go tšea kgati ye ya khutlotharo, le go mo phatlola godimo ga hlogo ya gagwe ka yona, go mo ušetša fase. A sepelele morago le go tekolela sefega sa gagwe ntle, o ka re o dirile sengwe se segolo.

188 Gomme ke be ke eme kgojana, ke e bogetše. Ke nagana, “Nka se swaragane le monna yola. Ke yo mogolo kudu. Gomme, ka gona, o swanetše go ka be a le papa wa ka, eupša ga se papa wa ka.” Gomme ke rile, “Ga a ne taba ya go hlakiša mosadi yola ka mokgwa wola.” Gomme ke bile le mokgwa wa go nyama ka yena. Kafao, nako yeo, gatee gohle, ka hwetša tutuetšo ya go lekanela, gomme ka ya godimo go yena, le go mo tlimarela ka kholoro le go mo retolla go dikologa. Gomme ke rile, “Ga o ne tokelo ya go mo ratha.” Gomme ge ke boletše seo, digoba tša gola. Ka lebege boka tšitširipa. Gomme monna a lebelela digoba tšeo, gomme nako yeo a mpoifa. Gomme ke rile, “O mo rathe gape, o ya go šogana le nna.” Gomme a ba mokgwa wa go šia go mo ratha gape. Gomme morago ka phafoga.

189 Gomme ke robetše kua lebakana le lennyane. Ka nagana, “Ke eng yeo. Ga se gwa tlwaelega ke lorile ka mosadi yola.” Gomme mo nakwana feela, šo O a tla. Ke hweditše tlhathollo.

190 Mosadi o emela kereke ya lefase, lehono, lefase lohle. Ke tswetšwe thwi ka go tlhakahlakano ye, gomme ke nna yo. O be a swanetše go ka ba mohuta wa mm—mm mme wa . . . ge a be a le mmago mmalegogwana, eupša efela ke tswetšwe thwi ka go yona. Gomme mo . . . Monna wa gagwe ke dikereke tša maina tše di mmušago. Kgati ya khutlotharo a bego a na le yona, ke kolobetšo yela ya boraro ka maina a maaka. Gore, nako ye nngwe le ye nngwe a thomago go phagamela godimo, phuthego go E amogela, o mo gatlela fase ka yona. Gomme, nnete, yena e le yo mogolo bjalo, ke retologile go dikologa, ke be ke mmoifa gannyane. Gomme nako yeo ka tlhetlhela ka go yena, go le bjalo, gomme digoba e be e le digoba tša tumelo. Seo se ntirile ke

nagane, “Ge Modimo a ne nna, le go kgona go mpha digoba, e re ke mo emele. “Tlogela go mo ratah!””

¹⁹¹ E swanetše go be e be e le iri ya lesome mosegare, ge mosadi wa ka a be a leka go tsena ka kamoreng, gomme e diregile. Ke ile ka ponong mosong woo, gomme ka mokgwa wo mongwe ke . . . Bjale, elelwang, e be e se toro.

¹⁹² Go ne phapano gare ga ditoro le dipono. Ditoro ke ge o robetše. Dipono, ge o sa ye go robala. Re tswetšwe ka tsela yeo. Motho wa tlwaelo, ge a lora, ke ka go letswalo la gagwe la fasana. Gomme letswalo la gagwe la fasana le tsela kgole go tloga go yena. Dikwi tša gagwe di mafolofolo, ge feela a le ka go letswalo la gagwe la pele. Ka go letswalo le, wena, o feletše; o a bona, latswa, kgwatha, dupa, go kwa. Eupša ge o le ka go letswalo la gago la fasana, o robetše, ebile ga o bone, latswe, kgwathe, dupe, goba go kwa. Eupša go ne se sengwe, ge o lora, gore o boela morago go letswalo le. Go na le kelello, gore o elelwa se sengwe se o lorilego ka sona, mengwaga ya go feta. Motho wa tlwaelo o ka tsela yeo.

¹⁹³ Eupša Modimo ge a kgethetšepole se sengwe, letswalo le la fasana ga le tsela kgole go tloga mo, go mmoni, eupša bobedi matswalo a thwi mmogo. Gomme mmoni, ka ponong, ga a ye go robala. O sa le ka dikwing tša gagwe, gomme o a e bona.

¹⁹⁴ Ke be ke hlatholla seo go dingaka tsoko, letšatši le lengwe. Gomme ba phagametše godimo le go re, “Bothakga. Ga se ra tsoge ebile ra nagana selo se sebjalo.” Ge ke be ke tšea teko ya lephoto, gomme ba rile ke . . . Ga se ba ke ba tsoge ba bona e ka ba eng boka seo. Le a bona? “Gabotse,” o rile, “go ne se sengwe se a direga go wena.” Gomme ke boletše. Ke e boletše. O rile, “Seo ke sona, tlwa.” Le a bona?

¹⁹⁵ Matswalo a mabedi a dula thwi kgauswi mmogo. Ga se selo ke kgonago go se dira, gomme ga se ntire go feta e ka ba mang gape. E no ba, Modimo o se dirile ka tsela yeo. Ga o ye go robala. O thwi mo, go no swana le go robala. O eme mo, o lebeletše ntle, ka mokgwa wo.

¹⁹⁶ Gomme lena bohle le e bone, go dikologa lefase. Ga o ye go robala. Ke eme mo sefaleng, ke bolela le batho, le nkwa ke eya ka ponong le go boa morago. Ge ke otlala ka koloing le lena, e ka ba kae gape, le go le botša dilo tše di yago go direga; gomme ga e tsoge ya šitwa, ga se ya ke ya tsoge. A yo mongwe o kile a e bona e šitwa? [Phuthego e re, “Aowa.”—Mor.] Aowa, mohlomphegi. E ka se kgone go šitwa. E ka se šitwe, ge feela e le Modimo. Lemogang, thwi godimo ga sefala, dikete, pele ga dikete tše masome tša batho, ebile le ka go maleme a mangwe ao ebilego ke sa kgone go a bolela, e sa no fele e sa šitwe. Le a bona? Ke Modimo!

¹⁹⁷ Bjale, ka ponong ye, goba bjalo ka ge ke be ke bolela, ke lebeletše gomme ka bona selo sa go se tlwaelege.

¹⁹⁸ Bjale, go bonagetše o ka re morwa wa ka yo monnyane, Joseph, o be a le thoko ga lehlakore la ka. Ke be ke bolela le yena. Bjale, ge le ka šetša pono sekgauswi ka kgonthe, le tla bona gobaneng Joseph a be a eme kua.

¹⁹⁹ Gomme ke lebeletše, gomme kua go be go le sethokgwa se segolo. Gomme sethokgweng se, ka go se—ka go se sehlopha sa dinonyana, dinonyana tše nnyane tša nthathana, e ka ba seripa sa intšhi botelele, le seripa sa intšhi bogodimo. E be e le bomahlwadibona ba bannyane. Mafofa a tšona a mannyane a be a iteilwe go hlohlorega. Gomme go be go le e ka ba tše pedi goba tše tharo godimo ga lekala la ntlhoraneng, tshela goba seswai go lekala la go latela, le lesometlhanu goba masomepedi go lekala la go latela; go tla fase ka sebopego sa phiramiti. Gomme baisa ba bannyane bao, batseta ba bannyane, gomme gabotse ba be ba hlagetše botse. Gomme ba be ba šeditše go leba bohlabela.

²⁰⁰ Gomme ke be ke le ka Tucson, Arizona, ka ponong, ka gore e e dirile ka morero kudu go fihla A sa nyake ke šitwe go bona mo e bego e le. Ke be ke topa dithoro tša lešabašaba go tloga go nna, go tšwa leganateng. Gomme ke rile, “Bjale, ke a tseba ye ke pono, gomme ke a tseba gore ke ka Tucson. Gomme ke a tseba gore dinonyana tše nnyane tšela di emela se sengwe.” Gomme di be di šeditše go leba bohlabela. Gomme gatee ka pela tša tšea kgopolo ya go fofa, gomme tša tloga, go leba bohlabela.

²⁰¹ Gomme ka pela ge di tlogile, sehlopha sa dinonyana tše kgolokgolo tša tla. Di be di lebega boka maeba, diphego tša dintlha tše bogale, mohuta wa mmala wo mosehla, mmala wa go taga ga nnyane go feta ka fao batseta ba ba pele ba bego ba le. Gomme di be di etšwa go leba bohlabela, ka lebelo.

²⁰² Gomme e sego ka pela ge di timeletše, ke retologile gape go lebelela go leba bodikela, gomme kua e diregile. Go bile mothuthupo wo gabotse o šišintšego lefase ka moka.

²⁰³ Bjale, le se foše se. Gomme lena, go theipi, ebang le nnete le hwetše se gabotse.

²⁰⁴ Sa pele, mothuthupo. Gomme ke naganne o galagetše boka sethibelamodumo, e ka ba eng le o bitšago ge sefofane se kgabola modumo, gomme modumo o tla morago lefaseng. Go no šišinyega, boka, go rorile, se sengwe le se sengwe. Morago, e ka be e bile mo—mo—mo mothuthupo wo mogolo wa modumo, le legadima, boka; ga se ka bona legadima. Ke nno kwa motlere wo mogolo wola o ilego pele, wo o kwagetšego o ka re e be e le borwa, go tloga go nna, go leba Mexico.

²⁰⁵ Eupša, o šišintše lefase. Gomme ge o dirile, ke be ke sa lebeletše go leba bodikela. Gomme tsela kgole go ya Bokagosafelego, ke bone sehlopha sa se sengwe se etla. Go be go lebega o ka re e be e ka ba dinthokolwana tše nnyane. Go be go ka kgona go ba e sego ka fase ga tlhano, gomme e sego go feta šupa. Eupša, Ba be ba le ka sebopego sa phiramiti, boka batseta

ba ba tlogo. Gomme ge e dirile, Maatla a Raamatlaohle Modimo a mphagamišetša godimo go ya go kopana le Bona.

206 Gomme ke kgona go E bona. Ga se ya tsoge ya ntlogela. Matšatši a seswai a ile, gomme ga ke kgone go e lebala, le bjale. Ga se ka tsoge ka ba le e ka ba eng go ntshwenya boka yeo e dirile. Lapa la ka le tla le botša.

207 Ke kgonne go bona Barongwa bale, diphego tšela tša go bopegela morago, ba sepela ka lebelobelo go feta ka mo modumo o ka kgonago go sepela. Ba etšwa Bokagosafelego, ka bjakobjako, boka go panya ga leihlo. E sego go lekanela go ponya leihlo la gago, feela go panya, Ba be ba le fao. Ga se ka ba le nako go bala. Ga se ka ba le nako go feta go no lebelela. Bona ba Maatla, ba bagolo, Barongwa ba maatla, bošweu leswele; diphego di hlomile, le dihlogo. Gomme Ba bile, “Wee wee!” Gomme ge e dirile, ke tšeešwe ka go phiramiti ye ya sehlopha.

208 Gomme ka nagana, “Bjale, ye ke yona.” Ke swerwe ke bogatšu mogohle. Gomme ke rile, “Oo, nna! Se se ra gore go tla ba le mothuthupo wo o tla mpolayago. Ke mo mafelelong a tsela ya ka bjale. Ga ka swanela go botša batho ba ka, ge pono ye e tloga. Ga ke nyake ba tsebe ka yona. Eupša, Tate wa Magodimong o dirile ke tsebe bjale gore nako ya ka e fedile. Gomme nka se botše lapa la ka, kafao ba tla tshwenyega ka nna, ‘Gobane, o lokela go sepela.’ Gomme Barongwa ba ba tletše nna, gomme ke tla bolawa ka pejana botse bjalo ka go mohuta tsoko wa mothuthupo.”

209 Nako yeo go tlile go nna, ge ke be ke sa le ka go sehlopha se, “Aowa, yeo ga se yona. Ge o ka be o go bolaile, o ka be o bolaile Joseph.” Gomme ke kgonne go kwa Joseph a mpitša.

210 Gabotse, nako yeo ka retologa gape. Ka nagana, “Morena Modimo, a pono ye e ra eng?” Gomme ke maketše.

211 Gomme ka gona e tlile go nna, (e sego lentšu) e nno tla go nna. “Oo! Bao ke Barongwa ba Morena, ba tlile go mpha thomo ya ka ye mpsha.” Gomme ge ke naganne seo, ke phagamišeditše diatla tša ka godimo, gomme ke rile, “O Morena Jesu, O tla rata ke dire eng?” Gomme pono ya ntlogela. E nyakile go ka ba iri, ke be ke sa kgone go ikwa.

212 Bjale, lena batho le tseba se ditšhegofatša tša Morena e lego. Eupša, Maatla a Morena a fapane go felela, Maatla a Morena ka go wona mafelo a mohuta. Ke A kwele, a mantši, makga a mantši, pele, ka ponong, eupša e sego ka mkgwa woo. Go kwagala boka poifo ya tlhompokgolo. Ke be ke tšhogile kudu go fihla ke golofala, ka bogoneng bja Diphedi tše.

213 Ke bolela Therešo. Bjalo ka ge Paulo a rile, “Ga ke aketše.” Ga se la tsoge la ntshwara ke bolela e ka ba eng ya phošo ka se sengwe sa go swana le seo. Se sengwe se lokela go direga.

214 Nako yeo, morago ga lebakana, ke rile, “Morena Jesu, ge eba ke ya go bolawa, a nke ke tsebe, gore ke se botše batho ba ka ye.

Eupša ge e le se sengwe gape, a nke ke tsebe.” Eupša, ga se gwa araba selo.

215 Morago ga ge Moya o ntlogetše, lebaka la e ka ba seripa sa iri, ke a thanka, goba go feta, ke rile, “Morena, ge e le, gona, gore ke ya go bolawa, gomme O feditše ka nna lefaseng, gomme—gomme ke ya go tšeelwa Gae bjale; e lego, ge e le yona, seo se gabotse. Go lokile. Kafao,” ke rile, “ge e le gona, a nke ke tsebe. Romela Maatla a Gago morago go nna gape, gona ke tla tseba go se botše batho ba ka goba e ka ba mang ka yona, gobane O lokišetša go tla go ntšea go tloga.” Gomme ke . . . Gomme ga go selo se diregilego. Gomme ke letile lebakana.

216 Morago ke rile, “Morena Jesu, ge e be e sa re seo, gomme go era gore O na le se sengwe go nna go se dira, gomme se tla utollwa go nna moragorago, gona romela Maatla a Gago.” Gomme A nyakile go ntšea go tšwa kamoreng!

217 Ke ikhweditše nnamong, felotsoko, godimo ka sekhutlong. Ke be ke kgona go kwa mosadi wa ka, felotsoko, a leka go šišinya lemati. Lemati ka kamoreng mo ke bego ke notletše. Gomme ke be ke ne Beibele e bulegile, gomme e . . . Ke be ke bala, ga ke tsebe, eupša e be e le ka go, ke a dumela, Baroma tema ya 9, temana ya mafelelo.

. . . *Bona, Ke bea ka Tsione lebje la sekhutlo, lebje la sekgopi, lebje le bohlokwa la sekhutlo, gomme mang kapa mang a dumelago go yena a ka se lewe ke dihlong.*

218 Gomme ka nagana, “Ga se gwa tlwaelega ke tla be ke bala yeo.” Moya o sa nthwele, ka kamoreng! Ke tswaletše Beibele le go ema kua.

219 Ke ile godimo lefasetereng. E be e le e ka ba iri ya lesome letšatšing, goba bokaone. Gomme ke phagamišeditše diatla tša ka godimo, gomme ka re, “Morena Modimo, ga ke kwešiše. Le ke letšatši la go se tlwaelege, go nna. Gomme ga ke ikwešiše nnamong, ke nyakile.”

220 Ke rile, “Morena, se se ra go reng? A nke ke bale gape, ge eba ke Wena.” Bjale, se se kwagala bjana. Gomme ke ile ka tšea Beibele godimo, ka e bula godimo. E be e le kua gape, go lefelo la go swana, Paulo a botša Bajuda gore ba lekile go . . . o botša Baroma gore Bajuda ba lekile go Le amogela ka mediro, eupša ke ka tumelo gore re a Le dumela.

221 Gabotse, e bile nako ya go šiiša, ge e sa le. Bjale le bona mo ke emego. Ga ke tsebe se se diregago. Ga ke tsebe ke reng.

222 Eupša bjale a nke ke, bjale, go tloga bjale go ya pele, lebaka la ya go latela, e ka ba lesometlhano, metsotso ye masomepedi, a nke ke leke go bolela se sengwe mo bjale. Elelwang, ga go nako e tee mo dipono tšeo di kilego tša šitwa. Bjale ke ya go tšea Mangwalo nakwana, ge le ka lemoga, ka go Kutollo tema ya 10. Bjale a nke ke bolele se. Ge pono e le ya Lengwalo, e ka kgona

feela go hlathollwa ka Lengwalo. Gomme bjale ke le nyaka le bee se mmogo.

223 Gomme, bjale, lena le lego gona, le lena go theipi, ebang le nnete le bolela se ka tsela ye ke se bolelago, gobane se ka ba bonolo ka maatla go se kwešišwe.

224 A le itlhaganetše? [Phuthego e re, “Aowa.”—Mor.] Go lokile. E no ba . . . Ke a le leboga go beng go homola, bose.

Bjale, “Morongwa wa bošupa . . .”

225 Bjale, bahlomphegi, (bjalo ka ge ke bitša ye) a le ke leswao la nako ya bofelo? Re phela kae? Ke nako mang ya letšatši? Bjalo ka mopshikološi wa go lapa, go kgabola bošego, a tsoga le go retolla sešupanako, go lebelela ke eng, le go gotetša lebone. Thapelo ya ka ke, “Modimo, a nke re gotetše Seetša.”

226 Ke eme ka lefelong la go befa, ge eupša le e tsebile. Elelwang, ke a le botša Leineng la Morena, ke le boditše therešo, gomme se sengwe se lokela go direga.

227 Ga ke tsebe. Bjale, lena go theipi, hwetšang seo. Ga ke tsebe. Ke ya go leka. Se se tlilego go nna, maabane, ke be ke dutše ka kamoreng ya ka ya go khutša, ga ke re ye ke therešo; e be e le feela se sengwe se sepela ka pelong ya ka, mo ke sepetšego mabatong.

228 Ke—ke be ke swanetše go ya tlase, go hwetša nako ye nnyane go khutša le go ya tlase le Charlie, le go ya go tsoma le yena letšatši le tee, pele re ka arogana yo motee go tloga go yo mongwe.

229 A ke bolele, gore, ka gobane ke ya bodikela, ga se gore ke tlogela tabarenekele ye. Ye ke kereke ye Morena Modimo a mphilego. Mo ke motsemošate wa ka. Mo ke mo ke dulago. Ke no ya ka go obamela taelo ye ke e filwego ka pono. Morwa wa ka, Billy Paul, o tla dula e le mongwaledi wa ka. Ofisi ya ka e tla ba thwi mo ka kerekeng ye. Ka thušo ya Modimo, ke tla ba mo ge e . . . selo se se fedile, go rera Mahuto a Šupa. Gomme ditheipi e ka ba dife tše ke di dirago, goba e ka ba eng gape, e tla dirwa mo ka kerekeng ye. Gomme thwi mo, bokgole bjo ke tsebago, ke lefelo mo nka kgonago go rera ka tokologo go feta e ka ba kae gape ka lefaseng, ka gobane go ne sehlopha sa batho mo ba ba dumelago, gomme ba swerwe ke tlala le go swarelela. Gomme le le kwagala boka legae, go nna. Le ke lefelo. Gomme ge le lemoga, ditoro di boletše selo sa go swana, le a bona, moo Dijo.

230 Bjale, eupša, ga ke tsebe se se robetšego ka go bokamoso, eupša ke tseba Yo a swerego bokamoso. Seo ke sona selo segolo.

231 Bjale, Modimo, ge ke le phošo, ntshwarele, gomme ka gona tswalela molomo wa ka, Morena, go e ka ba eng ye e ka se bego thato ya Gago. Ke dira feela se ka gore ke kgahlegile, Morena. A nke batho ba kwešiše; kgahlego feela.

232 Lebaka le ke naganago tlhathollo ga e tsoge ya tla ka pela, e be e le ka boikemo bja Modimo, gobane ke a dumela go ngwaletše

nna ntle mo ka Beibeleng. Gomme ka gona ge e le ya Lengwalo, ke Lengwalo le nnoši le ka kgonago go e hlatholla. Gomme ge ye e le therešo, ngwanešu, kgaetšedi, ga ke go tšhoše, eupša re swanetše go hlokomela kudu bjale. Re lokela go . . . Sengwe se lokela go direga. Gomme ke bolela se ka tlhomphokgolo le go boifa Modimo. Gomme le nagana ke tla ema mo . . . Gomme lena batho ebile le dumela ka go nna go ba moprofeta; ga ke tleime go ba.

²³³ Maikutlo a ka e be e le se. Setsw- . . . Ngwaga wa go feta, ke rile, “Ke . . . Selo se nnoši ke se bonego, tsošetšo e fedile, ka ditšhabeng, goba, setšhaba se, go le bjalo.” Ke tšere leeto la ebangedi. Ba bantši ba lena ba ile le nna. Oo, go be go lokile. Re bile le dinako tše kgolo, dikopano tše kaone, mašaba a mantši, eupša e nno se itie lefelo.

²³⁴ Ngwaga wo, ke tšea leeto la baromiwa. Ka pela ka mo ke kgonago, ke ya Afrika, India, le go dikologa lefase, ge nka kgona, go leeto le lengwe la boromiwa.

²³⁵ Ge seo se sa šome, e ba gore ga ke tšee meetse goba dijo, gomme ke namela tše dingwe tša dithaba tše telele mošola, gomme ke ya go dula kua go fihla Modimo a araba tsela ye nngwe. Nka se kgone go phela ka mokgwa wo. Ke no se kgone go ya pele.

²³⁶ Ye e ka no ba karabo mo. Ga ke tsebe. “Go fihla A mphetola,” a le elelwa pono e ka ba dibeke tše tharo tša go feta, “eme ka letšatšing, ke rerela phuthago?” Bohle le be le le mo Lamorena la go feta. Malamorena a mantši, lena batho mo ba le hwetšago ditheipi, gomme—gomme ke mo ge e dirwa, le kwešiša dilo tše. Gobane, bjale ke tla no ratha mafelo a, gomme le e šetše. Feela ebile le nthathana ye nngwe le ye nngwe ya seo ye e boletšwego, e kaya thwi ka go se, kafao e swanetše go ba tlhathollo. Ga ke tsebe. Ke ka baka leo ke rego, “Bahlomphegi, a ye ke yona?”

²³⁷ Ke a dumela gore “morongwa wa bošupa” wa Kutollo 10 ke motseta wa lebaka la kereke la bošupa wa Kutollo 3:14. Elelwang. Bjale a ke baleng. Lebelelang mo nka kgonago go bala. Bjale, yo e be e le morongwa wa bošupa.

Eupša ka matšatšing a morongwa wa bošupa, (temana ya 7) ge a tla thoma go galagatša, sephiri sa Modimo se tla be se fedile, bjalo ka ge a boditše baprofeta bahlanka ba gagwe.

²³⁸ Bjale, le a lemoga, yo e be e le morongwa. Gomme ke morongwa wa lebaka la kereke la bošupa, ka gobane e re fa, ke “morongwa wa bošupa,” wa lebala la kereke la bošupa Hwetša gore, ge o nyaka go bona yo a . . . moo morongwa a lego, Kutollo 3:14, ke, “Morongwa go kereke ya Loadikia.”

²³⁹ Bjale, le elelwa ge seo se boletšwe kua, barongwa le mabaka a kereke. Gomme bjale, ka go le, e tla nyalelana thwi ka go Mahuto a Šupa a re tlogo go a bolela. Gomme Mahuto a Šupa a re lekago

go bolela ka wona, ge a etla nako ye, ke Mahuto a šupa a a ngwadilwego. Gomme Mahuto a Šupa a, bjalo ka ge le tseba, e no ba ponagatšo ya barongwa ba šupa ba dikereke tše šupa; eupša, go na le Mahuto a mangwe a šupa a a lego ka lehlakoreng la morago la Puku, Ke ka ntle ga Beibele. Lemogang. Re tla tla go yona mo nakwaneng.

²⁴⁰ Bjale, pele ke thoma ye, a le lapile? A le nyaka go ema, go fetola maemo? [Phuthego e re, “Aowa.”—Mor.] Bjale theetšang sekgauswi.

²⁴¹ Morongwa wa bošupa wa Kutollo 10:7 ke morongwa wa lebaka la kereke la bošupa. Le a bona? Bjale šetšang. “Gomme ka matšatšing. . .” Bjale šetšang mo:

*Eupša matšatšing a lentšu la morongwa wa bošupa,
ge a tla thoma go galagatša, sephiri sa Modimo se tla
fela. . .*

²⁴² Bjale, go galagatša pele, motseta yo, motseta wa bošupa mo o galagatša pele Molaetša wa gagwe go kereke ya Laodikia. Lemogang mohuta wa Molaetša wa gagwe. Bjale, o be o se go morongwa wa mathomo, o be a se a fiwa Woo; morongwa wa bobedi, wa boraro, wa bone, wa bohloano, wa boselela. Eupša ke morongwa wa bošupa a bilego le mohuta wo wa Molaetša. E be e le eng? Lemogang mohuta wa Molaetša wa gagwe, “Go fetša diphiri tšohle tša Modimo, tše di ngwadilwego ka Pukung.” Morongwa wa bošupa o tatolla godimo diphiri tšohle tše di robetšego di ne mafelelo a go hlepha, gohle ntle go kgabola mekgatlo re le dikereke tša maina. Morongwa wa bošupa o di kgobela godimo, gomme a fetša sephiri sohle. Seo ke se Beibele e se boletšego, “Go fetša sephiri sa Puku ye e ngwadilwego.”

²⁴³ Bjale a re hlokomeleng di se kae tša diphiri tše, gomme ge le nyaka go di ngwala fase. Sa pele, ke tla tšea se Scofield a se bolelago mo, ka go Mateo 13. Ge le nyaka go tlanya tše dingwe tša tšona fase, ge le se ne Beibele ya Scofield, le ka no bala se a naganago tše dingwe tša diphiri ke eng. Bjale, ka go temana ya 11:

*Gomme a araba a re go bona, Gobane go filwe go lena
(barutiwa ba Gagwe), gobane go filwe go lena go tseba
diphiri tša mmušo wa legodimo, eupša e sego go bona,
eupša go bona ga se gwa fiwa.*

²⁴⁴ Diphiri, “sephiri” se se. Sephiri ke Lengwalo, ke Therešo ye e bego e utilwe nako ya go feta bjale e utolotšwe ka Bokgethwa, eupša (e lego) elemente ya ka godimo ga tlhago e sa šetše le ge go le kutollo. Diphiri tše kgolokgolo le diphiri tše kgolokgolo ke:

²⁴⁵ Nomoro tee, sephiri sa Mmušo wa Magodimo. Wo ke wona re bolelago ka wona bjale. 13, Mateo 13:3 go fihla 50.

²⁴⁶ Bjale, sephiri sa bobedi ke sephiri sa bofofu bja Israele go lebaka le. Baroma 11:25, ka kgwekgwe.

247 Tharo, sephiri sa boraro ke sephiri sa phetolelo ya bakgethwa ba ba phelago mafelelong a lebaka le. Bakorinthe ba Pele 15, le gape Bathesalonika 4:14 go fihla 17.

248 Sephiri sa bone, sephiri sa Kereke ya Testamente ye Mpsha bjalo ka Mmele o tee o bopilwego ke bobedi Bajuda le Bantle. Baefeso 3:1 go fihla 11, Baroma 16:25, le gape Baefeso 6:19, Bakolose 4:3.

249 Sephiri sa bohloano ke sa Kereke bjalo ka Monyalwa wa Kriste. Baefeso 5:28 go fihla 32.

250 Sephiri sa boselela ke sa Kriste yo a phelago, go swana maabane, le hono, le go ya go ile. Bagalatia 2:20, le Bahebere 13:8, le mafelo a mantši ka mokgwa woo.

251 Sephiri sa bošupa ke sa Modimo, e bile Kriste bjalo ka botlalo ka nameng bja Bomodimohlogo ka mmeleng, ka go Yena bohlale Kgethwa bjohle.

Gomme bomodimo bo bušetšwa go motho.

252 Sephiri sa senyane ke sephiri sa bokgopo, se hwetšwa ka go Bathesalonika ba Babedi, le go ya pele.

253 Sephiri sa lesome ke sa dinaledi tše šupa tša Kutollo 1:20. Re sa tšwa go fetša yeo, “Dinaledi tše šupa tša dikereke tše šupa, batseta ba šupa,” le go ya pele.

254 Gomme sephiri sa lesometee ke sephiri sa Babilonia, mmaleogwana. Kutollo 17:5 go fihla 7.

255 Tšeo ke tše dingwe tša diphiri tšeo morongwa yo a swanetšego go di tatolla, “diphiri” tšohle, diphiri tšohle tša Modimo.

Gomme se sengwe:

256 A ke bolele se ka tlhomphokgolo; gomme ke sa šupe go nnamong, eupša ke šupa go Morongwa wa Modimo.

257 Peu ya sephente, yeo e bile sephiri se se bego se utilwe, gohle go kgabola mengwaga.

258 Mogau, o hlopholotšwe ntle; e sego go goboša, eupša wa kgonthe, mogau wa therešo.

259 Ga go selo se sebjalo bjalo ka ya Gosafelego, hele ya go tšhuma. O tla swa dimilione tša mengwaga. Eupša, e ka ba eng ye e bego e le Gosafelego, ga se ya tsoge ya ba le mathomo goba bofelo; gomme hele e hlotšwe.

Diphiri tšohle tše!

260 Sephiri sa kolobetšo ya Moya wo Mokgethwa, ntle le maikutlo, eupša Motho wa Kriste a dira ka go wena mediro ya go swana ye A e dirilego.

261 Sephiri sa kolobetšo ya meetse. Moo, botriniti bja go tseenelela bo e tlišitše ka go dithaetlele tša “Tate, Morwa, Moya wo Mokgethwa.” Gomme sephiri sa Bomodimohlogo se

phethagatšwa ka go kolobetšo Leineng la “Jesu Kriste,” go ya ka Puku ya Kutollo, yeo Kereke ka go nako ye e be e swanetše go e amogela.

Go na le tše dingwe tša diphiri.

262 Pilara ya Mollo e boa morago. Amene! Seo ke selo se se swanetšego go direga, gomme re a se bona.

Oo, ka fao re ka kgona go ya pele, go fa diphiri!

263 Go boneng gore Pilara yela ya Mollo ye ya go etapele bana ba Israele, e Tee ya go swana ye ya go rathela Saulo fase tseleng ya gagwe go thega go ya Damaseko! Gomme e Tee ya go swana e tlogo, ka Maatla a go swana, e dira dilo tša go swana, gomme e utolla Lentšu la go swana, e dula Lentšu ka Lentšu le Beibele!

264 Go galagatšwa ga phalafala, go ra phalafala ya “Ebangedi.” Gomme go galagatšwa ga phalafala, ka Beibeleng, go ra, “Go ba komana bakeng sa ntwala ya Lengwalo.” A le e bea fase? Ntwala ya Lengwalo!

265 Paulo o rile, ge le nyaka go bea ye fase, Bakorinthe ba Pele 14:8. Paulo o rile, “Ge phalafala e efa segalo sa go se hlake, motho o tla tseba bjang mokgwa wa go lokela?” Gomme ge e se ne segalo sa Lengwalo, go hlatsetša, go—go hlatsetša Lentšu la Modimo le dirilwe go bonagala, re tla tseba bjang re nakong ya bofelo?

266 Ge le re ba a dumela gore Jesu Kriste o a swana maabane, lehono, le go ya go ile, eupša ba gana maswao a Gagwe le dimaka tšeo sekgaio ka moka sa tlhago se Mo dumelago, le Kereke yohle e Mo dumelago ka se, re tla tseba bjang mokgwa wa go lokela?

267 Yo mongwe o tlile pele le tšhate gomme a thala se ntle; gomme yo mongwe o tlile pele, selo se sengwe, gomme o thadile sohle se ntle, go fapana le setee se. Ba bangwe ba tlile pele gomme ba rile se ke Lona, go tla morago go se. Gomme ba bangwe ba ngwadile dipuku, le dilo go swana le tšeo.

268 Eupša, Modimo o tla ka Maatla a tsogo ya Gagwe! Gomme ke mang a yago go bolela kgahlanong le Lona? Ge Jesu Kriste a swana maabane, lehono, le go ya go ile, O dira selo sa go swana se A se dirilego maabane, lehono, le go ya go ile. Seo ke se morongwa yo a swanetšego go se dira, go tšea tšona diphiri, wona mafelelo a go tlemologa a batho ba a gatakilego.

269 Lemogang, ge e efa segalo sa go se hlake, se go se be lengwalong, ke mang a ka kgona go itokiša yenamong? Eupša, phalafala, a le lemogile, le lengwe le le lengwe la mabaka ale, bjalo ka ge ke le boditše ka kereke e etla ka gare, go bile phalafala e galagatšwe, Lehuto la kgaolwa go tlemologa. Gomme phalafala e ra ntwala. Ge e sa fe segalo sa Lengwalo, go reng ka yona?

Eupša a ke biletše se go kelello ya lena. Le se se foše bjale.

270 Lemogang, lebaka le lengwe le le lengwe la kereke le bile le motseta wa lona. Re tseba seo. Paulo e bile motseta wa pele.

Gomme ge phalafala ya pele e galagetše, gomme Lehuto la pele le kgaotšwe go tlemologa, Paulo e be e le motseta wa pele, bjalo ka ge re hweditše, gomme o dirile eng? O hlakišitše ntwa godimo (ga eng?) kereke ya Orthodox, go se dumeleng leswao la Mesia leo Jesu a le tšweleditšego go bona. Gobaneng, ba swanetše go be ba le tsebile. Ba swanetše go be ba Mo tsebile.

²⁷¹ Elelwang, Paulo o tllile bofelong bja lebaka. Batseta bohle ba tla bofelong bja lebaka. Ke bofelong bja nako, ge dilo tše di—di tlišwa pele.

²⁷² Paulo, ka go tseba Mangwalo, le go tseba gore Jesu o be a le Mesia, gomme o thuthupišitše disinagoge tšela, go tloga lefelong go ya lefelong, ka Mangwalo, gomme a bewa ka ntle ga ye nngwe le ye nngwe ya tšona. Go fihla, mafelelong, a rothotha lerole go tloga maotong a gagwe gomme a retologela go Bantle. E be e le eng? Go galagala ga phalafala; morongwa, motseta, a eme kua le Lentšu! Oo, nna! Le se foše se bjale. Lentšu! Gomme Paulo, ka tlhathollo ya Lentšu la Modimo ye e sa otswafatšwago, o thuthupišitše ye nngwe le ye nngwe ya tšona disenagoge. Go mo turetše bophelo bja gagwe.

²⁷³ Ka fao re ka ya tlase go Irenaeus, yo motee, motseta wa lebaka la kereke la go latela!

²⁷⁴ Gomme Mokgethwa Martin, lebaka la kereke la go latela, ge ba thoma go hwetša thuto ya Banikolaite, e thoma go tla ka gare. Gomme ba thuthupišitše lebaka lela. Mokgethwa Martin o thuthupišitše lebaka la gagwe.

²⁷⁵ Gomme morago Luther, motseta wa bohloano, o thuthupišitše kereke yela ya Katoliki, ka Lentšu la Modimo. “Moloki o tla phela ka tumelo,” o boletše. “Gomme se ga se mmele wa kgonthe wa Kriste,” gomme a lahlela selalelo lebatong, gomme a tšwela ntle le go thuthupiša kereke yela ya Katoliki. Phalafala yela e galagetše ka maleba. A ke nnete? [Phuthego e re, “Amene.”—Mor.]

²⁷⁶ John Wesley o tsogetše godimo, ka matšatši a kereke ya Anglican. “Gobaneng,” ba rile, “ga go sa ne lebaka gape go ba le ditsošetšo,” gomme e ile go peu. Eupša John Wesley o emeletše godimo, ka molaetša wa mošomo wa bobedi wa mogau, tlhwekišo, gomme a thuthupiša kereke yela ya Anglican ka phalafala ya Ebangedi, go lokela ntwa. Yeo ke nnete. O e dirile.

²⁷⁷ Bjale re ka go lebaka la Laodikia, ge ba dirile kereke ya leina gape; Methodist, Baptist, Presbyterian, Lutheran, Mapentecostal. Gomme re lebeletše moprofeta go tla, go thuthupiša lebaka le, le go ba retollela morago go tšwa go bokgopo bja bona.

²⁷⁸ Bjale, ge woo e bile mokgwa, tsela yohle go kgabola lebaka, a Modimo o tla fetola mokgwa wa Gagwe ka go letšatši le? [Phuthego e re, “Aowa.”—Mor.] A ka se kgone go o fetola. O swanetše go boloka dikgato tša ka mehla.

279 Gomme elelwang, motseta yo e be e le morongwa wa bošupa, gomme o be a le wa go tšea diphiri tšohle le go dikgobela godimo. Lemogang, motseta wa bošupa e be e le wa go thuthupiša Laodikia, kereke ya go huma. “Ke humile, ke atile ka dithoto, gomme ga ke hloke selo.” O rile, “O madimabe go nyamiša, modiidi, sefofu, o hlobotše, gomme ga o e tsebe.” Woo e be e le Molaetša wa gagwe.

280 O Modimo, re romele moprofeta wa go hloka poifo ka GO RIALO MORENA, gore Lentšu la Modimo la go hlatsetšwa le tla sepela go e kgabola le go netefatša gore o romilwe go tšwa go Modimo. Gomme ge a etla, o tla thuthupiša wona mabaka. Nnete o tla dira. O tla bea kereke ya lebaka la Laodikia khahlanong le yena. Ka nnete, o tla. Ba dirile ka go lebaka le lengwe le le lengwe gape. E ka se fetoge ka go lebaka le. E swanetše go swana.

281 Lemogang, bjale, kereke ya Laodikia. Motseta (o tla fetša) wa Laodikia, morongwa wa bošupa, o tla fetša diphiri tšohle tšeo di lahlegilego ka dintweng, pele, bakeng sa Therešo.

282 Luther o phagametše godimo, eupša o be a se ne Therešo yohle. O be a no ba le tokafatšo. Nnete.

283 Go latela go tllile motseta yo mongwe, a bitšwago John Wesley, ka tlhwekišo. O be a se ne Yona. Beibele e boletše. Kereke ya Philadelphia!

284 Morago go tla lebaka la kereke ya Laodikia, ka kolobetšo ya Moya. Eupša ba O hlakahlakantše yohle godimo, gomme ba ile thwi morago ka mananeong, boka ba dirile lefelo la pele.

285 Ge, “O swanetše go lebega godimo bjalo ka Alefa le Omega,” seatla sa Gagwe se robetše tsele e *tee*, le tsela e *tee*, “Mathomo le Mafelelo.”

Moya wa Gagwe o wele ka Letšatši la Pentecost gomme wa tlatša sehlopha sela.

286 Ka go iketla o nweletše ntle, go fihla e etla go mabaka a leswiswi. Dihlomapone tše Šupa tša Gauta, mabaka a šupa a kereke, la mafelelo le be le le kgolekgole go tloga go Yena. E be e le seke- . . . e nyakile go ba mengwaga ye sekete ya lebaka la leswiswi, la kereke ya Katoliki.

287 Luther a thoma go tliša seetša sa go latela, kgauswiuswi gannyane go Lentšu.

Seetša sa go latela, se tla kgauswiuswi gannyane.

288 Seetša sa go latela, sa Laodikia. Morago se tla thwi morago boka e dirile, lefelo la pele, e ile thwi go arogela ka go tlhakahlakano ya go swana e dirilego ka go lefelo la pele. A ga le bone se ke se rago? [Phuthego e re, “Amene.”—Mor.]

289 Bjale šetšang. Go na le Therešo ye ntši e lahlegilego ntle kua, (gobaneng?) moo ba bangwe ba itšimeleditšego go Therešo. Eupša morongwa yo wa bošupa ga a itšimeletše go selo. O

kgoboketše tšohle dintlha tše di tlemologilego, o di kgoboketša tšohle. Gomme mo go galagatšeng ga gagwe, “Sephiri sohle sa Modimo se tla fela.” Oo! Modimo, mo romele. Diphiri tšohle tše di utilwego di feditšwe ge, yena, Se utolotšwe go yena. Ka eng? Ge tše e le diphiri tše di utilwego, monna e swanetše go ba moprofeta. Gomme a ga se ra no kgabola le go bona gore moprofeta, yo a tla tlogo go lebaka la mafelelo, e tla ba Eliya yo mogolo yola yo re bego re mo lebeletše? [Phuthego e re, “Amene.”—Mor.] Gobane, diphiri tše tšeo di utilwego, go kgabola baithutamodimo, di tla swanelwa ke go utollwa; go Modimo. Gomme Lentšu le tla feela go moprofeta. [“Amene.”] Gomme re a e tseba. O tla ba Eliya wa bobedi, bjalo ka ge go tshepišitšwe. Oo, nna! Molaetša wo a—a o tlišago e tla ba diphiri, tšohle, dilo tše tšohle.

²⁹⁰ Re na le kolobetšo ya meetse. E hlakahlakane yohle. Yeo ke nnete. Yo motee o a fafatša, yo motee o a tšhela. Yo motee o tšea “Tate, Morwa, Moya wo Mokgethwa.” Yo motee o tšea *ye*. Yo motee o kolobetša makga a mararo, sefahlego pele; bakeng, e tee bakeng sa Modimo wa go bitšwa “Tate,” ye nngwe e tee bakeng sa Modimo wa go bitšwa “Morwa,” ye nngwe e tee bakeng sa Modimo wa go bitšwa “Moya wo Mokgethwa.” Yo mongwe yo motee o rile, “O a foša. O swanetše go kolobetša ka samorago, makga a mararo, ka tsela *yeo*.” Gomme, oo, a tlakahlakano!

²⁹¹ Eupša selo ka moka se tatologile godimo, ka gore go na le Modimo yo motee feela, gomme Leina la Gagwe ke Jesu Kriste. “Gomme ga go Leina le lengwe ka tlase ga Legodimo le batho ba swanetšego go phološwa ka lona.” Ga go tema e tee ya Lengwalo, e ka ba kae ka Beibeleng, moo e ka ba mang a kilego a kolobetšwa ka tsela e ka ba efe eupša Leineng la Jesu Kriste. Ga go nako e tee e ka ba efe ya Kereke ye mpsha e ilego, goba Kereke ya Jesu Kriste, ya ke ya fafatšwa, ya tšhela, goba e ka ba eng gape. Ga go nako e tee tirelo e kilego ya šomišwa, “Ke go kolobetša leineng la Tate, Morwa, Moya wo Mokgethwa.” Ke dithutotumelo le dilo.

²⁹² Gomme ka ntwengkgolo bakeng sa Therešo, wona mafelelo a be a lahlega, eupša Modimo o rile a tla bušetšwa gape ka letšatšing la mafelelo. “Ke tla bušetša,” go boletše Morena. Re ile ra kgabola seo, e se go telele go fetile *Mohlare Monyalwa*. Go tla tšea moprofeta. Beibele e boletše gore o tla ba mo. Yeo ke nnete. Maleaki 4, e bolela gore o tla ba mo, gomme re a dumela gore o tla ba. Re mo lebeletše. Gomme re lebeletše ponagalo ya gagwe, gomme re tla bona Lentšu la Modimo le le hlatsetšwego.

²⁹³ Go tla no ba ba sego nene ba Le kwešišago. “Bjalo ka ge go bile ka matšatšing a Noage, go tla ba bjalo ka go tleng ga Morwa wa motho.” Go phološitšwe eng? Disoulo tše tlhano. . . Ka matšatšing a Loto, gabotse go bile ba bararo ba phološwago. Mosadi o thomile a tšwa, gomme a lahlega. “Kafao go tla ba ka go tleng ga Morwa wa motho.” Go tla ba ba sego nene kudu ba phološwago, ba fetolelwago ka nakong yeo; se tee sa diphiri, sa

Kereke yela e tšeelwa godimo. Boka Loto a tšerwe, boka Loto a tšeešwe ntle, go tloga; Noage o tšeešwe godimo, gomme Kereke e tla tšeelwa godimo, le yona. Yo motee o ile ka gare; gomme yo motee o tšwile; gomme yo mongwe yo Motee o ya godimo. Le a bona? Ke tlwa, go phethagala.

²⁹⁴ Lentšu le a tla. “Puku ye e ngwadilwego ka gare,” nako yeo e feletše ge se, diphiri tše tšohle di feditšwe go galagatšwa. Bjale ke e bale gape, bjale, gore le be le nnete. Bjale lebelelang:

*Eupša ka matšatšing a lentšu la morongwa wa bošupa
(morongwa wa mafelelo), ge a tla thoma go galagatša,
sephiri sa Modimo se tla be se fedile, . . .*

²⁹⁵ Bjale, “sephiri sa Modimo” ke eng, se tee sa tšona? Paulo o rile, ka go Timotheo wa Pele 3, ke a dumela e bile, o rile, “Ntle le kganetšo sephiri sa bomodimo ke se segolo: ka gore Modimo o bonagaditšwe ka nameng (re Mo kgwathile, re Mmone), a amogelwa godimo ka Letagong, a hlatselwa ke Barongwa, a hlatselwa mo lefaseng.” Modimo o bile! Nnete, ke sephiri se segolo, eupša sohle se rarolotšwe. E sego “Tate, Morwa, le Moya wo Mokgethwa,” Badimo ba bararo; eupša, Modimo yo motee ka diofising tše tharo. Bontate, ka tlase ga Moshé; Bamorwa, ka tlase ga Kriste; Moya wo Mokgethwa, ka tlase ga lebaka le. Mabaka a mararo a Modimo wa go swana; e sego Badimo ba bararo. Sephiri se feditšwe bjale. Beibele e rile se swanetše go ba. Ge mo . . .

²⁹⁶ Ke bone, letšatši le lengwe, fao saense e lekago go nkganetša, ka go se ba tlwaetšego go re, ge ke rile, “Mang kapa mang a dumetšego gore Efa o ja apola!” Bjale saense ya bona e re, le bone ka lephepheng letšatši le lengwe, dihlogo tša ditaba tše kgolo, “O ja apolokosi.” Ditšiebadimo. A yeo—a yeo e ka mo foraforetša? [Phuthego e re, “Aowa.”—Mor.] Nnete aowa. Le a bona? Ba no be ba . . . Seo ke—seo ke se Kaine a se nagannego, le a tseba, gomme o tlišitše selo sa go swana morago, eupša Modimo ga se a amogela sehlabelo sa gagwe. Gomme Abele, moloki, go utlolotšwe go yena. “E be e le madi,” gomme o tlišitše madi.

O Modimo, kereke ye le lebaka le re phelago ka go lona!

²⁹⁷ “Puku ye e ngwadilwego ka gare” nako yeo e fedile ge morongwa yo a fetša, (bjale hle kwešišang se), ge Molaetša wa morongwa wa bošupa o fedile; sephiri sa Bomodimohlogo, sephiri sa peu ya sephente, diphiri tšohle tše dingwe tša dilo tšohle tše.

²⁹⁸ Bomorwa bja Gosafelego, bjalo ka ge ba bolela ka yona. A ka kgona bjang go ba Morwa wa Gosafelego, ge Bokagosafelego bo se bja tsoge bja thoma goba bo ka se tsoge bo fedile; gomme morwa ke se sengwe se se tswetšwego? E ka kgona bjang go dira kgopolo?

²⁹⁹ Go ka kgona bjang go ba hele ya Gosafelego, mola hele e hlotšwe? Ke dumela go hele ye e tukago. Nnete, Beibele e boletše

bjalo. Eupša, ke ya go fediša. Beibele e rile, “Mošegofatšwa ke yo a se nago kabelo ka go lehu la bobedi.” Le a bona? Le a bona, o ka se fedišwe ke lehu la bobedi. La pele ke la mmele. La bobedi ke lehu la semoya, ge se sengwe le se sengwe se fedile. “Soulo ye e dirago sebe, soulo yeo etla hwa.” O tla otlelwa dibe tša gago, mohlomongwe go kgabola ngwaga ye makgolo, mengwaga ye dikete. Eupša go ka se kgone go ba hele ya Gosafelego, gobane Beibele e rile hele e hlotšwe. E ka kgona bjang go hlolwa gomme ya ba ka Gosafelego? Ge go kile gwa ba. . . Beibele e rile, “Hele e hlotšwe diabolo le barongwa ba gagwe.” Gomme ka gona, ge e hlotšwe, e ka se kgone go ba ka Gosafelego. Gabone, Gosafelego, eng kapa eng ya Gosafelego, ga se ya tsoge ya ba le mathomo goba bofelo.

³⁰⁰ Ke ka mokgwa wo re ka se tsogego ra hwa, ka gore re bile gona ka mehla. Re karolo ya Modimo, lehlogedi la Modimo, gomme Yena ke selo se nnoši sa Gosafelego se lego gona. [Ngwanešu Branham o kokota godimo ga phuluphithi makga a mararo—Mor.] Amene. O ka se kgone go hwa gape go feta Modimo a ka kgona go hwa, ka gobane o wa Gosafelego, le Yena. Amene! A le tle! Haleluya! Mohuta wa go lapa ka ntlo ya dilomi ye ya go tšofala, go le bjalo.

³⁰¹ Lemogang, “Puku ye e ngwadilwego,” ge morongwa yo a fetša mafelelo a a go tlemologa ohle a mabodiredi ao go kgabola ntwakgolo ye ba e lwelego, Luther a e lwelego, le Wesley a e lwelego, le Mapentecostal ba e lwelego. “Eupša go ne o tee a tlogo,” go bolela Beibele, “gore ka matšatšing a go galagatša ga gagwe, diphiri tšohle tše. . .” Maoneness ba tšhabile le Leina la Jesu; matriniti ba tlogile ka Tate, le Morwa, Moya wo Mokgethwa, go no swana le ge ba dirile ka go Khansele ya Nicaea, selo sa go swana; bona bobedi ba be ba fošitše. Eupša, bjale, bogareng bja tsela, ka Mangwalong, go robetše Therešo. A le bona mo re lego? Morongwa wa Morena!

³⁰² Lemogang Kutollo 5:1. Theetšang se bjale:

Gomme ke bone ka seatleng se setona sa yo a dutšego godimo ga terone go le puku ye e ngwadilwego ka gare (mongwalo o be o le ka gare) le ka lehlakoreng la morago, e tsualetšwe ka mahuto a šupa.

³⁰³ Bjale, go ne mangwalo ka gare ga Puku. Eupša, lehlakore la ka morago le be le ne Mahuto a Šupa, ka morago ga Yona, ao a bego a se a ngwalwa ka gare ga Puku. Bjale, yo ke moutolli a bolelago, Johane. Bjale, elelwang, Le be le se la ngwalwa ka Pukung. “Gomme ka matšatšing a lentšu la morogwa wa bošupa, sephiri sohle se se ngwadilwe ka pukung se tla fela.” Se swanetše go hlokomelwa, ka letšatšing leo. Bjale a le bona se ke se rago? [Phuthego e re, “Amene.”—Mor.] A le a ntatela? [“Amene.”] Gona ke nako ya mantšu a Kutollo 10 go utollwa. Ge Puku e fedile, go selo se tee feela se šetšego, gomme seo ke mantšu a sephiri a šupa

a modumo ao a bego a ngwadilwe ka lehlakoreng la morago la Puku, ao Johane a ileditšwego go a ngwala. A ke e bale.

Gomme ke bone morongwa, morongwa yo maatla a theoga go tšwa legodimong, a apere leru: gomme molalatladi o be o le godimo ga hlogo ya gagwe, gomme sefahlego sa gagwe se be se le bjalo ka . . . letšatši, gomme maoto a gagwe boka dipilara tša mollo:

Gomme ka seatleng sa gagwe o be a ne puku ye nnyane ya go bulega: . . . (Le a bona, bjale šetšang se.) . . . gomme o beile leoto le letona la gagwe godimo ga lewatle, . . . la gagwe la ngele . . . godimo ga lefase,

Gomme a goelesa ka lentšu le legolo, bjalo ka tau ge e rora: gomme ge . . . a goleditše, medumo ye šupa ya kwatša mantšu a yona. (Šetšang.)

Gomme ge medumo ye šupa e kwaditše mantšu a yona, ke be ke le kgauswi le go ngwala: . . .

³⁰⁴ Go bile se sengwe fao se boletšwego. E be e no se be lešata. Se sengwe se boletšwe. O be a le kgauswi le go ngwala.

. . . gomme ke kwele lentšu le etšwa legodimo le re go nna, . . .

³⁰⁵ Lebelelang mo mantšu a bego a le, Medumo. E sego ka Legodimong; lefaseng! Medumo ga se ya kwagatša go tšwa magodimong. E kwaditše go tšwa lefaseng.

. . . gomme ke be ke le kgauswi le go ngwala: ge ke ekwa lentšu le etšwa legodimong le re go nna, Tswalela (tlhakakgolo T-s-w-a-l-e-l-a), Tswalela godimo dilo tšeo medumo ye šupa e di kwagatšago, gomme o se di ngwale.

³⁰⁶ Le ka lehlakoreng la morago, ge Puku e felile. Ga se a re, “Ka lehlakoreng la pele.” O rile, “Ka lehlakoreng la morago,” morago ga ge Yona yohle e dirilwe, fedile. Ka gona, mantšu a a Medumo ye Šupa ke selo se nnoši, seo se gomaretšego go Puku, seo se sego sa utollwa. Ebile ga se ya ngwalwa ka Pukung.

³⁰⁷ Oo, nna! Ke duma ge nka kgona go hwetša seo, gore batho ba ka kgona ka kgonthe . . . Le se šitwe. Le se ke, le se šitwe. Hle le se ke, nakong ye. Ke lokela go le tlogela. Le se šitwe. O ka be o le mang o theeditšego, theetša!

³⁰⁸ Mahuto a a ka lehlakoreng la morago la Puku. “Gomme ka nako ye morongwa wa bošupa a galagatša, diphiri tšohle tše di ngwadilwego ka gare ga Puku se fedile.” Gomme ka pela Puku, ye e bego e bulegile gomme e ngwadilwe ka gare, e tswaletšwe, “Diphiri tša Modimo se fedile.” Gomme se ke diphiri tša Modimo: go tloga ga Kereke, le dilo tšohle tše dingwe tše. “Diphiri se fedile.” Ge morongwa yola wa bošupa a galagatša ntle sephiri se sengwe le se sengwe, go fedile. A yena a be yo a ka bago,

eng e ka bago yona. Lentšu la Modimo le ka se kgone go šitwa. Gomme O rile:

Eupša ka matsatšing a lentšu la morongwa wa bošupa, ge a tla thoma go galagatša, sephiri sa Modimo se tla be se fedile, bjalo ka ge a boditše bahlanka ba gagwe baprofeta.

309 Dilo tšeo tšohle, boka, oo, Roma go beng mma—mma mmalegogwana, le dikereke tšohle tša Protestant, dikereke tša maina di rerelela morago ga yona, di bile bommalegogwana ba gagwe. Le a bona? Diphiri tšeo tšohle, tše baprofeta ba boletšego ka tšona, di tla utollwa thwi mo ka go iri ye ya mafelelo.

310 Gomme ge morongwa yo wa bošupa a tsoga ka go lebaka la Laodikia gomme a thoma go galagatša pele Phalafala ya therešo, gobane E tla fapana, ba ka se E dumele. Ka nnete ba ka se E dumele. Eupša, e tla ba moprofeta yo a šušumeditšwego, gobane ga go tsela ya go E naganišiša ntle.

311 Banna ba leka go naganišiša trinita ntle, gomme ba sehlefala dihlogo le go gafa. Ga go yo a ka kgonago go e kwešiša. Ba sa dumela Efa o jele apola, le dilo tšohle tšeo. Gobane, ke setšo se batho ba swaretšego go sona, go no swana le ge Jesu a hweditše kereke.

312 Eupša e swanetše go ba moprofeta mohlhlwa ke Bokgethwa, bakeng sa Lentšu la Modimo go tla go yena, ka tlhathollo ya therešo ya kutollo ya Jesu Kriste. Kafao, ka gona, go—go swanetše go ba ka tsela yeo. Modimo re thuše!

313 Bjale, “Ge a gagalatša pele,” bjale, seo ke GO RIALO MORENA. Re na le seo go hlaka. Ge a galagatša pele Molaetša wa gagwe, o hlohla ntwa; boka Paulo a dirile go Orthodox, boka ka moka ga bona ba dirile, boka Luther, Wesley, kgahlanong le mokgatlo. Ge a hlola ntwa, gomme a ba botša, “Ba bolela maaka, gomme ga se Therešo! Gomme ba fora batho!” Ge a galagatša Yeo pele, o ka se kgone go šitwa. E ka se šitwe, gobane o tla hlatsetšwa ke Lentšu la Modimo. Le tla tseba tlwa se E lego. Gomme ge a dira, o galagatša pele, go bitša go tšwa Babilonia, “Tšwelang ka ntle ga gagwe, batho ba ka, gore le se be batšekarolo ba dibe tša gagwe.” Modimo, mo romele! Le se e foše.

314 Bjale, “Ge a thoma go galagatša, sephiri se tla fela.” Bjale, lemogang, ka gona ke nako ye mantšu Mahuto a Šupa, a Kutollo 10, go utollwa. A le a kwešiša? [Phuthego e re, “Amene.”—Mor.] Ge diphiri tšohle tša Puku di feditšwe! Gomme Beibele e rile, mo, gore o tla fetša diphiri.

315 Ge, banna morago ka go mabaka a mangwe ba lwetše Therešo. Ba lwetše tokafatšo. Ba ile lebakana. Tlhwekišo! Ba lwetše se, gomme ba lwetše sela. Ba lwetše se. Ba dirile eng? Ba retologile thwi ba kgatlofatša ka go sona, selo sa go swana. Mapentecostal, le Mabaptist, Presbyterian, Malutheran,

yo mongwe le yo mongwe, o dirile selo sa go swana, o retologile go dikologa gomme o dirile selo sa go swana.

316 Gomme Beibele e rile, ka go Kutollo 17, seo ke se ba tla se dirago, mme mmalegogwana wa kgale le barwedi ba gagwe, “BABILONIA, WA SEPHIRI.” Beibele e rile, mo, gore seo e tla ba se sengwe sa diphiri tše di tla tatollwago. Maprotestant, bommalegogwana, “ba dira mabofefe a semoya,” ba etapele batho ka dikereke tša maina, “ka komiki ya makgapa” ya bona, thuto ya madirwa ke motho; le go ba gogela kgole go tloga go mothopo wo o tladišwego ka Madi, moo Maatla a Ramaatlaohle Modimo a elago ka go lokologa go bonagatša Jesu Kriste. Yeo ke therešo. Ka gona, Modimo o tla A thekga, gomme O e dirile, gomme O tla tšwelapele. Eupša, ge seo se etla go phethega, Lentšu le fedile.

317 Bjale go selo se tee feela se šetšego, yeo ke Medumo ye Šupa, yeo re sa e tsebego. Gomme e ka se dume ka lefeela.

318 Modimo ga a dire se sengwe go no be a bapala. Re a bapala le go dira bosawana, eupša Modimo ga a dire. Se sengwe le se sengwe le Modimo ke “Ee” le “Aowa.” Ga a no tlaetša. Ga a raloke. O ra se A se bolelago. Gomme ga A bolele selo ntle le ge go le se sengwe, tlhaloso go sona.

319 Gomme Medumo ye Šupa, thwi ka go kutollo mo ya Jesu Kriste, Ke sephiri tsoko. A Beibele ga e re Ye ke “Kutollo ya Jesu Kriste”? [Phuthego e re, “Amene.”—Mor.] Gobaneng, go na le sephiri tsoko se se utilwego, gona, sa Yona. Hm! Yona ke eng? Medumo ye Šupa e na le Yona. Ka gobane, Johane o be a le kgauswi le go ngwala, gomme Lentšu le tlile fase go tšwa Legodimong, la re, “O se ke wa E ngwala. Eupša, E tswalele. E tswalele godimo. E bee lehlakoreng la morago la Puku.” E swanetše go utollwa. Ke diphiri.

320 Bjale, re rarolotše dilo tše ntle, ka Moya wo Mokgethwa, o re boditše, “E be e se diapola. E be e le thobalano.” O re boditše dilo tše. Ga go yo motee a kgonago go ema pele ga Yona. Ga se ke tsoge ke bone moreri, ka bophelong bja ka, a dumelelana le Yona. Eupša, ke ba botšišitše.

321 Le a tseba, ka Chicago, ge re be re eme pele ga bona, e ka ba bareri ba makgolotharo le masometlhano, lena basadi mo go tšwa Chicago, le be le le kua, le kwele ka yona.

322 Gomme Morena o mpoditše, mašego a mararo pele, o rile, “Ba ya go go beela molaba.” O rile, “Ema lefasetereng mo gomme Ke tla go laetša.” O rile, “Mna. Carlson le—le Tommy Hicks ba tla kopana le wena gosasa mosong, ba nyaka go ya difihlolong. Gomme o botša Tommy go šala. Eupša,” o rile, “še tsela ye e tla lebegago. Ba botše go re ga ba ye go swara kopano yela ka lefelong le ba naganago ka lona. Ba ya go ba ka lefelong le lengwe.” O rile, “O se boife. Ke tla ba le wena.” Seo se ntoketšego go lekanela.

323 Mosong wa go latela, Mna. Carlson, mopresitente wa Full Gospel Business Men, a tla, a re . . . o mpiditše godimo, o rile, “Ngwanešu Branham, ke nyaka go ya difihlolong le wena.”

324 Ke rile, “Go lokile.” (Ke rile, “Šetša Tommy Hicks o tla ba kua, le yena.”)

325 Re ile tlase ka Town And Country, gomme o rile, “Gabotse, Ngwanešu Branham,” o rile, “oo, ye ke e tee . . .”

Ke rile, “Tommy, a o ka ntirela monyetla?”

“Nnete, Ngwanešu Branham.”

Ke rile, “Ke a makala ge eba o ka bolela sebakeng sa ka?”

O rile, “Oo, nka—nka se kgone go dira seo.”

326 Ke rile, “Gobaneng? Ke no ba moithuti wa kereiti ya bošupa, gomme ke—ke tla re . . . Ke tla re *mmušo* sebaka sa *malokwane*. Le a bona? Ga ke tsebe mokgwa wa go bolela pele ga kua. Gomme go ya go ba Ministerial Association of Greater Chicago. Ke ya go bolela bjang pele ga bona, ka thuto ya ka ya kereiti ya bošupa, Tommy? O Ngaka ya Bokgethwa.” Ke rile, “O tla tseba mokgwa wa go bolela. Ga ke tsebe.”

O rile, “Ngwanešu Branham, nka se kgone go dira seo.”

327 Ke rile, “Gobaneng? Ke go diretše menyetla ye mentši.” Gomme ke nno e bea go otlologa ka kgonthe.

328 Gomme Ngwanešu Carlson o rile, “Oo, Ngwanešu Branham, a ka se kgone go dira seo.”

Ke rile, “Gobaneng?”

O rile, “Gabotse, o, ko—ko—ko—ko . . .”

329 Ke rile, “Le a tseba gobaneng? Le a tseba gobaneng, eupša ga le nyake go mpotša. Ba ne molaba o beetšwe nna.”

330 Gomme ke rile, “Ngwanešu Carlson, o na le kamora yela ya hotela, a ga o, mo re bilego le moletlwana wo mongwe?”

“Ee.”

Ke rile, “Ga le ye go e hwetša.”

331 O rile, “Gabotse, Ngwanešu Branham, ke šetše ke dirile peeletšo go yona.”

332 Ke rile, “Ga ke kgathale se o nago naso. Ga e ye go ba kua. Ke kamoreng ya mmala wo motala. Re ya go ba ka kamoreng ya mmalwa wo motsothwa. Ke ya go ba morago ka khoneng. Ngak. Mead o tla dula go le letona. Monna yola wa lekhalate le mosadi wa gagwe ba tla dula *mo*, le *semangmang*. Go tla ba le moprista wa Bhuddha a dutše kgojana go le letona la ka,” le ka fao ba tla bego ba apere.

333 Gomme ke rile, “O a tseba ke eng, Tommy. Ke wena . . . The Greater Chicago Ministerial Association e ya go ntlhohla ka ‘kolobetšo Leineng la Jesu Kriste.’ The Greater Chicago

Ministerial Association e ya go ntlhohla ka 'bohlatse bja Moya wo Mokgethwa,' go bolela ka maleme. Ba ya go ntlhohla ka 'peu ya sephente,' le ka go rera ka 'mogau.'

³³⁴ Tommy o lebeletše godimo, gomme, "Kgaogelo! Mmalo!" O rile, "Ga ke nagane ebile ke tla ya."

Ke rile, "Ya, o tle godimo."

³³⁵ Gomme letšatši la go latela, monna yo a tšerego peeletšo, o mo file morago peeletšo, le go re, "Re na le okhestra. Re e pukile, gomme re e lebetše gomme re timeditše selo sela. Gomme re swanetše go e neela go okhestra, gomme le ka se be le yona." Gomme re tšwile ntle go Town and Country.

³³⁶ Ke sepeletše ka gare, mosong woo, gomme kua bohle ba be ba eme. Ge ke dula fase ka morago ga teseke kua, le go leta, morago ga ge ba bile le difihlolo, ke lebeletše go ba dikologa ka mokgwa woo. Re bile le difihlolo ka kamoreng. Ra tšwela ntle, ra dula fase kua, gomme kua go be go le Greater Ministerial Association of Chicago. Ke lebeletše go dikologa go bona. Yo mongwe le yo mongwe ba itsebišitše bonabeng bjalo ka Ngaka Ph.D., L.L., Q.U.S.T., le yona mehuta yohle ya dilo ka mokgwa woo. Ke nno dula le go ba theetša, go fihla ba feditše. Gomme Ngwanešu—Ngwanešu Carlson o emeletše godimo. O rile, "Bakgomana . . ."

³³⁷ Gomme lena bohle le tseba Hank Carlson. Gomme, kua, mmotšišeng. Gabotse, le na le yona theiping thwi mo. Ge le nyaka go reka theipi, e mo. Bašemane ba na le yona.

³³⁸ O rile, "Bakgomana," o rile, "Ke tsebiša go lena, go latela, Ngwanešu Branham." O rile, "Lena bohle le ka no se dumelane le yena, ka Thuto ya gagwe, eupša a ke le botšeng se sengwe. Matšatši a mararo a go feta, re be re dutše ka lefelong, gomme ge eba monna yola ga se a mpotša se sengwe le se sengwe se se diregilego mosong wo, ga se ka ema mo. O mpoditše gore lena bohle le lokišetša go mmotšiša ka Thuto ya gagwe. Gomme o mpoditše gore ke tla swanela go khansela ntle lefelo le lengwe lela, le go ba mo. Gomme o mpoditše tlwa moo Ngak. Mead le batho ba tla bego ba dutše, feela tlwa, gomme šeba." O rile, "Le ka no be le se la dumelane le yena, eupša, ke tla bolela selo se tee, ga a boife ka se a naganago ka sona."

O rile, "Bjale, Ngwanešu Branham, lebato ke la gago."

³³⁹ Ke rile, "Pele re thoma . . ." Ke bala se ke se dirilego mosong wo, "'Ga se ka se obamele pono ya Legodimong.'" Ke rile, "Bjale a re rarolleng se. Bjale, lena bohle le bolela ka go beng Dingaka tša Bokgethwa; gomme ke eme mo ka bonnamong." Ke rile, "Ge go le bjalo, le nyaka go mpotšiša, ka kolobetšo Leineng la Jesu. Re tla thoma ka ya pele. Ke nyaka yo motee wa lena banna go tla le Beibele ya gago le go ema mo kgauswi le lehlakore la ka, ka le ge e ka ba eng yeo ke e rutilego." Ke rile, "Ema mo kgauswi le lehlakore la ka, gomme, ka Lentšu la Modimo, E dire go se be nnete." Ke letile. Ga go le yo motee a boletšego selo. Ke rile,

“Ke kgopela ba bangwe ba lena banna go tla go ema kgauswi le lehlakore la ka.” Ke rile, “Molato ke eng ka lena? Gona, tlogang morago ga ka, ge le boifa go ema mo kgauswi le nna.”

³⁴⁰ Ga se nna ba mpoifago; ke Morongwa yola wa Ramaatlaohle Modimo. Gore, ba a tseba, ge A kgonne go mpošapele go tla. . . Ebile ba bohlahlehale go feta ka fao ke nagannego ba be ba le. Ba tsebile bokaonekaone go feta go ema kua. Uh-huh. Le a tseba, le bile ka dinakong, ka go tšona dinako, le lena. Eupša ga se ba e dira. Molato ke eng, ge e le ye kgolo bjalo, gomme ba a tseba ke therešo kudu?

³⁴¹ Ke e beile godimo ga theipi, gomme e ka ba kae gape; ke komana go bolela go e fetša, ka tsela ya Bokriste, le ngwanešu e ka ba mang. Nka se phegišane le motho; eupša ke nyaka le tle, le netefatše e ka ba eng ya Yona go se be nnete, ka Lentšu. E sego ka puku ya gago ya go bala, bjale; e sego se Ngak. *Semangmang*, goba Mokgethwa *Semangmang* o a boletšego. Ke nyaka go tseba se Modimo a se boletšego. Seo ke motheo. Ke nyaka go tseba se E lego. Ga ba e dire.

³⁴² Bjale, lebelelang, ge ele nako ya mantšu a šupa. Gona ke nako ya mantšu a šupa, ge Puku e fedile, ya Kutollo 10 go utollwa. Bjale lemogang. Theetšang.

³⁴³ Bjale, nka se le swarelele botelele kudu. Ke a tseba ke a le lapiša, mo. Ke metsotso ye masomepedi go fihla go lesome. [Phuthego e re, “Aowa. Eya pele!”—Mor.] Theetšang sekgauswi bjale. Ke a tseba, go emelela, gomme lena bohle le fetola maemo le dilo. Ke tla thaba ge kereke e fedile gore re se ke ra swarwa ke dikerempe. Re ka kgona go tšea letšatši lohle re Le rera.

³⁴⁴ Bjale lemogang. Bjale lemogang. Mantšu a šupa e be le medumo, methuthupo.

Modimo, re thuše. Ge ke le phošo, Morena, ntshwarele.

³⁴⁵ Ke le botšiša potšišo. E thuthupile ka modumo, ge lentšu le le lla ntle. A le lemogile, gore, ge Mahuto a Šupa ao a latelago mabaka a šupa a kereke, ge Lehuto la Pele le butšwe, gore fao go bile modumo? Mahuto a Pele ka Pukung le bulegile, fao go bile modumo; a Lehuto le la Pele ka ntle ga Puku le ka se bulege ka tsela ya go swana? [Phuthego e re, “Amen.”—Mor.] Modimo ga a fetole lenaneo la Gagwe. A re phetleng ka go Kutollo 6.

Gomme ke bone ge Kwana e butše le lengwe la mahuto, gomme ke kwele, mo o ka rego e be e le lešata la modumo, gomme se sengwe sa dibata tše nne se rile, Etra gomme o bone.

³⁴⁶ Bjale, fao ga se gwa tsoge gwa ba modumo wo mongwe. “Gomme Lehuto la mafelole le ile la bulega, go bile sekgoa Legodimong sa setu lebaka la seripa sa iri.” Eupša, Lehuto la Pele le bulegile, go bile mothuthupo wa modumo.

347 Oo, kereke, a e ka ba? A re bokgole bjoo? Bagwera, naganang. Mohlomongwe. Ke a holofela ga se yona. Eupša go ka reng ge e le yona? Mothuthupo wola e be e le eng? Gomme pele ga Modimo, le Beibele ye e bulegile, ga ke aketše. Mothuthupo, wo o šišintšego lefase!

348 Gomme ge Lehuto la Pele, la a šupa ao a bulegilego ka Beibeleng, o tlile pele, wo Motee feela, eupša mothuthupo wo o šišintšego selo ka moka; modumo. Gomme ka gona ge eba Mahuto ao a lego ka lehlakoreng la morago a ka bulega, a e ka se be modumo, gape? Ga ke tsebe. Nka se kgone go bolela.

349 Go bile modumo kua, Lehuto la Pele, gomme Lehuto e be e le modumo. Phalafala e ile ya bulega ka nako yeo. Gomme Phalafala e ile ya letšwa ka Pentecost, ka nnete. Nka se ye ka go seo.

350 Bjale, ge pono e be e le ya Lengwalo; pono ye ke e bolelago, ye ke e bonego Mokibelo wa go feta mosong. Ke beke ya go feta, bjale. Ge, bjale elelwang mo, ge pono e be e le ye ya Lengwalo, e swanetše go hlathollwa ke Lengwalo, goba tšwetšopele ya Lengwalo la go swana. [Ngwanešu Branham o a khutša—Mor.] Ke nno leta, gore seo se nwelele ka gare. Ge. . .

351 Se seo ke se bonego, e be e le eng, ga ke tsebe, eupša ke tšhogile go iša lehung. A re senyegile? A re bofelong? Elelwang, Morongwa yo o rile, ge se se diregile, O enne, “Nako e ka se sa ba gona.” Ke a makala ge eba ka kgonthe re hwetša se tee se.

352 O re, “Gabotse, go lebega o ka re Le thuthupišitše go kgaba- . . .” Ngwanešu, O tla ka motsotso wo o sa naganego. O tla O kwa lekga la mafelelo.

353 Bjale E molaleng? Ge Lehuto la Pele le bulega, Mahuto ao a bego a le ka gare ga Puku, diphiri tše tšeo di galagaditšwego pele: tokafatšo, tlhwekišo, kereke ya Roma ya Katoliki, Maprotstanta! Gomme ge dintwa tšohle tše nnyane tša bona le dilo di tlogetše mafelelo a a go tlemologa ka go Lentšu la Modimo, morongwa wa bošupa o tla pele gomme a di kgoboketša tšohle godimo le go di hlaloša. Le a bona? Gomme ka gona, o a fetša, Medumo ye Šupa e kwagatša ntle.

354 Ge Johane a thoma go ngwala, o rile, “O se ke wa O ngwala. Eupša, O tswalele.”

355 “Gomme Lehuto la Pele le bulegile,” la Mahuto ka gare ga Puku, Le bulegile ka modumo. Uh!

356 Ge le e le Lengwalo, le ka kgonwa feela ke . . . Ge Lengwalo e ka ba lefe le . . . Eng kapa eng e swanetšego go ba ya Beibele . . .

357 Go no swana, o ka se mpotše go ne selo se se bjalo ka “purgatori” le dilo tša go swana le seo. Ga go Lengwalo ka Beibeleng go e thekga. O ka se mpotše ka dilo tše, boka puku ya Maccabees, tšeo di ka no bago di lokile. . . “Gomme Puku yela ya bone ya Daniele, moo Morongwa a mo swerego ka moriri wa

hlogo, gomme o rile. . . a mmea fase.” Ga go selo se sebjalo ka seo se kilego sa direga ka Beibeleng, moo, “Jesu wa Natsaretha a dirilego nonyana ye nnyane ya letsopa, gomme a bea maoto godimo ga yona, a re, ‘Wee! Fofa o tloge, nonyana ye nnyane,’” ke ditšiebadimo. Ga go selo ka Beibeleng go thekga seo godimo. Kafao ga e tlaetše. . . Ba—ba bafetoledi, Modimo o bone gore bafetoledi ba ka se oketše dithutotaelo tšeo le ditšiebadimo. E ka no ba e le batho ba go loka, banešu ba Maccabee. Ba be ba le seo. Ga ke re ba be ba se batho ba go loka. Eupša e be e se ya Lengwalo.

³⁵⁸ Ye ke kutollo ya go felela ya Jesu Kriste. “Ga go selo se ka oketšwego go Yona goba go tšewa go tšwa go Yona.” Gomme ge re bea seo ka Kua, ga e dire le Lengwalo lohle. Go na le Dipuku tše masometshela tshela tša Beibele ye, gomme ga go Lentšu le tee le tla ganetšago lengwe le Tee.

³⁵⁹ Gomme ka gona, ge ye e le tšwetšopele, bakeng sa go galagatša diphala tše tša mafelelong, goba Medumo ye Šupa ye ya mafelelo ye e tlogo pele, diphiri, Mahuto a mafelelo, Le tla swanela go phenkgišana, goba go bapela, le Lengwalo ka moka. Gomme ge Wona a pele ka kua a bulegile ka mothuthupo wa modumo, Wona a bobedi a tla dira, le wona, ao a lego ka lehlakoreng la morago. Šetšang se se diregago. Ge pono e be e le Lengwalo, gona e swanetše go hlathollwa ka Lengwalo, goba tšwetšopele ya Lengwalo la go swana.

³⁶⁰ Lemogang, Kutollo, 3 le 4, “Medumo ye Šupa.” Medumo ye Šupa, gomme ka gona lemogang, 3 le 4, gomme ka gona (eng?) keno go tšwa go Morongwa yola yo maatla, gore, “Nako e be e fedile.” Ge Medumo ye, le a bona, e tliša pele mantšu a yona, nako yeo Morongwa. . .

³⁶¹ E no nagana ka yona! “Morongwa, a apere leru, gomme kgwerano ya molalatladi godimo ga hlogo ya Gagwe.” Gobaneng, le a tseba ke Mang yoo. “O beile leoto le tee nageng, le lewatleng, gomme a phagamišetša šeatla sa Gagwe godimo le go ena, gore, ‘Ge yona Medumo ye Šupa e kwatša mantšu a yona,’ gore, ‘nako e ka se sa ba gona.’”

³⁶² Gomme ge bodiredi bja diphiri tša Modimo bo fedile, go ka reng ge yeo e le tšona diphiri tše šupa di etla pele? Gomme ya go kokobela, kereke ye nnyane boka ya rena, yeo Ramaatlaohle o tlile gomme a šetša leemo la fase la batho ba Gagwe! Le re, “Eng? Ga ke nagane bjalo.” E ka no se be. Eupša go ka reng ge e le? Gona nako e fedile. A le kile la e nagana? Hlokokofalang. Go ka no ba go le thari go feta ka mo re naganago.

³⁶³ Dinaledi tše di wetšego ka go sehlopha sa tšona morago kua! Morongwa yola o tlile, gomme a re, “Bjalo ka ge Johane a romilwe go tatolla Testamente ya Kgale godimo le go tliša pele tsebišo ya Kriste, Molaetša o tla tatolla mafelelo ao a tlemologilego gomme

o tla tsebiša Mesia feela pele ga go Tla ga Gagwe, Molaetša wa matšatši a mafelelo.”

³⁶⁴ Lemoga, Morongwa yo maatla o enne, ka keno, gore, “Nako e ka se sa ba gona gape.”

³⁶⁵ Bjale, ga ke nyake go le swarelela botelele kudu. E nong go nagana ka se, motsotso bjale.

³⁶⁶ Bjale theetšang. Morongwa yo o tla fase go tšwa Legodimong. Le a bona? Ba bangwe, barongwa ba šupa ba dikereke tše šupa, e be e le batseta ba lefaseng. Eupša Morongwa yo . . . Molaetša ohle o fedile; morongwa wa bošupa o tatolla godimo selo ka moka. Gomme Morongwa yo ga a tle lefaseng; Yena ga se motho go tšwa lefaseng, bjalo ka batseta go mabaka a kereke; ao a fedile. Eupša, yo Morongwa o tliša tsebišo ya go latela. Gomme *morongwa* o ra “motseta.” Gomme Yena o tla fase go tšwa Legodimong, o apere Pilara yela ya Seetša, Leru, le molalatladi godimo ga hlogo ya Gagwe. Gomme molalatladi ke kgwerano. E be e le Kriste, “Ka leoto le tee nageng, le ka le letee lewatleng, gomme a ena, gore, ‘Nako e ka se sa ba gona gape.’”

Re mo kae, bahlomphegi? Se sohle se ke ka eng? Ke a le botšiša.

³⁶⁷ Barongwa ba bangwe e be e le batseta, banna ba lefase. Eupša Morongwa yo . . . Ba, bao ba rilego, “Go morongwa wa kereke ya Laodikia,” “Go morongwa wa kereke ya Efeso,” batseta ba lefase; le a bona, banna, batseta, baprofeta, le go ya pele, go kereke.

³⁶⁸ Eupša, yo Motee yo o be a sa tšwe lefaseng. O tla fase go tšwa legodimong, gobane sephiri sohle se fedile. Gomme ge sephiri se fedile, Morongwa o rile, “Nako e ka se sa ba gona gape,” gomme Medumo ye Šupa ya lahlela mantšu a yona ntle.

³⁶⁹ Go ka reng ge e le se sengwe go re dira re tsene ka go Tumelo ya Tlhatlogo? A ke sona? A re tla kitima, go taboga ka godimo ga mabato? Gomme a go ne se sengwe se lokelago go direga, gomme ye ya kgale, ya go senyega, mebele ye mebe e ya go fetolwa? A nka kgona go phela go e bona, O Morena? A e batametše bjalo gore ke tla e bona? A ke moloko wo? Bahlomphegi, baena ba ka, ke nako mang? Re mo kae?

³⁷⁰ A re lebeleleleng sešupanako, khalentara, go bona ke letšatšikgwedi lefe re phelago ka go lona. Israele e ka Palestina, ka nagalegaeng ya gagwe. Sešupo, naledi ya dintlha tše tshela ya Dafida (mengwaga ye dikete tše pedi ya go feta, ya, go batamela mengwaga ye makgolo a masomepedi tlhano ya go feta), folaga ya kgalekgale, e a phaphasela. Israele e morago ka nagalegaeng ya gagwe. “Ge mohlare wa mogo o tšweletša mahlogedi a wona, moloko wo o ka se hwe, o ka se fete ntle, fete go tloga, go fihla dilo tšohle di phethagaditšwe.”

Ditšhaba di a thubega, Israele e a tsoga,
 Maswao ao baprofeta ba a boleletšegopele;
 Matšatši a bantle a badilwe, ka megoma ba
 goragorelwa;
 “Boelang, O bašwalalanywa, ga lena beng.”

Letšatši la topollo le kgauswi,
 Dipelo tša batho di šitwa ke letšhogo;
 Tlatšwang ka Moya, mabone a lena a gottetše le
 go bonagatša,
 Lebelelang godimo, topollo ya lena e kgauswi!
 Baprofeta ba maaka ba a aketša, ba gana
 Therešo ya Modimo,
 Gore Jesu Kriste ke Modimo wa rena.

Le a tseba ke Therešo! Ya.

Eupša re tla sepela moo baapostola ba gatilego.
 Ka gobane Letšatši la topollo le kgauswi,
 Dipelo tša batho di šitwa ka letšhogo;
 Tlatšwang ka Moya, mabone a lena a gottetše le
 go bonagatša,
 Lebelelang godimo, topollo ya lena e kgauswi!

³⁷¹ Go ka no ba go le kgauswi swi go feta ka mo le naganago go gona. Go a ntšhoša. Oo, ga se ka dira go lekanela. Re mo kae?

³⁷² “Nako e ka se sa ba gona gape.” O tsebišitše gore nako e fedile. Go direga eng? Go direga eng? A go ka kgona go ba bjalo bjale, baena? Nagana ka tlhokofalo. Ge e le yona, gona phiramiti e apešitšwe ke Medumo ye Šupa.

³⁷³ Le elelwa Molaetša wa phiramiti? Ke Leswikaseapešo. O dirile eng? Moya wo Mokgethwa o apešitše motho ka motho le go e tswalela, ge re be re oketša go tumelo ya rena; toko, le bomodimo, le tumelo, le go ya pele, le go tšwelapele go oketša go yona go fihla re ne dilo tše šupa. Gomme ya bošupa e be e le lerato, e lego Modimo. Ke ka mokgwa wo A dirago motho ka motho, le go mo apeša le go mo tswalela ka Moya wo Mokgethwa.

³⁷⁴ Ka gona, ge go le bjalo, O na le mabaka a kereke a šupa, ao A bilego le diphiri tše šupa tšeo di galagaditšwego go tloga, gomme ba di lwetše, go di tliša morago. Gomme bjale Leswikahlogo le a tla, go apeša Kereke. A Medumo e ra seo, baena ba ka? Bahlomphegi, a ke mo re lego gona?

³⁷⁵ Junie, ke nyaka go tšea toro ya gago. Lebelelang. Junior, pele phiramiti e ka tsoge ya rerwa, dikgwedi pele ga yona, o bone toro ye.

Le re, “Go reng ka toro?”

³⁷⁶ Nebukadinetsara o lorile toro yeo Daniele a e hlathollago, o boletše mathomo a lebaka la Bantle le nako ye le tla tlogago. Gomme go diregile feela tlwa ka tsela yeo. Ga go nthathana e tee e šitilwego.

377 Le a lemoga? Mongwalo wo o . . . o be o le godimo ga maswika, ke O hlathollotše go bona. Ba ile ba thaba. Seo ke “sephiri sa Modimo” seo se bego se sa kwešišwe, lebaka la mengwaga. A e ka ba seo?

378 Gomme ka gona lemogang. Ka tsela ye nngwe ya sephiri, re topile godimo, go tšwa moyeng, sedirišwa sa ntlha se se butšego ntšhora godimo. Gomme kua go be go le granaete ye tšhweu, eupša E be e se ya hlathollwa. Go be go se mangwalo. Ga se ka hlatholla Yeo, Junior. Ke nno E lebelela, le go re go baena, “Lebelelang godimo ga Le.” Gomme seo se phethagaditšwe, bošegong bjo.

379 Gomme ge ba be ba sa ithuta Leo, ke ile ka ngwegela go leba bodikela. Bakeng sa eng? Mohlomongwe go kwešiša tlhathollo ya se se bego se ngwadilwe ka ntlhoreng ya Le. A go ka kgona go ba?

380 Gomme Yeo, methuthupo, mosong wo mongwe, yeo ya go ntšhišinya go rarela go fihla ke phagametše godimo ka moyeng, bogodimo bjalo ka moago wo, sehlopha sela sa Barongwa, Barongwa ba šupa ka sebopego sa phiramiti. A ke yona Medumo ye e bego e etla pele? A e ka ba yona?

381 Ye yohle e hlathollotšwe. Go ya ka toro ye, yohle e fedile. Go ya ka Lentšu la Modimo, motseta wa bošupa o tla fetša, Molaetša wa bošupa o tla fela, gomme ka gona Medumo ye Šupa. Gomme o bone letlapa la setswalelo le tokologela godimo.

382 E lego, batho ba bantši ebile ga ba tsebe go na le Mahuto a Šupa a swanetšego go utollwa. Ke badile dipuku tša banna ba bantši ka Kutollo, ga se ka ke ka tsoge ka E kwa e bolelwa. Ba taboga Yeo. Eupša le e boditšwe gore E gona.

383 Ga ke tsebe ke eng. A e ka ba yeo? Modimo re gaogele! Ge e le yona, re ka go iri ya tlhokofalo. Bjale, motsotso feela, lebelelang. Ge go le bjalo, gomme sephiri se fedile, se se bego se ngwadilwe ka go maswika a.

384 Ke thabile go be ke dutše ka kerekeng le batho ba bomodimo ba Modimo a kgonago go fa toro go bona. Ke thabile go tsebiša go banna le basadi ba ba yago kerekeng ya Junior, le go kereke ye, go ya Ngwanešu Neville, le bona, gore go ne batho ba dutše ka phuthegong ye, gomme Beibele e rile, “Ba tla lora ditoro ka matšatšing a mafelelo.” Gomme še. Gomme e lebelelang, e bapela le Lentšu.

385 Go se tsebe selo ka wona, mothuthupo o tlile pele, gomme mo go tla Barongwa ba Šupa go tšwa Bokagosafelego. Ke rile, “Morena, O rata ke dire eng?” Ga ya bolelwa. Nka no swanelwa ke go tloga, pele, go hwetša ntle. Ga ke tsebe. E bile e ka no se be yeo. Ga ke tsebe. Ke no re, “Go ka reng ge e le?” Ge e le ya Lengwalo, seo se kwagala kgauswi kudu le yona. A ga le nagane bjalo? [Phuthego e re, “Amene.”—Mor.]

386 Lebelelang. Gona, lebelelang, leswikasetswalelo le be le se la hlathollwa. Le a bona? “Eya bodikela, gomme boa morago.” Goba, a ke ye, ke Barongwa ba ba šupago ba ka go sehlopha se se tlilego go nna?

387 Gomme ge ke kopana le lena ka Letšatši la tsogo, le tla bona gore ga ke aketše; Modimo, Moahlodi wa ka.

388 Goba, a se ke sehlowa sela sa bobedi seo ke boletšego ka sona letšatši le lengwe? A ke sa sengwe se tlogo pele bakeng sa Kereke? Ga ke tsebe. Nka kgona go dula go seo nthathana ye nnyane, eupša ke tla sepelela pele.

389 A e ka ba gore, modumo wo maatla, goba Morongwa wa bošupa ka go šupa, sehlopha, sehlopha sa lebaka la bošupa, phiramiti ya bona e dirilwe ka sebopego (ba bararo ka thoko, gomme yo motee ka ntlhoreng), gomme ba rothile go tšwa Bokagosafelego? A e ka ba yona?

390 A se ke sephiri, sa Medumo, se se tla tlišago morago Leswikahlogo? Le a tseba, phiramiti ga se ya tsoge ya apešwa. Leswikahlogo le sa tlo tla. Le gannwe. A e ka ba lona, baena, dikgaetšedi?

391 Goba, a ye ke Kgogedi yela ya Boraro A mpoditšego, mengwaga ye meraro goba ye mene ya go feta?

392 Kgogedi ya Pele, le elelwa se se diregilego? Ke lekile go E hlaloša. O rile, “O se ke wa dira seo.”

393 Kgogedi ya Bobedi, O rile, “O se ke wa leka.” Gomme ke gogile, go le bjalo. Le a elelwa? [Phuthego e re, “Ee.”—Mor.] Lena bohle le a elelwa. E godimo ga theipi le se sengwe le se sengwe.

394 Gomme ka gona O rile, “Bjale Kgogedi ya Boraro šeo e a tla, eupša se leke go E hlaloša.” Le bona ka mo ke batametšego Ye, bošegong bjo? Ga ke tsebe. Eupša, ke ikwela go tlangwa ke mošomo, go kereke ya ka, go bolela se sengwe. Le tla dira mafetšo a lena beng.

395 Bjale, a se e tla ba sephiri se se tla bulegago, se se tla tlišago Kriste, sa tliša Maatla go Kereke? Le a bona? Re šetše re . . .

396 Re dumela ka go tshokologo, go kolobetšwa Leineng la Jesu Kriste. Re dumele ka go amogeleng Moya wo Mokgethwa. Re na le maswao, dimaka, mehlolo, go bolela ka maleme, le dilo tše Kereke ya pelepele e bilego natšo. Gomme, gabotse, go bile bontši bo dirilwe, thwi mo, go feta se se ngwadilwego ka go Puku ya Ditiro, ka go sehlopha se sennyane se sa batho, bodiredi bjo bonnyane bjo bja nthathana bja rena mo. Go reng ka lefase tšekelele? Le a bona? Go feta se se ngwadilwego ka Pukung ya Ditiro, mohuta wa go swana! Go tsoga ga bahu! Elelwang, go bile feela e ka ba batho ba bararo ba tsoitšwego, ba bahu, ke Jesu Kriste. Gomme re na le rekoto, rekoto ya dingaka, tlhano. Le a bona?

397 “Mediro yeo Ke e dirago, go feta ye le tla e dira.” Ke a tseba King James e re “gologolo,” eupša o ka se kgone go dira selo se segologolo. Bontši bja sona! O be a le ka go Motho o tee nako yeo; O ka go Kereke ka moka bjale. Le a bona? “Go feta ye le tla e dira, gobane Ke ya go Tate wa Ka.”

398 Ge ye e le Kgogedi ya Boraro, gona go na le bodiredi bjo bogolo bo robetše pele. Ga ke tsebe. Nka se kgone go bolela. Ga—ga ke tsebe.

399 Šetšang. Kgogedi ya Boraro, a re emeng go yeo, motsotso. Ka ponong, sefofane sa pele e be e le motseta dinonyana tše nnyane; e be e le la pele ge re be re thoma. E ile ya gola, go tšwa go no tšea motho ka seatla.

400 Gomme le elelwa se A mpoditšego? “Ge o ka hlokofala, go tla tla go phethega gore o tseba sona sephiri sa pelo ya bona.” Ke ba bakae ba elelwago seo se tsebišwa mo, le go kgabaganya ditšhaba? [Phuthego e re, “Amene.”—Mor.] Gomme a e diregile? [“Amene.”] Tlwa. Nako yeo o rile, “Se boife. Ke tla ba le wena.” Le a bona? Gomme e tla tšwelapele.

401 Bjale, Kgogedi ya Pele e be e le tše nnyane, dinonyana tša nthathana; tšona difofane. Di ile pele go kopana le nako, go kopana le go Tla ga Morena; Molaetša wa pele.

402 Lekga la bobedi, diphiri tša pelo. Go tloga go tšeeng motho ka seatla, gomme go no ema kua le go bolela se ba bilego naso; nako ya go latela, e utollotše dibe tša bona le go ba botša ba dire eng. Le bontš- . . . A ke nnete? [Phuthego e re, “Amene.”—Mor.] Morago, seo sa tla go phethega, ka phethagalo, feela bjalo ka ge Modimo a e boletše. Gomme le dihlatse, gomme le lefase le bjalo, le kereke e bjalo.

403 Ge ke rile, “Ke bone Morongwa, gomme O be a le Mollo motalaboserolwana, o tuka,” batho ba segile le go re, “Billy, boela go wenamong.” Maselemotse a leihlo la khamera le O tšere. Ke be ke sa aketše. Ke be ke bolela Therešo: Modimo o a hlatsetša.

404 Ke rile, “Boso bo apeša ka morithi; ke lehu, boso. Gomme Wo ke wo mošweu. Wo Motee ke Bophelo, wo mongwe ke lehu.” Gomme Wona šole, seswantšhong morago *kua*. Mo go . . .

405 Bjalo ka ge George J. Lacy—Lacy a rile, “Leihlo la motšhene la khamera ye le ka se tšee saekholotši.” A le a ntatela? [Phuthego e re, “Amene.”—Mor.]

406 Lemogang, sefofane se sennyane sa pele; seatla. Sa bobedi e be le le a magologolo, a mašweušweu, maeba; Moya wo Mokgethwa o utolla diphiri tša pelo. Gomme sefofane sa boraro e be e le Barongwa (e sego dinonyana), Barongwa; gomme yeo ke nako ya bofelo, ke sohle sa yona. A ye e ka ba nako, ngwanešu? A ye ke nako?

407 Bjale theetšang sekgauswi ka kgonthe, gomme le se hlatholle se ka phošo. Ke nyaka go le kgopela se sengwe.

408 A re boeleng morago motsotso feela. Kereke e a tseba ke therešo. Lefase la saense le a tseba ke therešo. Gomme batho ba dutše ka mo, bošegong bjo, gomme ba bantši ba sa phela, bao ba bego ba eme mo nokeng ge Lentšu le boleletše seo ntle, gomme le rile, “Bjalo ka ge Johane a romilwe pele ka molaetša wa go tla pele, kafao wo ke Molaetša wa bobedi, wa go Tla la bobedi.” Le a elelwa? [Phuthego e re, “Amene.”—Mor.]

409 Gomme ge E fedile, Johane o ile a dira eng? Johane ke yena a rilego, “Bonang, šeo ke Kwana ya Modimo ye e tlošago sebe sa lefase. Ke Yena.” Ke iri yeo, a e gorogile, ngwanešu? Ga ke re e dirile. Ga ke tsebe. Eupša, ke botšiša lena. Ke nyaka lena le nagane. Goba, a ye e tla ba nako ye e tla bago gape, “Bonang Kwana ya Modimo”?

410 Goba, nako ya Maleaki 4, “Go retollela dipelo tša bana morago go Tumelo ya botate ba rena”? A e tla ba mothuthupo wola wo o tla—wo o tla dirago dilo tše maatla bjalo, go fihla o tla bea Kereke, e bego e theoga gomme e sa kgone go kwešiša diphiri tša Madimo, le go ya pele? Ge ba bona mothuthupo wola wo maatla o swiela pele, a o tla retollela dipelo tša bona morago go Tate, bjalo ka ge Beibele e rile o tla dira? Goba, a Molaetša o bile, o šetše o fetile, wo o bego o swanetše go be o dirile se? Ga ke tsebe.

411 Le ke leswao la nako ya bofelo, bahlomphegi. Goba, a le ke leswao gore go fedile? Go lebega go ba ga Lengwalo kudu, go nna. Ga ke tsebe. Go be go le bona Barongwa. Go bile mothuthupo, boka modumo, wo o šišintšego lefase ka moka. Modimo o a tseba ke bolela therešo.

412 E nong go elelwa, se sengwe se lokela go direga. Ga ke tsebe ke eng. Eupša a se ka kgona go ba se? Lebaka le ke bolelago se, itokišeng lenabeng! A re rapeleng, (rapela bjang?) go tšea maemo a rena ka go sešole sa badumedi ba Gagwe, le go itokiša renabeng, ka gobane go ka no ba thari go feta ka mo re naganago.

413 Le a ntseba, gomme ga se ka ke ka tsoge ka le botša maaka, e sa le, bjalo ka ge ke tseba ka yona. Gomme bjalo ka Samuele a ile a re go bona, “A nkile ka le botša e ka ba eng, Leineng la Morena, eupša se se tlogo go phethega?” Bjale, ke a le botša bjale. Ga ke tsebe ke eng se. Ga ke kgone go bolela ke eng se. Ga ke tsebe. Eupša, ke ya go le botša Therešo. Ke tšhogile. Bjalo ka ngwana wa bo lena, e sa le ke tšhogile e sa le go tloga Mokibelo wa go feta.

414 E ka no ba nako ya bofelo. E ka no ba nako go melatlatladi go swiela go kgabaganya lefaufau, le tsebišo go tšwa magodimong, e re, “Nako ga e sa le gona.” Ge e le, a re itokišeng renabeng, bagwera, go kopana le Modimo wa rena. Go na le Dijo tše ntši di beilwe ka gare bjale. A re Di šomišeng. A re Di šomišeng bjale. Gomme le nna, go tšwa go sefala se, ke llela go Modimo,

“Morena Jesu, nkgaocele!” Ke lekile go phela bokaonekaone bjo ke tsebago bjang. Ke lekile go tliša Melaetša tsela ye kaonekaone ye nka kgonago, go tšwa go Lentšu la Modimo. Modimo o tseba pelo ya ka.

⁴¹⁵ Eupša, ge sehlopha sela sa Barongwa se swietše mabu, ke ile ka golofala. Ebile ke be ke sa kgone go kwa, nako e telele. Ebile le go ikwela boka, nako ye telele moragorago, ke leka go sepela go kgabola kamora, ebile le go tloga go mongetsana wa ka, le godimo le fase ga molala wa ka, o be o golofetše go phethagala, boka, gomme go se maikutlo. Ke be ke sa kgone go kwa, ka diatleng tša ka. Ke be ke le go mantladima, letšatši lohle botelele. Ke—ke nno ya ka kamoreng gomme ka dula fase.

⁴¹⁶ Lamorena, ke tlile tlase mo go bolela, gomme ke—ke lekile go itšhišinyana nnamong go tloga go yona, ka go bolela. Mošupologo, e be e le fao gape. Gomme e mo bjale.

⁴¹⁷ Gomme ga ke tsebe. Ga ke tsebe, bahlomphegi. Ke no ba ke botega, le lena, bjalo ka banešu. Ga ke tsebe. A ke—a ke nako? A bodir- . . . sephiri sohle se fedile? A go galagatša go fedile gohle? A ka kgonthe ke yona Medumo ye Supa, e lokela go kwatša se sengwe, gore sehlopha se sennyane se se kgokanego mmogo se tla amogela Tumelo ya Tlhatlogo, go ya ka go Tlhatlogo ge A etla? “Ka gobane re tla fetolwa,” ka bjako bjalo ka ge Barongwa ba le ba etla, “ka nakwana, ka go panya ga leihlo; gomme re tla ubulelwa godimo mmogo le bao ba robetšego, go kopana le Morena ka moyeng.”

Thapelo ya ka ke:

⁴¹⁸ Modimo, ge se se le bjalo, ga ke tsebe, Morena. Ke be ke no botša kereke. Ge go le bjalo, Morena, lokiša dipelo tša rena. Re dire komana, Morena, bakeng sa iri ye kgolo yela. Yeo, histori yohle ya nako, bapofeta bohle le bahlelefi ba bego ba lebeletše nako yeo. Morena, ga ke tsebe ke reng. Ke tla boifa go re, “O se ke wa tla, Morena.” Ke ikwela go ba le hlong ka nnamong, ge ke lebelela le go bona lefase ka go seemo, ke dirile go feta se ke se dirilego ka sona. Ke ne hlong ka nnamong. Ge eba go ne gosasa, Morena, tlotša pelo ya ka. Ntlotše gagologolo, Tate, gore ke kgone go dira se sengwe le se sengwe nka kgonago, go tliša ba bangwe go Wena. Ke nna wa Gago.

⁴¹⁹ Ke ikwela boka Jesaya, ka tempeleng ka letšatši lela, ge a bone Barongwa ba fofela morago le pele, ka diphego godimo ga difahlego tša Bona, le godimo ga maoto a Bona, le go fofa ka diphego, “Mokgethwa, mokgethwa, mokgethwa!” Oo, mopofeta yo monnyane yola o ile a romela bjang. O ile a thoma go tšofala godimo ga nthathana. Gomme ge a bone yeo, le ge a bone dipono, o ile a goelela ntle, “Wa madimabe ke nna!”

⁴²⁰ Tate, mohlomongwe ke ikwetše ka mokgwa woo, ge ke bone Barongwa bale bošego bjo bongwe, goba mosong wo mongwe, a ke re. Wa madimabe ke nna, ka gobane ke nna motho wa

dipounama tša ditšhila, gomme ke dula magareng ga batho ba ditšhila. Gomme, Tate, ntlhwekiše.

421 Gomme ke nna yo. Nthome, Morena, e ka ba eng e lego. Gomme ke ema go phuluphithi ye mo ke sa lego ke eba ka mengwaga ye masometharo. Ge go na le se sengwe, Morena, O nnyaka ke dire, ke nna yo. Ke komana, Morena. Eupša, a nke ke hwetše mogau ka sefahlegong sa Gago. Ka go kokobela, ke a rapela.

422 Ke rapelela mohlape wo monnyane wo Moya wo Mokgethwa o ntirilego mohlokamedi wa wona, go ba fepa. Gomme ke dirile tšohle ke tsebago mokgwa wa go di dira, Morena, go ba fepa ka Borotho bja Bophelo. Bjalo ka ponong yela, mengwaga ye mentši ya go feta, moo garetene ya kgole yela e bego e beilwe ka Bodikela, le thaba ya Borotho bja Bophelo; puku ye nnyane, “*Ke Ile Ka Hloka Go Se Obamele Pono Ya Legodimo.*” Gomme mo še yohle e tla go phethega, e utollotšwe thwi ka sefahlegong sa rena.

423 Wena o Modimo, eupša ga go yo mongwe eupša Wena. Re amogele, Morena. Re lebalele dibe tša rena. Ke sokologa go gosedumele gohle ga ka, go bokgopo bjohle bja ka. Ke kgopela go aletara ya Modimo.

424 Bjale ka ge ke etla bošegong bjo, le kereke ye nnyane ye pele ga ka, ka tumelo re tloga go tšwa moagong wo, ka tlhatlogo, “bjalo ka ge re dutše mmogo ka mafelong a Magodimong,” go dikologa Terone ya Modimo. Dipelo tša rena di huthumadišwe makga a mantši, ka go dilo tše re Go bonego o di dira, le go tatolla diphiri tša Gago go rena. Eupša, Morena, bošegong bjo, ke lapile gohle. Wa madimabe ke nna!

425 Gomme—gomme ya Jakobo, ge a bone Barongwa bale ba theoga lelere le go boela morago, o rile, “Le ke lefelo la go boifiša, ga se le lengwe ge e se ntlo ya Modimo.” Gomme Bethele e ile ya hlongwa mo.

426 Modimo, batho ga ba kwešiše seo. Ba nagana e tla ba thabo ye ntši kudu. Eupša, Morena, a sa go lapiše, a selo sa go boifiša go motho go tla ka Bogoneng bja se segolo, Sephidi se maatla sa Legodimo.

427 Ke rapelela tebalelo ya kereke ya ka ye nnyane mo, yeo O nthometšego tlase go—go—go etapele le go hlhla. Ba šegofatše, Morena. Ke dirile go ya ka mo dipono le ditoro le dilo di boletšego, kafao, bokaonekaone bja tsebo ya ka. Ke beile ka gare Dijo tšohle ka mo ke tsebago bjang, bakeng sa bona, Morena. E ka ba eng e lego, Morena, re ba Gago. Re ineela renabeng ka diatleng tša Gago, Morena. Re gaogele. Re lebalele. Gomme re dire re be dihlatse tša Gago ge feela re sa le lefaseng. Morago, ge bophelo bo fedile, re amogele godimo ka Mmušong wa Gago. Ka gobane re e kgopela ka go la Jesu Leina. Amene.

428 Yo mongwe le yo mongwe wa lena, hlwekiša pelo yohle ya gago. Beela se sengwe le se sengwe ka thoko, boima bjo bongwe le bjo bongwe, bo tloše tseleng ya gago. Se dumelele selo go go tshwenya. O se ke wa tšhoga. Ga go selo go tšhoga ka sona. Ge Jesu a etla, go kudu. . . Ke nakwana ye lefase le bego le e ngunangunela le go e llela. Ge eba ke se sengwe se tšwelela pele bjale, bakeng sa go—go go tla go goswa, go tla go go swa ga mpho ye mpsha goba se sengwe, e tla ba semaka. Ge go e tla nako mo e lego gore kutollo ya Medumo ye Šupa e tla utollwa go Kereke, mokgwa wa go tloga, ga ke tsebe. Ke sa tšwa go bolela se ke se bonego. Oo, nna, a nako! Ke go nagana ga tlhokofalo le tlhompfo.

429 Gomme ge e ka ba nako go nna go tloga, ke nna wa gago. . . Morena, ke nna wa Gago. Ge o feditše, etla, Morena Jesu.

430 E ka ba kae e ka bago, goba e ka ba nako efe, ke nna wa Gagwe. Ge ke re ke hlologela go tloga; ga ke. Ke na le lapa go le godiša. Ke na le Ebangedi go rera. Eupša, seo ke go ya ka thato ya Gagwe, e sego ya ka. Yeo ke thato ya Gagwe. Ga ke tsebe.

431 Ke no bolelela go lena se se lego. Ke eng, Modimo o tla se tliša go phethega. Eupša ke le botša se ke se bonego le se se diregilego. Se ra eng, ga ke tsebe. Eupša, bahlomphegi, a bjo e ka ba bofelo? Uh!

432 Batho ba gona bjale, batho ba tshela bao ba bilego le ditoro tseo. A ga go makatše go be go se ya bošupa? A ga go makatše? gore tshela e etilepele thwi, gomme morago pono yela, ka pela. Batho ba mo. Ngwanešu Jackson, mo, o bile yo motee; Ngwanešu Parnell e bile yo mongwe; Kgaetšedi Collins e bile yo mongwe; Kgaetšedi Steffy e be e le yo mongwe; Ngwanešu Roberson e bile yo mongwe; gomme Ngwanešu Beeler e be e le yo mongwe. Gomme Tate wa Legodimong o a tseba go be go se ne ye tee gape e lebanego le yona. Gomme mafelelong a yeo, e tee ya bošupa. . . e bego e le Kgaetšedi Steffy, ka pela pono ya tla pele. Le a bona? Le a bona gobaneng ke tloga? Le a bona gobaneng ke swanetše go tloga? Ke swanetše go e dira.

433 Gomme, bagwera, le se ke la ntebelela. Ke nna ngwana wa bo lena. Le se ke la bea šedi go nna, gobane ke no ba wa go hwa. Ke swanetše go hwa boka yo mongwe le yo mongwe gape. Le se ke la nthetša; eupša theetšang go se ke se boletšego. Se ke se boletšego ke Molaetša. Le se ke la bea šedi go motseta; šetšang Molaetša. Beang mahlo a lena, e sego go motseta, eupša go Molaetša. Se O se bolelago, seo ke selo go lebelela go sona.

434 Gomme Modimo re thuše, ke thapelo ya ka. Ke hloya. . . Ke be ke sa nyake go tla, go le botša se, eupša nka se sware selo morago go lena.

435 Bjale, bokgole bjo ke tsebago, a nke ke le botše. Bokgole bjo ke tsebago, ke tla be ke tloga mo matšatšing a go latela a mabedi goba a mararo, Laboraro mosong, go ya. . . bakeng sa Tucson.

Nka se ye Tucson go rera. Ga ke ye kua go rera. Ke ya Tucson, go hloma lapa la ka ka sekolong, gomme morago ke be motsekelli.

436 Ke ya godimo ka Phoenix, go swara mothalo wo monnyane wola wa dikopano, woo go molaleng e tla no ba Melaetša ye mennyane tikologong. Gomme—gomme ka gona, mohlomongwe, ga ke . . .

437 Ke a nagana ba nnyaka ke rera ka khonferenseng bošego botee. Ga se ba tsoge ba bolela selo ka yona, ba nno re ke tla ba kua. Le a bona, seo ga se kwale gabotse, go nna.

438 Gomme ke na le lentšu, GO RIALO MORENA, go ngwanešu Shakarian, le yena. Uh-huh. Ga ke tsebe o tla dira eng ka lona, eupša ke na le lentšu go mmotša. Ga ke tsebe o tla dira eng. Go tšwa go yena. A le lemogile *Lentšu* la mafelelo? Ga la swanela go ba mokgatlo, eupša ba bolela thutotumelo ya bona. Mokgatlo, gona ke tla wa go tloga. Ke tla ntle go seo.

439 Bjale, go tšeago gore, Ngwanešu Arganbright le Ngwanešu Role, raditipolomata wa Washington ka tlase ga Dipresitente tše šupa, o swanetše go ba ka Afrika. Gomme Ngwanešu Role, le nna, le Ngwanešu Arganbright, re tla be re eya ka Afrika ka pela, bakeng sa dikopano tlase ka Afrika Borwa le Tanganyika, le Ngwanešu Boze. Gomme go ya pele go kgabola go theoga, gomme go a kgonega godimo go kgabola Australia, le go kgabola tsela yeo, go tla morago, ge Morena a sa dire sengwe sa go fapana. Eupša, pele ke eya, ke tla ba morago mo.

440 Morago, ge ke etla morago go tšwa kua, ge Modimo a se a bolela le nna, tsela ye nngwe, ke ya go tšea lapa le go sepelela godimo e ka ba Anchorage, Alaska. Mo ke borwabodikela; kua e tla ba leboabodikela. Gomme ka gona go ba dira ba dule kua go kgabola selemo, ge go fiša bjalo ka Tucson go fihla go tla tšhuma mokgopha go tloga go wena. Ga ke nagane ba ka kgona go e kgotlelela. Ba tla be ba hlogetše gae le go fela pelo! Ga re rekiše lefelo. Le dula thwi mo, le fenešara ka ntlong. Ga ke tsebe ke dire eng.

441 Ka gona, nako ge selemo se fedile, ge Morena a rata, ke nyaka go tloga Alaska, le go tla tlase go ya e ka ba Denver, bogare bodikela; borwabodikela, leboabodikela, bogare bodikela, go lla, “Oo, Morena, O nyaka ke dire eng?”

442 Ke nako ya bjale, Molaetša wo mongwe le wo mongwe, bokgole bjo ke tsebago ka wona, go rerwa, e tla ba thwi mo, tabarenekele ye. Mo ke moo ditheipi di tla bago. Mo ke mo motsemošate o lego.

443 Gomme ga ke ikemišetše go dula, le lapa la ka, ka Bodikela. Ke ya go nyaka go fihla ke hwetša se Modimo a nnyakago ke se dira.

444 Ge ngwaga wo o sa e rarolle, gona, ngwaga wa go latela, ntle le meetse goba dijo, ke tla sepelela ntle ka leganateng, gomme ke

tla leta go fihla A mpitša. Nka se kgone go tšwelapele ka mokgwa wo. O swanetše go hlokofala. O swanetše go fihla lefelong mo a nyakago go tseba gore thato ya Modimo ke eng. Gomme o ka kgona bjang go dira thato ge o sa tsebe thato?

⁴⁴⁵ Ke a dira, ka baka la bokamorago bja pono yela. “Se o se dirilego.” Le a bona? Go ya go dikologa bjalo ka boromiwa le boebangedi, go fihla pitšo yela e etla. Le lelelwa ya pele e tee, ge re be re bea letlapa lela la sekhutlo? “Dira mošomo wa moebangedi,” O rile. Ga se a re, “O be o le moebangedi.” Eupša, “Dira mošomo wa yo motee,” mohlomongwe go fihla nako ya se sengwe gape e etla, phetogo ye nngwe ya mošomo. E ka no ba se sengwe go fapana. Ga ke tsebe.

⁴⁴⁶ A le a Mo rata? [Phuthego e re, “Amene.”—Mor.] Ebang le nnete ya kgonthe ya seo. Ebang le nnete ya kgonthe ya sona, bao ba ratago Morena.

Bao ba letelago Morena, ba tla mpshafatša
maatla a bona,
Ba tla hlatloga ka diphego boka ntšhu,
Ba tla kitima gomme ba se lape, ba sepela
gomme ba se kgathale;
Oo, nthute, Morena, nthute, Morena, go leta.

Ke a Mo rata. Ke a tseba le a dira, le lena. Bjale, gosasa bošego . . .

⁴⁴⁷ Ke a nagana ke e dirile go hlaka kudu. A ke dirile? [Phuthego e re, “Amene.”—Mor.] Go hlaka ka mo ke kgonago go e dira, ke sohle ke tsebago. Ke sohle ke tsebago go se bolela. Gomme ge go utollotšwe go nna, bakeng sa se sengwe, ke tla le botša ka pela. Ke a tseba le na le kgahlego, go tseba. Ke na le kgahlego, go tseba. Ga ke tsebe e be e ra eng. Ga ke tsebe moo—moo ke yago. Ga—ga ke tsebe go ya go direga eng. Ke—ke no ba . . . Selo se nnoši ke se tsebago, ke no ya, ka mogau wa Modimo. Nako yeo, O tla mpotša ge ke fihla kua, mohlomongwe. Eupša, karolo ya ka bjale ke, go ya. Gomme nka no se be kua dibeke tše pedi, go fihla ke tla ba felotsoko gape, gomme e ka no ba morago mo. Yeo ke nnete. Ga ke tsebe. Eupša ke . . .

⁴⁴⁸ Pono yela e bile le mosadi wa ka le bana ba ka ka go yela. Gomme sona selo se e bego e le sona, ke be ke le ka go koloi ya go khupetšwa. Gomme motsotso wo ke sepeletšego ka kua, kua go be go le, ke be ke le ka go seteišenewakone sa ka. Gomme ke tsela ye re tlogago, mo matšatšing a mmalwa, ga ke tsebe mo re yago, ga ke tsebe re ya go dira eng ge re fihla kua, re no ya.

⁴⁴⁹ Modimo ga se a tlwaelega, go rena, gobane ditsela tša Gagwe di feta go hwetša ntle. O nyaka go obamela.

“O ya kae?”

“Yeo ga se taba ya gago. E no tšwelapele o eya.”

“O nnyaka ke dira kae, Morena?”

⁴⁵⁰ “Seo ga se selo go wena. Latela, wena, Nna.” Uh-huh. Uh-huh. “E no tšwelapele o sepela.”

“Ke tla ema kae?”

“Seo ke eng go wena? E no tšwelapele o sepela.”

Kafao, mo ke a ya, Leineng la Morena Jesu Kriste. Uh-huh. Amene.

Ke a Mo rata, ke a Mo rata
Gobane O nthatile pele
Gomme a reka phološo ya ka
Godimo ga mohlare wa Khalibari.

Ke . . . (Yena ke bophelo bja ka.) Ke . . . (Sohle
ke se pheletšego!)
Gobane O nthatile pele
Gomme a reka phološo ya ka
Godimo ga mohlare wa Khalibari.

⁴⁵¹ Bahlomphegi, a ye ke nako? [Ngwanešu Branham le phuthego ba hama khorase go felela, mmogo, *Ke A Mo Rata—Mor.*] Gomme ge re sa e opela gape, šišinya diatla le yo mongwe kgauswi le wena. E re, “Ngwanešu, kgaetšedi, nthapelele. Ke tla go rapelela.”

Ke . . .

⁴⁵² [Ngwanešu Branham o retologa go dikologa—Mor.] Nthapele, Ngwanešu Neville. [Ngwanešu Neville o re, “Ke tla dira, ngwanešu. Nthapelele, ngwanešu. Ke a go leboga.”] Ka tlhokofalo ka kgonthe! [Yo mongwe o re, “Modimo a go šegofatše, Ngwanešu Branham.”] Nthapelele, ngwanešu. Nthapelele, kgaetšedi. Nthapelele.

. . . nna.

Gomme a rek- . . .

⁴⁵³ Rapela, rapelela nna, . . . ? . . . Rapelela nna, . . . ? . . . Rapelela nna, . . . ? . . . Rapelela nna.

. . . mohlare wa Khalibari.

Ka gobane ke . . .

A re phagamišeng diatla tša rena bjale go Yena.

. . . Ke a rata . . . (Lerato la kgonthe!)

Gobane O nthatile pele
Gomme a reka phološo ya ka
Godimo ga mohlare wa Khalibari.

Ee, ke . . . (Ka pelo yohle ya ka!)

⁴⁵⁴ Latela, Ngwanešu Neville. Ke ya morago. Tsebiša nako ya kopano. [Ngwanešu Neville o tšwelapele go opela le phuthego, *Ke A Mo Rata*, gomme o phatlalatša tirelo—Mor.]



A LE KE LESWAO LA BOFELO, MOHLOMPHEGI? NST62-1230E
(Is This The Sign Of The End, Sir?)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Desemere 30, 1962, mo Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org